


مكتبه عبادان الالكترونيه تقدم:



ديوان السَّكراني

الجزء الأوّل

للشاعر الأديب الأستاذ

الملا فاضل الحاج يعقوب السَّكراني

اسم الكتاب : ديوان السكراني
الشاعر : الملا فاضل الحاج يعقوب السكراني
الناشر : الشاعر
تنضيد الحروف : وحيد - أهواز : ٥١٤٨٠٠
القلم والزيتك والطباعة : مطبعة الشهيد/قم/تلفاكس ٣١٢٧٩
عدد النسخ : ٢٠٠٠ نسخة
تاريخ الطبع : ١٤١٩ هـ - ١٣٧٧ هـ ش
عدد الصفحات : ٢٠٨ صفحة

كل الحقوق محفوظة
للمنشر

السعر : ١٥٠٠٠ ريال



صورة الشاعر

بِسْمِ اللَّهِ الرَّحْمَنِ الرَّحِيمِ

نبذة مختصرة عن حياة صاحب الديوان :

إنَّه الشاعر المعروف والأديب الموصوف الأستاذ فاضل بن المرحوم الحاج يعقوب السكراني و إنَّ شهرته بين الناس و في أواسط المجتمع ملاً فاضل السكراني و إنَّ كنيته أبو مهدي فاسمهُ تفصيلاً هو فاضل بن الحاج يعقوب بن الحاج عاشور بن سكران بن عثمان بن محمد بن أحمد بن فيحان بن سيحان بن ثابت و ثابت هو بطنٌ من بطون قبيلة شَمَّر الطائيه القحطانيه الغنَّيه عن التعريف .

وُلد صاحبُ الديوان في الدورق « الفلاحيه » و إنَّ تاريخ ميلاده كان في غرّة محرم الحرام سنة ١٣٤٠ هجريه قمرية الموافق سنة ١٣٠٢ شمسيه. كان شاعرنا منذُ طفولته مولعاً بالشعر والأدب يحضر الاحتفالات الاجتماعيه التي تقام بالمناسبات يسمعُ من شعرائها و أدبائها الأناشيد الأدبيه والتواشيح الدينيه .

تعلم في بداية طفولته القراءة الصحيحة للقرآن الكريم على يد أحد الملالي المعروفين في المنطقه إذ لم تكن آنذاك توجدُ مدارس للتعليم و بعد ذلك تعلم كتابة الخط العربي و قراءة أنواع القصائد الشعريه و حفظها و طريقة إنشادها على يد أستاذه الفاضل المرحوم السيد رضا بن المرحوم السيد صالح ابراهيمي رحمه الله عليه و في الواقع كان سيّدنا المذكور معروفاً بحُسن الأخلاق والفضل و جودة الخط و كان يود التعليم والتهديب لكافة أبناء الحاره فله الفضل الأكبر على شاعرنا إذ

كان هو الحجر الأساس لبناء شخصيته الأدبية والثقافية . و في سن الثامنة من عمره دخل المدرسة التي فتحت لأول مرة في تاريخ الدورق و في سنة ١٣١٥ شمسيه حصل على شهادة الصف السادس الابتدائي بتقدير عال و كانت هذه الشهادة آنذاك تُعدُّ أكبر شهادة دراسية إكتسب شاعرنا موهبته الشعرية إضافة إلى غريزته الذاتية اكتسبها وراثته من والده الشاعر المرحوم الحاج يعقوب السكراني .

أخي القاري كما قد ذكرت آنفاً كانت لشاعرنا نشاطات أدبية و محاضرات اجتماعية واسعة و قد سجلت له ذكريات مشهوره و مواقف مشكوره في المناسبات العامة والخاصة كالموايد والوفيات و في جميع المجالات . نعم كانت هذه نبذة مختصره عن حياة شاعرنا الكبير الأستاذ ملا فاضل بن المرحوم الحاج يعقوب السكراني المعروف بشخصيته المرموقة المعرّزه أطال الله عمره و كثر من أمثاله . و قبل أن أودّعك أيها القارئ الكريم بقي لي أن أقول لك و بكل صدق و إخلاص أنّ لشاعرنا الكبير الفضل كلّ الفضل لما قام به من تضحيات جسام على مدى هذه الفترة الطويلة من عمره في توسيع رقعة لغة الشعر و تنوعها و تطورها إذ صار بفضله الكثير من أبناء بلده شعراء تعلموا منه أوزان الشعر و معانيه فمن كان منهم بالأمس لا يقيم وزناً للشعر و لا يدري ما طعمه و ما لذته قد أصبح شاعراً أو عاشقاً للشعر ينهل من معينه و يأكل من ثمار جنانه بكل رغبة و لهفة و اشتياق و شكراً .


مهدي ملا فاضل السكراني

الإهداء

إلى كلّ من كان ينتظر صدور هذا الديوان وإلى كلّ من تلّهُف و
تعطّش و صبر .

وإلى كلّ من سعى و دعى و شجّع و ساهم لكي يصدر هذا
الديوان .

نُهدي هذا الديوان و بكلّ اعتزاز متمنين أن نكون قد حقّقنا ما كان
مطلوباً منّا و ما املاه علينا واجبنا تجاه المحبّين مع وافر أشواقنا
للجميع .



حِكْمَةُ الدِّيوان

لا يمكنك أن تعدّ نفسك من هُواة الشعر ولا من رُواته ولا يمكن أن تكون يوماً شاعراً إلا باتِّباعك الآتي .
أولاً عليك : أن تقرّاء الشعر قراءةً صحيحةً و قد قيل سابقاً ويلُ للشعر من راوية السوء .
ثانياً عليك : أن تلمّ بمعنى الشعر و تفسيره .
ثالثاً عليك : أن تحفظ الشعر حفظاً صحيحاً و مُتقناً .
ولهذه الأسباب عليك أن تأخذ الشعر من مصدره لا من الآخرين .

الفصل الأول

القصائد

﴿قصيدة العلم والجهل﴾

﴿بمناسبة مولد الرسول الأكرم ﷺ﴾

فكر كل انسان يتعب لو بلاحظه بمشاكل جهل جاره
الجهل شبه الليل الأظلم والعلم نبراس و براس المناره
الما علگ للفهم شمع و لا ضوّت بالعلم داره
ايغضي عمره بغير ثمره و عاقبة أمره الخساره



﴿الدّور الأوّل﴾

الجهل ما تسمع أخباره إشصنع بالحاره الجميله
اشفعل و شعل و ششعل من نار بزهار الخميله
اشهدر من دم وشهدم وشزم ضرر طوفان سيله
الجهل دمّر عز بلادي بصاجعه ويمر نخيله
الجهل للشرسل هنادي بحقد مسنونه و صقيه
الجهل سم رگطة الوادي الكرست سوادي بدليله
الجهل اضرى من الضواري التفرس بوثبات غيله
الجهل دوم عزوم مُهره و شالش الدنيا بصهيله
الجهل بالشر غزه و يغزي و توصل الكل سلف خيله
الجهل اتعس يوم يومه و انحس من النجس ليله

الجهل أخبث مرض مُسري و سره و يسري الكل قبيله
الجهل كل إرياح طبعه التهب مكروهه و ثقيله
الجهل سوگ ارباح خدعه و فُخ مغشّه و شَبِج حيله
الجهل تخمد كون ناره و ينهدم بالعلم حيله
الجهل ينسد كون بابه و ينگطع دابر سَبيله
الجهل لا غيره بضميره و لاحيه و عَفّه و فضيله
الجهل بس يعرف قباحه و چذب و وكاحه و رذيله
الجهل راس الحگ ينكسه و راس كل باطل يشيله
الجهل بس لَحْمق رفيجه يشوره و يزوزه و يجيله
الجهل ساسه من النحاسه و راسه ما چف عگل داره
و شنهي مصالحته بحياته الخلصت بعركه و شهاره
ايگضي عمره بغير ثمره و عاقبة أمره الخساره



«الدَّور الثاني»

العلم شمعہ العلم لاله العلم بدر التّم كماله
العلم محبوبی و حبيبي السهرن عیوني الوصاله
العلم مطلوبی و نصيبي الما مَثَل يشبه مِثاله
العلم أجمل من حبيبي اليفخر بروعة جماله
العلم بات بييت فكري و بَتت بشعوره و خياله
العلم فشکل طود همّي و زاح كل غمّي و أزاله

العلم رَضَّع دُرَّ يَرَاعِهِ بِمَتْنِ غِرطَاسِ الرِّسَالَةِ
 العلم نور إدراك واعِي المَا عِثْرَ جَدَمِهِ بِضَلَالِهِ
 العلم يحوي الْجِلْمَ طَبْعَهُ وَيَحْتَوِي عَلَى الصَّبْرِ بِأَلِهِ
 العلم بي يَسْكُرُ الصَّاحِي الشَّرْبِ مِنْ كَوْثَرِ زَلَالِهِ
 العلم لو لَا الْعِلْمَ مَا شَعَّ نَوْرُ بِالدُّنْيَا وَتَلَالِهِ
 العلم أهْوَهُ النَّسِجَ جِلَّةَ الْكُلِّ رَشَا الْمَاسِ بِدَلَالِهِ
 العلم أهْوَهُ الصَّاعِ زَيْنَهُ وَزَيْنَ الْيَسْبِي اخْتِيَالِهِ
 العلم لَابَسَ هُنَّ صُنْعَ صُنْعِهِ الْجِلَّتْ بِيَمِينِهِ وَشِمَالِهِ
 العلم بني عَرْفَانَ رَبَّنَا وَأَحْمَدَ الْمُخْتَارِ وَآلِهِ
 العلم عَنْهُ يَغُولُ طُهُ يَغُولُ طَلِبُوا مِنْ رَجَالِهِ
 و علم فقه الدين نعمه و معرفه و حكمه و عداله
 انعرف بالمعروف طبعه و بالتقى امتازت خصاله
 و ليش ظل مبتعد عنه الما عرف غير الجهاله
 و ليش ما يشبُّك محبته بگلابه و يمينه و يساره
 اشينتظر شنهو انتظاره اشيعتذر شنهو اعتذاره
 ايگضي عمره بغير ثمره و عاقبة أمره الخساره



﴿الدَّورُ الثَّالِثُ﴾

العلم كل معناه كلّه انجمع و انخطت سطوره
 بنور غرّة سيد الكون البزغ للخلگ نوره

بمهجة الهادي العِلم مخزون و ببهجة سروره
 الليله غاض البُطل والحگ فاض بشطوطه و بحوره
 الليله بالفردوس زيننه و غدت تتراگص قصوره
 ازدهى بولدانه و چنانه و حسنه و حسانه و حُبوره
 و تلت آيات التهانى بكل معاني الفرح حوره
 و گام جس داود يشدي بلطف ترتيله بزبوره
 و صفغت أشجاره الجميله و شبغت طيوره و زهوره
 و حوض روض الخلد صار يسيل سلساله و خموره
 و كوثره و منهل رحيقه و عنبره و مسكه و بخوره
 و رُوح ريحانه و جُمانه و نسَمته و بسمه عطوره
 الليله عرش الكفر يهوي بهاويه و ينهدم سوره
 الليله تشرگ شمس رحمه و يهلك الطاغي بفجُوره
 الليله شع فرقد مسرّه تعلّا و تجلّى بظهوره
 الليله يرهش سَما الفرحه بطلعت نجومه و بدوره
 الليله طل مولود بهجه بأكمل أجمل و أجل صوره
 الليله أبو طالب يضيفه الفخر بمضيفه و يزوره
 و ينولد مولود زاچي لآمنه الحرّه الطهوره
 الماعرف طه و عترته و لا گره المعناه سوره
 انعرف عد مرته و أسرته مخبل و فاجد شعوره
 و لَوْن ما يدري اشأگلّه و لا عرف هاي الاشاره
 و يظل متدنس بجهله و راغ عن معنى الطهاره
 ايگضي عمره بغير ثمره و عاقبة أمره الخساره

﴿قصيدة أحبك يا ظبي الوادي﴾

و لو لحظك رُمى فوادي	أحبك يا ظبي الوادي
الصابن غلبي الصادي	أود اسهام نظراتك
و چلمتي و گهوتي و زادي	أيا شربي الحلا بكاسي
او صوت البي حدا الحادي	او يا غناوة الغنن
البيك اتحقق امرادي	چنت سر منوتي و شوگي
او كل وكتك على بادي	او چنت الما يشح و صلك
بعيد اشبعك غادي	يغادي الأصبحت عني
وانته الجنة الي فادي	يچنت أفديك بگليبي
من أول يوم ميلادي	أحس ابروحي اتحبك
او عين غلادة ابلادي	يوردة روض بستانني
و سروري و بسمه أعيادي	او يا سنبله نيساني
مثل ما غال الغبادي	أگولن بيك أود و حچي
و خل يفتاض العرادي	دخّل يزعل الديراوي
و لو هم چان أستادي	ألوم اللامني بشوگك
و گلك شوفني اشهادي	هديه أهدي لك إقبلها
و لب حشاي مدّادي	صغت ترچيه إلك چبدي
يچل و يمل تعدادي	شعد أوصافك إشأحچي
سعادته و خير بسعادي	سعاد أهلك مسمينك

أَرَدَدَ بِسَمِّكَ الْغَالِي	بَلَدَ جَلَمَاتِ تَرْدَادِي
أَعْرَبَ حُرُوفَ إِسْمِ شَخْصِكَ	الْمَا عَرَبَهُنَّ سِرَادِي
سَجَرَ ذَكَرِكَ يَنْسِينِي	صَلَاةَ اللَّيْلِ وَوَرَادِي
أَحَبَّكَ يَوْمَ بِمَهْدِكَ	وَنَهْ زَغِيرُونَ بِمَهَادِي
يَمُنْ وَجْهَكَ صُبْحُ ضَاوِي	وَقَدَّكَ رَمَحَ مِيَّادِي
ابْشَطْ دَمْعِي الْجَرَى مِنْ أَجْلِكَ	الْبَيِّ مَتَغَيِّشَ مِرَادِي
أَمْسَ تَوَرَّدَ چَنْتَ مِنْهُ	الضَّحَى وَ يَفْلَتَ وَرَّادِي
ابْرُوضْ مَحَبَّتَكَ زَغَرْدَ	و غَنَّهُ وَ غَرْدَ الشَّادِي
إِلَّكَ يَلْفَحُ عَشَجَ نَبْضِي	و يَجْدَحُ عَاطِفَهُ زَنَادِي
ابْشَاطِي الشَّوْكَ إِلَّكَ يَمْخَرُ	بِقَوِّهِ وَ عَزَمَ طَرَّادِي
و لَوْ أَهْلَكَ يِعَادُونِي	إِلَّكَ وَ لَهْلَكَ مَا عَادِي
غَدِيتَ نَحِيلَ مِنْ وَجْدِكَ	دَصْدَلِي وَ شَوْفَنِي اشْغَادِي
أَيَا الْغَدَارَ بُوْعَادِكَ	وَنَهْ الْوَقَايَ بُوْعَادِي
أَنَّهُ الْخَلَصِيَّتَ بُودَادِكَ	وَ-أَنْتَهُ الْخَنْتَ بُودَادِي
أَثْنِينَ بَرُوضَ أَغْنَى چَنْتَهُ	لِچَمْنِ خَلَّيْتَنِي فِرَادِي
طَغَيْتَ بِحَسَنِكَ الْيَكْتَلِ	أَبْغِي هَالْحَسَنَ مَتْمَادِي
سَلَبْتَ الْكَرَى مِنْ عَيُونِي	طَوَيْتَ الْعَمَرَ بِسَهَادِي
لِجَتَ بِمِرَايَةِ خِيَالِي	أَبْلَمَحَةَ خُطْفَةِ رِغَادِي
أَحْسَ بِيكَ بِبَطْنِ عَيْنِي	أَبْغَلْبِي وَ بَيْنَ أِبْرَادِي
أَشْوَفْنَكَ وَ لِمَسْنَكَ	وَ سَمْعَنَكَ مِنْ تَنَادِي
أَرْصَدْنَكَ بِدَلَالِي	أَبْبَالِي بِعَالِي أَرْصَادِي

أرودنك ابـفاكرتي
اعليش تحش هـرش گلبـي
صبتني ابـسيف أحد و بشط
بـگلي اشجره و شنهو الصار
خليج امودتي هايـج
اتركتني بحومة الحيره
اهزمتني بجيش نجباتك
و أنه الجنة ما أرضخ
أشدن لك حبل وصلي
وگعت بسگم من هجرك
أجر تهلات أـجر حسرات
اخيم رجواي گوضها
إلك وديت ألف شكوه
او چنت آمل أشوقـلـك
لچن ما ظل آمل عندي
او خل يتونس الواشي
مثل مسعود بن سبتي
او عبد الباري و زباري
و حمد و حميد و محمـد
هذوله الكدرو عيشي
أبو ولفي العرفت أصله
الفكر والذكر روادـي
ابمنجل خشن بولادي
و شد من سيف المرادي
مـني وياك و شـسادي
و نهر مودتك هادي
أشن تهلات بطرادي
او فرت شارده جيادي
الضدي و زايد عنادي
لچنك ترخي شدادي
و هلنايم على اوسادي
أـجروئات مترادي
جفاك و كسر عمادي
و دم دموعي مدادي
ابگربي و بين عوادـي
دخل ترتاح جـسادي
و عذولي و مجمع اضدادي
و سعد و سعيد و سوادـي
و عبد و عبيد و عبادي
وخوه حمود و حمادي
و شـو خبرو حمادي
من أصل معروف عبـادي

أَحبُّكَ لا يا ظبي الوادي	أَحبُّكَ لا أَحبُّكَ الأَكْثَرُ
وَعَزَّ مِنْكَ وَلِذْ مِنْكَ	وَعَزَّ مِنْكَ وَلِذْ مِنْكَ
الَهْلِي حَبَّوهُ مِنْ غِبْلِي	الَهْلِي حَبَّوهُ مِنْ غِبْلِي
أَحَبَّهُ وَجَانَتْ تَحَبُّهُ	أَحَبَّهُ وَجَانَتْ تَحَبُّهُ
وَمَحَبَّتُهُ مَخْضَرُهُ وَرَدَهُ	وَمَحَبَّتُهُ مَخْضَرُهُ وَرَدَهُ
وَشَمَّنَ طَيِّبَهَا الْفُوحُ	وَشَمَّنَ طَيِّبَهَا الْفُوحُ
وَتَظَلَّ تَفُوحُ أَحْفَادِي	وَتَظَلَّ تَفُوحُ أَحْفَادِي
لَحَبَّهُ وَهَمَّتْ بِمَحَبَّتِهِ	لَحَبَّهُ وَهَمَّتْ بِمَحَبَّتِهِ
إِلَهُ انْشَدَتْ الشَّعْرَ عَشْغُهُ	إِلَهُ انْشَدَتْ الشَّعْرَ عَشْغُهُ
لَحَبَّهُ الْبَيَّ عَرَفَتْ اللَّهُ	لَحَبَّهُ الْبَيَّ عَرَفَتْ اللَّهُ
نَعَمْ هُوَ السَّبَبُ لَوْجُودِ	نَعَمْ هُوَ السَّبَبُ لَوْجُودِ
الصَّلَاةِ عَلَيْهِ اللَّهُ وَكَالِ	الصَّلَاةِ عَلَيْهِ اللَّهُ وَكَالِ
الَّذِي اتَّزَيْنَ الْمِيلَادُ	الَّذِي اتَّزَيْنَ الْمِيلَادُ
وَعَشَّتْهُ بَنُورُهَا الْبَهْجَةُ	وَعَشَّتْهُ بَنُورُهَا الْبَهْجَةُ
نَعَمْ هُوَ النَّبِيُّ طَاهَا	نَعَمْ هُوَ النَّبِيُّ طَاهَا
أَعْدَنَ عِيدَ مِيلَادِهِ	أَعْدَنَ عِيدَ مِيلَادِهِ
أَحِيدَنْ عَنْ مَدْحِ ضَدِّهِ	أَحِيدَنْ عَنْ مَدْحِ ضَدِّهِ
أَحَبَّهُ وَلَوْ يَحْرُغُونِي	أَحَبَّهُ وَلَوْ يَحْرُغُونِي
مَحَبَّتُهُ وَلَوْ يَنْذَرُونِي	مَحَبَّتُهُ وَلَوْ يَنْذَرُونِي
مَحَبَّتُهُ بِبَطْنِ ذِرَاتِي	مَحَبَّتُهُ بِبَطْنِ ذِرَاتِي

أَكْصَرَتْ عَنْ غَايَةِ ابْعَادِي
 مَحَبَّتُهُ أَثَّرَتْ بِفُؤَادِي
 وَجَلَّ كُلُّ حَاضِرٍ وَبَادِي
 أَبُوي وَمَجْمَعُ أَجْدَادِي
 وَتَوَدَّ ذِكْرَاهُ اسْيَادِي
 وَزَهَتْ بِغُلُوبِ أَوْلَادِي
 ابْمَهْدِي وَعَادِلٌ وَهَادِي
 عِطْرُ وَحَفَادِ أَحْفَادِي
 رَجُلٌ مَرْمُوقٌ مَوْعَادِي
 وَظَلَّ أَفْتَخَرَ بِإِنْشَادِي
 وَهُوَ السَّبَبُ لِرِشَادِي
 كُلُّ مَوْجُودٍ وَيَجَادِي
 صَلُّوا عَلَيْهِ يَعْبادِي
 ابْهَنْدِ الْيَوْمَ كُلَّ نَادِي
 الْعَظِيمَةِ السَّرَّتْ بِلَادِي
 الرَّسُولِ الْمُصْطَفَى الْهَادِي
 مِنْ اسْمِهِ وَأَفْخَرُ أَعْيَادِي
 وَلَا أَنْسِلَامَ بِحِيَادِي
 وَصِيرَ أَرْمَادِ بَرْمَادِي
 وَخَرَّ ذُرَّاتٍ بِالْوَادِي
 تَتِمُّ الْيَوْمَ مِيعَادِي

﴿ قصيدة في رثاء أبي الأحرار الامام الحسين (عليه السلام) ﴾

﴿ احسين سل سيفه ﴾

حسين سل سيفه و لكدها بغاره
لمن تذبّحت كلّ أنصاره



لمن تذبّحت كلّ شبّانه
ولا بگه ضرغام من خوّانه
غار أبو الغيره و رگه إعله حصانه
للحرب طب غضب سقر ناره



للحرب طب والشبه عزمه انتضه
جالها و ضيگ بعгдаها الفضه
صاح أنا ابن الليث شبل المرتضى
مفر ماكو اليوم يا غذاره



مفر ماكو اليوم ما يحصل درب
لليريد يروغ عن نار الحرب
خلّه دمع گحومها و دمها يصب
زعل زلزلها و بگت محتاره

زعل زلزل حط زلازل بالعدّه
و من سطوته الكون ليل أظلم غده
خطف كثره أرواح برگ مهنده
و خاض بحر الكون كله و داره



خاض بحر الكون كله و طفحه
دارها و فرها شبه دور الرخه
زال چم درچال چم صف زحزحه
نار وچ بيها و غدت گباره



نار وچ بالمهج وچ بالمهج نار
وعله موستط گلب گلب الجيش غار
بصرخته بلا گلب خله الكب صار
الكلب داره و يَمِيتَه و يساره



طعن بَسْمَر قنه و قد بَيَّض حتوف
و غار مهره و هاج بمواج الصفوف
خله ذاك اليوم بي أصبح كسوف
من الطراد الصار عالي غباره



ریح صرصر صاجعه و خر علی الکوم
 رَجَزْ خَزْ خَزْ رُوسْ مِنْ شُوسِ الْکُرومِ
 صَکَرِ چَنَّهُ الحید المِچَنَّهُ و یحوم
 اِبْمَرکَزِ الحومهِ العِلنِ شَنِیاره



أَسَدُ أَصید صد گَصْدِ مُرْدِ الشُّوسِ
 لَکَدْ هَدْ شَدْ شِدَهْ شَرْدْ حَصْدِ رُوسِ
 بَطَلِ جَدَلِ چَتَلِ جَنَدَلِ فِنَهْ نَفُوسِ
 طُبْرِ طَشَّرِ طَرِ شِطَّرِ بَتَّارِه



سِطْعِ ضِعْضِعِ رُضِعِ رَمَحِ مِنْ الْجِسامِ
 حَلَفِ رَجَفِ هَفِ نَسَفِ لَفِ لَفِ أَعْلَامِ
 زَعَكِ وَ رَهَكِ طَكِ طَبَكِ شَكِ شَرَكِ هَامِ
 صَكِ طَلایِعِهَا وَ غَدَتِ عَنَّارِه



دَعَسِ نَكَسِ كَرِ دِمَسِ كَرْدَسِ أَبْطَالِ
 سِيفِهْ صَبِ دَمِ رَدَمِ دَمْدَمِ عِدَمِ زَالِ
 غَضِبِ ضِهْضِبِ ضَرْبِ سَمِ صَبِ فِنَهْ رِجَالِ
 بَالُوغِهْ يَكِرِ شَبَهْ كَرِ كَزَّارِه



لو لا المَقْدَرُ و ظل ساعه بعد
 چا فناها بصارمه الحيد الأسد
 لچن ربك شاء چتله و بالخلد
 حب يسكنه و يغفر الزواره
 ❀❀❀

﴿ قصيدة في حق أبي الفضل العباس (عليه السلام) ﴾
 ﴿ يوم ألطف لوى التوحيد ﴾

يوم الطف لوه التوحيد شيال العلم شاله
 شاله الحيد أبو فاضل اللّاح ابظهر الخياله
 ❀❀

لاح ابظهر الخياله لا چنه اشفعل من لاح
 خر چالصاجعه اعلى الكوم لو مثل الشهاب الطاح
 تلفي غايره الفرسان و تكع ابعل لو صاح
 سم الخيل أبو فاضل و سم الفرع و سلاله
 ❀❀

سم الخيل بالميدان ينشبهها الرهگ والويل
 تغدي اذياه بالوديان لو عزّم عليها ايميل
 الهم ما ثبت درچال درچال الثجيل ايشيل
 يوم صال چم درچال هزه و زلزله و زاله

صال ابعزم أخوه احسين و بصولة علي الكرّار
 حط بالكوم رجفه و لوم سوّه الصار أبد ما صار
 طوس و روس ألوف الشوس شگهن طبگ بالبتّار
 شگ شل نار شب سَم ذب ابدلال الدنه و ياله



جال ابگلب گلب الجيش و تگلب على الجنحين
 فات اعلی الطغات البات بالشر شورها اعلی احسين
 ولّت فازّه الجيمات ما تدري النجاة امنين
 ذلت من ضرب صمصام عزمه و طعن عسّاله



بالصمصام گط الهام سوّا شبه گط أقلام
 خلّه الصيد بگصه البید تربی ابعيد للضرغام
 خط خطّة حتف بالسيف و بحدّها ايتبختر گام
 من یگرب الحدّ اللّیث لیث الهاج بشباله



ما تدري اشفعل بالكوم أبو فاضل ابذاک اليوم
 فصّل للگروم اهدوم و سمّها ابمخازي و لوم
 سوّه من العجاج الهاج أمواج و عجدها اغيوم
 و بليل العجاج الماچ یسطع بس بگه اهلاله



زينب موجه اتحييه و تشيمه و غدت تنخاه
 أنته الكربله مذكور من عودي الصعب ملگاه
 يا راعي الفخر فخرک ابفعل امهتدک معناه
 والفعال يظهر حال مجده ابجيد أفعاله



وَم چلثوم حيته و تهلهل ظلت أم چلثوم
 و تگله يراعي الباس يا ضنوة علي المعلوم
 مثلك هيچ أخو ما صار ينصی و يفرث الصمصوم
 يا راسي الرفع للغيم راسي و بالفخر شاله



يا راسي الرسه يا سور عزّي و هييتي و رجواي
 يا ذخري الأزامط بيك يا فخري و أمل نخواي
 عود الثايتك بالماي من جودك نريد الماي
 سدر هاذ أخوك احسين تبجي من الظمه أطفاله



يوم السمع هزّ السيف و تچنه ابأبوه الحيد
 دگ بالأرض رجله ابزود من باسه و دعاها اتميد
 زلزل جيشها ابصرخات شبه الصاجعه من ارعيد
 والجيش الزحف ينزاح لو حل بيه زلزاله




سَدَّر مَكْصِدَهُ الصِّيَوَانَ وَمَعَزَّم يُوَصِّلُ الْجُودَ
وَأَمَرَ بَنَ سَعْدَ عَالِجِشَ يَرْجِعُهُ وَعَلَيْهَا أَيْعُودُ
بِحَتُوفٍ وَقَنَهُ وَبَسِيُوفٍ دَرَبَ الْمَشْرِعَةِ مَسْدُودُ
بِالْعَسْكَرِ الْعَادِ أَرْدُودَ لِلْحَوْمَةِ وَتَعَنَّالَهُ



مَنْ شَافَ الْعَسَاكِرَ لِيَهْ مَتَجَدَّمَهُ ابْنِيلَ وَرَمَاحَ
لَا حَ إِخْيَالَتَهُ وَمَنْ لَاحَ طَفَّحَهَا وَجَدَسَهَا وَصَاحَ
أَنَّهُ ابْنُ الْوَصِيِّ الْوَضَاحِ عَوْدِي الْمَرْتَضَى الْمَصْبَاحِ
حَيِّدِرَ ذَاكَ وَأَنَّهُ ابْنُهُ الذَّخْرَنِي الْهَازِ وَمَثَالَهُ



ذَاخِرَنِي الْهَازِ الْيَوْمَ أَبْذَلُ مَهْجَتِي لِلدِّينِ
دِينَ اللَّهِ الْعَلَهُ ابِمَجْهُودِ أَبُوي الْمَرْتَضَى وَيَاسِينَ
وَالْوَاجِبَ أَضْحَى الرُّوحَ وَفَدِيهَا الْأَخُوِي أَحْسِينَ
ضَحَّهَ الرُّوحَ أَبُو فَاضِلَ الْأَجَلِ أَحْسِينَ وَعِيَالَهُ



﴿ قصيدة أول ليلة من شهر محرم و خطاب ألقيله زينب عليها السلام للهلال ﴾

﴿ صدّت للأفق زينب ﴾

صدّت للأفق زينب و منها العين همّاله
من شافت شهر عاشور بيّن بالسما إهلاله



من شافت شهر عاشور حس بالخطر منها البال
وگفت حايره و تگول هليّت ابحسن يهلال
يهلال المصايب بيك ننصاب ابمحن وهوال
بيك انشوف أصعب يوم مثل الحشر وهواله



يهلال الكدر يالبيك نتحمل هظم و هموم
ريتك كون ما هليّت دغرّب يا هلال الشوم
بيك اشكد لبو السجاد يوم الطف تسيل ادموم
و تهل دمة أم چلثوم حين ايودّع اعياله



يهلال المحرم بيك تتجمع علينا اصفوف
عسكر من بني سفيان يلفينا ابسرب و حتوف
جيش الطاغي ابن ازياذ يحشدها ابجنه و سيوف
يمنع على احسين الماي و تظل ظاميه أطفاله

عسكرهم يريد احسين مَدَّتْ نِل يمد ايده
 و يبائع يزيد ايكون يلوي اعلى الهضم جیده
 و دري ابعزم أبو السجّاد عيش الهضم مَیریده
 بالعز بس يريد ايعيش دونه الموت يحالاه



شئ ماصار گبل الطف أشوفه ايصير يوم الطف
 أدري ابجيشها الحشد علينا ابقوته يزحف
 و بن أُمي الشهيد احسين دون اخيامنا يوگف
 يتجنّه و يسدر الجيش بالأنصار و رجاله



أدري ابيوم عاشر يوم بي يدوي اسمهاها الويد
 بي حتماً يچلچل غيم بي يكثر برگ و رعید
 بيه اسيوف بيه احتوف بي يندهش عزم الصید
 بي يغدي العجید ابعيد يرجف رُعب دلاله



و حسين ابهله الطيبين و نصاره و جمع گومه
 یگصد حومة الميدان و يعجب الخلگ يومه
 و دري ابباس أبو فاضل الباتت شایعه اعلومه
 یفني انفوس ينثر روس ينظم شوس عسّاله



وَدري ابن الحسن جاسم البَالِغِ زاد نوماسه
 رخصه احسين من ينطيه يشعلها ابجرم باسه
 اسم الله اعليه بالميدان لو فرّع شعر راسه
 شاب ابن اهدعش مدرع و مطوس يا سعد فاله



وَدري ابشبل أخوي احسين ما يتحمّل العيله
 كفوين ابعلي الأكبر يچردسها ابعزم حيله
 بي يستر أبو السجاد و تهلهل فرح ليله
 چنه المرتضى ابلگاه من شد على الخياله



لاچن بعد ما يدّون بالطّف واجبات الدين
 و يراوون أهل سفیان سَطَوَة حيدر ابصفين
 يهوون ابچسب نوماس فوگ الترب دون احسين
 و من احسيننا اعلى الكاع تجري ادموم سياله



يَهلال اشأسولفلك منهم لا كهل لا شاب
 مَحْد يظل ويّا احسين و يظل هدف للنشاب
 وَدري احسين أخوي احسين بموسط الكلب ينصاب
 بالطّف حرمله من ايصيب ما تخطي الحشه انباله



دَنشِدَنِي و بعد شَيِصِير و شَيوْگَع بعد يَهلال
 تَخْلَص كل بني هاشم و منهم ما يَظَل رَجَّال
 و بن أُمي العَزِيز احسِين راسه اعلَى الرمح يَنشال
 يَفجَعنه الشمر بالرَّاس لو حَز منحره و شاله



و جِسوم أَخوتِي الأمجاد يَمَي امطَرَحَه بالبر
 تَبْگَه اعلَى الصعید أیام تَصهرها الشمس والحر
 جِسم الجاسم و عباس و حسين و علي لكبر
 يوم الطف يَغسَلهن اغبار الريح و رماله



يَهلال و نَظَل يا حيف بعد الأهل بس نسوان
 و تَصوّل علينا الْگوم و تشب بالخيم نيران
 واليبره الظعنَه ايصير بعد العِز زجر و سنان
 باري الهالظعن عباس غصباً زجر يبراله



﴿ قصيدة شرد أگلك يا أخي محمدرضا ﴾

شرد أگلك يا أخي محمدرضا
عمري بالتهلات خلصته و غضى



عمري بالتهلات غضيته و خلص
حيم دم صبري زمانى و مصه مص
شبه طير الدوم مسجون بگفص
تضيح بيّ الواسعه و رجب الفضأ



تضيح بيّ الواسعه و حگ لو تضيح
وحدي بآلامى أسير بهالطريح
لا رفيح اويآي يمشي و لا صديح
الحيره چوّت خاطري بگبست لظى



الحيره چوّت خاطري بجمرات نار
و گوّه كون أرضخ الضغط الاحتصار
بعين باصرتي فلا شوفن نهار
و فكري بجو ليل مفرح ما حظى



فكري بالحسبات مشبوگ و أسير
 يعثر بلچمات چلماته و يحير
 السان فكر الوگف متحير گصير
 و چيف يتلفظ الحار تلفظه



چيف يحچي الصبح مچوم الحاگ
 يبگی حيران بلفظ چلمة صدگ
 بالصحيح اللفظ بالشر ينسحگ
 بفاس شرها الناس حچيه تررضه



تررضت چلماتنا بصدر الزمان
 و لا السير حسباتنا يجسر بيان
 بسمعي و بشوفي بگلي و باللسان
 انصبت ويضه فگدت حتى الحافظه



انصاب دلالي برجفات الفراگ
 و بيت مؤالي اليسليني ابتاگ
 منشده بالي بظعننا الأمس ساگ
 الما رضی الحادي دقيقه يريضه



ما رضى الحادي يريضة و بيه سار
و سيّره بوادي المهالچ والوعار
لا تظن بهالظعن سلمى و نوار
و لا رضىه و شوگ راضي و مرتضى
❀❀

لا مئى اللايچ بمعصمها السوار
و لا رنا البوصافها الشاعر احتار
هالظعن للأسف بس يحمل فخار
و فيض أيادي و غيظ محفوف برضى
❀❀

فيض عز موروث من طبع الجدود
الجنوا نخوه و شيم و آداب و عهود
بيت عزنا انكسر من عنده العمود
الهجم بيت أهلي ارويضى و گوّضه
❀❀

هجم بيت أهلي العاليي الكبل چان
بي ضره و مفخره و هيّبه و رفع شان
بي مضاييف عامره بونسه و أمان
و بي لسان العرب حالي تلقظه
❀❀

بي لسان أهلي المعسول الجميل
السان طاها المصطفى و حامي الدخيل
بيه گهوه معطره بنفحات هيل
تفوح من دله لطيفه مفضضه



تفوح والگعدات محفوفه بسرور
و تضحك البهجه و تشع لمعات نور
الفرحه لتظن حازها الشيد قصور
و بات بس يفكر بطمعه المرّضه



الفرحه صحّه و عافيه و نسمة شمال
الفرحه مسحه و سنبله يهزها الدلال
الفرحه عذبه و صوت بدوي من التلال
الخبّله عشگ الطيبعه و ركّضه



الفرحه نسّمات الضحى و بسمات ريف
الفرحه دله و سمر و ضيوف و مضيف
الفرحه لو طگ بالسما غيم الخريف
و ملا الوادي بعُظُم سيله و فيّضه



الفرحه وذنه محجله السبكت الريح
 الفرحه عربان و مواشي و عشب شيع
 الفرحه خد بت ريف يتغطف مليح
 الما وكت مكياج مسه و بيضه



الفرحه گعده و سالفه شايب ظريف
 الفرحه تروiche ضحى و ريحة رغيف
 الفرحه جاره و جار متجنب شريف
 الدوم غرض الطرف عنها و غمضه



الفرحه نهران و سواليج و خضار
 الونسه رعيان و تفافيج و حبار
 اللذه صبيان و أهازيج الأشعار
 و هوست ابنيّه زغيره مسلمظه



الفرحه گوساني و حصاد الضحى و ماط
 الونسه عونّه محزمه بچلمة زماط
 البسمه من ينمد على الشاطي السمات
 و طوله چفّ النشامه و عرضه



الفرحه من تمشي العصر وكت الأصيل
على ضفاف النهر ما بين النخيل
هــذا هـذا المنظر الزاهي الجميل
الما يود لحظه يعوفه اللاحظه



أشجار وأثمار وتغريد الطيور
أنهار وأزهار وشعر فدعه وشعور
أخبار غوار وأبو زيد الجسور
الغال كون أمضي بدرب نخوه ومضى



النخوه چانت طبع بخلاق الجميع
الغيره بيهـم ولهم ومنهم تشيع
أبد ما للجار حگ عدهم يضيع
ولو برك زمـله النشامه تنهضه



هـذا ذوق أهلي وطبع كل العمام
البغت من عاداتهم بس الأحلام
خـلي لـرواح الأهل نبعث سلام
وخل نكلهم ما تفيد الموعظه



﴿ قصيدة يعبيس دأيس ﴾

يعبيس حريمه العُمر وخساره دليلي ابليل مُظلم بدلو إنهاره



يعبيس دأيس ما بگت خوّه

لَوو ساعد مجدها ابخُلف و تلوّه

أمس تدري الاخو الما يستحي اشسوّه

گطع يمّنة اعضيده و طبر ايساره



يعبيس دأيس ما بگت غيره

و لاجن چانت اترش مجد بالديره

عمل گطع المواصل هاذ تأثيره

يخلي الغلب مجوي و تلتهب ناره



يعبيس دأيس ما بگت رجّه

گضت رجّة الخوّه اشبعد نترجّه

أخوي ابن أمي ايدور علي ججه

زعل ما وصل بيتي و ما وكت زاره



يَعْبِيسُ دَأْيَسُ مَامَشْ امْرُوءَهُ
 جَدَهُ الْحَادِي ابْظَعْنَهَا وَ لِلشُّرْكَ نَوَّهُ
 مَا شَعْ نَوْرَ مِنْهَا وَ لِلْسَلَفِ ضَوَّهُ
 وَ لَا نَشْمِي الْعَلَكُ قَنَدِيلَهَا اِبْدَارَهُ



يَعْبِيسُ دَأْيَسُ مَامَشْ امْحَنَّهُ
 وَ لَا چَنَ بِالصَّرَافِ چَانَتْ وَ چَنَّهُ
 صَغُرْهَا الْأَمْسُ حَلَكُ أَيَسْتِ مِنْهُ
 خَذَاهَا وَ طَارَ بِيهَا وَ طَارَتْ أَخْبَارَهُ



يَعْبِيسُ دَأْيَسُ مَا بَغَتْ يُورَهُ
 وَ نَصَحَكَ صُحْبَةِ الْجِيرَانِ مَخْطُورَهُ
 أَخُو امْطَشَّرَ سَمَاحَ الرَّاحِ أَمْسَ ثُورَهُ
 لِكَاةِ امْطَبَّرَهُ ابْطَبَّرَهُ الْكَفْ يَارَهُ



يَعْبِيسُ دَأْيَسُ مَا بَغَتْ رَاحَهُ
 وَ لَا حَتَّهْ لَطْفَالِ ابْلَعِبْ مَرْتَاةَ
 ذَبَلِ وَرْدِ الطُّفُولِ وَ يَبْسُ قَدَاةَ
 يَوْسُفَهُ وَ صَالِ يَنْثُرُ نَارَ نُوَارِهِ



يعبيس دأيس ما بگت ونسه
و ظن عاد ابصخرنا الدهر والخنسه
سبانه الما مِثل جنس البشر جنسه
غزانه ابرمح صيحه و خنجر اشهاره



يعبيس دأيس ما تهب نسمة
تحرّك ميت ديرتنه و تهز جسمه
يوسفه المجد بس ظل نحجي اباسمه
ولاكن راح رسمه و راحت آثاره



يعبيس دأيس ما بگت رحمه
صديجي الجان گلبيه أبيض صُبَح فحمة
هلي الفرکنو گلبي و ذؤبو شحمة
جفوني و صبّجت محتار بالحارة



يعبيس دأيس ما بگت عِفّه
طفح موح السفاها و زاحم الجفّه
ابكل دوني و سفیه الناس محتفّه
توود تمشي ابخدمته و تلزم اکتاره



يَعْبِيسُ دَأْيَسَ مَا بَغْتَ صَحَّه
 حَيَاتِي أَتَجَرُ جَدْمَهَا أَبْقَهْرُ وَتَسَحَّه
 عَلَيْهِ كَطَبِ الْمَشَاكِلِ بَاتَتْ الرَّحَّه
 تَدُورُ وَطَاغُهَا أَذْرَاعُ الصَّبْرِ دَارَه



يَعْبِيسُ دَأْيَسَ مَا بَغَدَتْ لَذَّه
 مَحَالُ إِيشُوفُ لَذَّه الدَّوْمُ يَتَأَذَّه
 يَصَاحِبُ وَالبَغَّه أَبْحَسَرَاتِ يَتَغَذَّه
 يُوْدُ أَبْلَحْدُ كِبَرِ الْمَوْتِ يَتَوَارَه



يَعْبِيسُ دَأْيَسَ مَا بَغْتَ حَيْلَه
 شَسْوِي الْجَمَلِ هَمِّي الْمَحْدُ إِيشِيلَه
 وَ مِنْهُوَ إِيسَاعِدَه وَ مِنْهُوَ الْيَتَجِيلَه
 فَاقِيرُ الْبَادِ حَيْلَه وَ كَلَّتْ أَنْصَارَه



يَعْبِيسُ دَأْيَسَ شَحَّتِ الْحَاجَه
 عَلَيْهِ وَ نَارُ يَمْرِ الضَّيِّجِ وَهَاجَه
 كَتَلَنَه الضَّيِّجِ وَدَرِي الضَّيِّجِ مِنْهَا جَه
 يَضِيحُ أَعْلَه الْأَبِي الْمَعْرُوفِ شَنْيَارَه



يعبيس دأيس ما تصح عونه
فگدنه الينتخي و أيسو الينخونه
گبل يتونس النشمي اليفزعونه
قنع بگلاص ماي و چاي و جگاره



يعبيس دأيس ما بگت فرحه
گبل چانت ابعزنه الهدمو صرحه
گلب مجد العشيره البيه ألف قرحه
دمه جرحه اعله متن الموت يتجاره



يعبيس دأيس ما بگت نخوه
جزمها الوكت رخاها و غدت رخوه
خوه و سؤس عمّد وجدانها و يخوه
بعد و يطيح قدره و يگّل عتباره



يعبيس دأيس ما بگت نسبه
نسيب الصار ذيب اشلون أخو اتحسبه
دحط بالك حلالك عزّم ايچسبه
و لو صدّيت عنه ايشنك ابغاره



یعبیس د ائیس ما تصح گعده
 لذیذه و شوگنه ایود السمر بعده
 گبل چنه ابسوالف سعد و بسعده
 نسولف بالمضیف الزهه ابخطاره



یعبیس د ائیس ما بگت عشره
 گبل چانت العشره ابطیب منتشره
 عشر الساع لشر منيله اموشره
 یحش ایرید روض السف وزهاره



یعبیس د ائیس ما بگت عزه
 چووها و لچعوها ابناار الموزه
 یذل الما لزم رمحه ابوغه و هزه
 و لا رزه ابچبد شریر و شراره



یعبیس د ائیس ما بگت شیمه
 تصدع بیت عزها و صعب ترمیمه
 عند أهل القیم چانت لها قیمه
 عظیمه و للأسف صبحت منهاره



يعبيس دقيس و ذكر اللّمه
من اتفزّعك الغيره و تفزع ابهمّه
گبل طبع العشيره المنتخه اذمه
و لا تحترم دمه و تاخذ ابثاره



يعبيس دقيس وفكر ابگومي
الغلّو سوم غيري و رخصو سومي
أخوتي السهروني و طيرو نومي
حسدهم ابشط امن اسيوف بتّاره



يعبيس بعد ما تصح تسيوره
و لا ينزار بيتي و محد ايزوره
گبل بيت الشعّر بالشّعير شع نوره
حلت دلّة گهوته و حلو سُّمّاره



يعبيس أزيّه و مُشكله و دوخه
حياة المبتلي ابدنياه و فروخه
أمس ظل محتمس ناهي الكفخ كوخه
هوه صرصر بلوته و طير اطاره



يَعْبِيسُ شَسِيسُ لَوْ وَكَّعَ بَيْتِي
عَلَيَّ وَبَتَاكَتْ مِنْ الْخُرْجِ خَرَجِيَّتِي
كَبَلْ چَنْتْ أَنَّهُ وَبِرَاهِيمِ وَ سَبِيَّتِي
نَسِيسُ بَيْتِ عَزْنَا وَ نَرْفَعُ اسْتَارَهُ



يَعْبِيسُ امْسِيسُ ظَلَّ فِكْرُ بَالِي
وَ لَا ظَنَّ كَلْبُ نَشْمِي مِنْ الْقَهْرِ خَالِي
خَلَّ اتْسَلَّهُ ابْقَصِيدِي وَ بَيْتِ مَوَالِي
وَ لَا بَالِي ابْكَلامِ الزَّعَلِ وَ شَعَارَهُ



يَعْبِيسُ الْكَيْسُ چَيْسُ أُسْرَارِي
أَخَافُ اتْبُوحَ بَيْهَا وَ تَنْهَدُمُ دَارِي
خَلَّ امْضِي ابْشَرَفْ وَ كُضِي وَ خَلَّ تَظَلُّ نَارِي
تَشَبَّ بَكْصَه الْكَلْبِ وَ تَصِيرُ كَبَّارَهُ



يَعْبِيسُ ثَغَلْنَا اتَبَدَّلْ ابْخَفَّه
دَوْتُ نِيرَانِ شَرْنَه اشْبَعْدُ تَتَطَفَّه
عَمَلْنَا الظَّهْرَ بِالْشَّرِّ چَيْفُ يَتَخَفَّه
ظَهْرُ وَ شَتَهْرُ قَبْجَه وَ بَيْنَتْ أُسْرَارَهُ



يعبّيس وليود النّبي و دينه
يتابع مسلكه و شرعه و قوانينه
و لا يرضي النبي و لا بعد يرضينه
عمل شخص الجبان اليفخر ابعاره



﴿ قصيدة يا حمامه ﴾

يا حمامه اليّدعي مفجوع بالفرگه مهو بس بكلامه
يا حمامه الفارگ أحبابه ينوح الليل كلّه و لا ينامه
يا حمامه يا حمامه



يا حمامه الما بكل النوح فوگ الدوح نحتي
يا حمامه الما بصوت الودّع الخلّان صحتي
يا حمامه الونتچ سويعه تونيها و سكتتي
يا حمامه الما بعين السهرت من الهم سهرتي
يا حمامه الما بشفرة سيف الفراگ انجرحتي
يا حمامه الما بسچينة حچي الواشي انذبحتي
يا حمامه الما تصوّبتني بسهم عيله و وگعتي
يا حمامه الما عثرتي بلچمة المحنه و سگطتي
يا حمامه الما ركستي بموجة الحيره و طفحتي
يا حمامه النمّتي فوگ الغصن مرتاحه و هجعتي

يا حمامه العلى فراش الروض شرقدتي و ركدتي
يا حمامه الما بجنح الشوگ للمعشوگ طرتي
يا حمامه الما بنار الواجها البين احترگتي
يا حمامه بعطبة الشوغات ما يوم انلچعتي
يا حمامه الما دركتي الشوگ شنهو و لفتهمتي
يا حمامه الما دقيقه بناب صيل لوعه انلسعتي
يا حمامه الما نصبتي چواين الحرگه و لطمتي
يا حمامه البس بصابع چذب لدموچ مسحتي
يا حمامه بنوچچ الجذاب حصّلتی الليامه
والينوح بحرگه ذاك الهام بالبر و ستمر نوحه و هيامه
يا حمامه يا حمامه



غيري نوحچ يالحمامه و صيري للخنسه شبيها
يا حمامه الوته من ونة المريضه المخذّ لها تعلميها
نوحى مثل الأرملة البالمشنكه تلولح وليها
نوحى مثل الفگدت العشره الضحى بيوم الكريها
لظمي مثل اللطمت على وليدها الراح من يديها
ابچي مثل أخت العلى خوانها تجدد بچيها
حشمي مثل العلى الغيره تحشم و مخدّ يجيها
لوعي مثل الظل على أمه يلوع و أمه مچتفيها
سهرى مثل السهرت بنچباتها و ذلها و سبيها

صفني مثل الصفنت بحسباتها و فگدت حچيها
 عثري مثل العثرت بلچماتها الأثرت بيها
 دنچوي مثل الغدت بگليبيها اليخذف چويها
 نَزَلِي الدمعه شبه دمع اليتيمه و حدّريها
 طيحي مثل الهجع كوخ أطفالها و طايح عليها
 إنعي مثل النعت مهضومه و لا بطلّ نعيها
 وَعَي من النوم عينچ يالحمامه و فرزّزيها
 يا حمامه أرجوچ گصدي دينار ولفچ وعتنيها
 الكعده ويا الولف حلوه و بالمسامر جدّديها
 يا حمامه الما تحن للوطن مجنونه و سفيها
 يا حمامه الحب يتعنّه الحبيبه و يترك بلاده و عمامه
 و يمشي بدروب المخاطر لو عليه انسدت دروب السلامه
 يا حمامه يا حمامه



﴿ قصيدة ما چان ألجفه شغلک و لا فنک ﴾

ما چان الجفه شغلک و لا فنک ها لا عذار أبد ما تنقبل منك



ها لا عذار منك موش مقبوله

انتہ البیک ما چانت تصح لوله

غيرك ما نسه وينخه ويكتبوله

ونته اشلون تنسه اشتعتذر فنك



عذرك ما أقبله ولا أظن مقبول

هم عندك سواد وبالشعر مشغول

شنهو اتگول و شتحي اشتريد اتگول

گول أصلاً نسيك چي غبت عنك



گول أصلاً نسيك چيف لاچن چيف

تنساني وحسافه و حيف كل الحيف

خوتي اويك چانت مايگصها السيف

وتودني وتود طبعي وأودنك



وتودني وچنت كل وكت لاهي اوياي

چنت انتة شريحي ابگعدتي و ممشاي

ما يحتاي الي تعتذر ما يحتاي

لا تعتذر بيك أدري وأعرفنك



لا تعتذر بيك أدري التهيت ابغيد

من لبنان حلوات الجعد والجيد

عذرك لَوْن مشغول ابعشك ميفيد

عن خوتي البنات اشلون يلهنك



عن خوتي اسمعت حسن السمر لاهيك

و مرامش اعيون البيض مثر بيك

لا تعشك تره الحب والعشك يسيبك

يسببك اخشوف السوگ يسببك



يسببك اخشوف اليك امن الريف

و مهار اللفنك من ابيوت السيف

لتصير البلم بلواهن امياديف

روي اشواگهن عالي و يغركنك



روي اشواگهن غرگ نشامه احيود

مفگود اليطب بحر العشك مفگود

گصّر باع حبك لا ايكله اتجود

خفّض عن غرامك هاذ أنصحتك



خفّض عن غرامك نكص امن الشوگ

هبط من تعاین لا تعاین فوگ

ناس التبتلي بلواهم امن السوگ
سوگ ادعيج من بلواه أخطرَنك



سوگ ادعيج و بكل مجمع الأسواگ
صِفَات السُمُر والبيض والعشاگ
يارك فرهدن عگله السمر و بتاگ

حاذر لا تظل ساهي و يبوگَنك



باگن چم عگل بالغنج والبسمات
و سيفلات حلوات و لُطْف لفتات
مامش ذات عدهن لون عدهن ذات

چان امن انطرحت ابشوگهن يَنك



يَنك چان حين الّی أصبحت مطروح
و بمرهم وصلهن طيَّين لجروح
دبجي ودگ عله صدرك ابصره ونوح

و ترجه رَحْمهن ما يرحمَنك



﴿ قصيدة أحبّج يا فلاحيتي ﴾

أحبّج من نمت بفيّاي نخلات الشتلهن خالنا سببتي
أحبّج من بنا البنّاي من معدن ذهب طينج كسّر بيتي
أحبّج يا فلاحيتي أحبّج يا فلاحيتي




أحبّج يا الغفيت ابحضنج الدافي و غطاي الحاف عتبارج
أحب امعارج اليحجي ابخير حمده و يملها بالوحد بارج
أحب فتنه و صريج اچعاب أخو فتنه اليزوغل چان و يعارج
أحب هلهولة ام عيد التهز ايد الفرخ بالعيد و تبارج
أحب كوتج و حب ابیوتج البیهن أحلام أيام تذركارچ
أحب سورچ و حب خورچ و حب ابخورچ المنتشر بكتارچ
أحب شطج و حب اچفايفه الخضره و ضحچها الرگص أشجارچ
أحب ريفج و حب لبطت مشاحيفج الفرها الغنص بهوارچ
أحب نورچ و حب نارچ و حب أشتم روايح عطر نوارچ
أحب رشت ماطر غيمچ و حب ابريمچ اليضحك الغنطارچ
عروس اموشحه ابنخلج و هاذ أجمل وشاح الحله ابزنارچ
أحب يومچ و حب أمسچ و حب شمسچ اليشرگ نورها ابدارچ
أحب گذلة شعر ليلچ و حب وجنة ضحاج الضوت انهارچ
أحب كهوة سخى امضيفج الرن فنجانها و شربوه سمارچ

أحب سُمارِچ السهر و ابنادي البيه علگو زينة أشعارِچ
 أحب سنبل فخر زرعِچ و حب ضرعِچ الدُر دُر سخی الخطارِچ
 أحب ثَوَارِچ الثارو و حبها الهللت لفعال ثَوَارِچ
 أحب أحرارِچ الصدو اجيوش العزمو يمحون آثارِچ
 أحب زلمِچ الغصو راس أبو طوگ الیدنس راد شنيارِچ
 أحب گومِچ الهزمو جيش أبو طوب و رجع مغلوب المعارِچ
 غزوِچ الکفر چم مرّه لچن يخسون ما وصلو الفي دارِچ
 أحبّن نخوة الغيره نخوتِچ يوم ابعامر تنخيتي
 و عله هام الغزو بسلاح عز گومِچ الما ذلّو تعلّيتي
 أحبّچ يا فلاحيتي أحبّچ يا فلاحيتي



و آنه ازغير أحب کاسِچ البی من دُر لبن خيرِچ ترويني
 و آنه ازغير أحب شهدِچ اليتگاظر حنان و بي تغذيني
 و آنه ازغير أحب رجتِچ المنها ابمسعط امحنتِچ تغريني
 و آنه ازغير أحب مهدِچ البی نمت الضحی و بيدِچ تهزيني
 و شوفِچ چنت بحساسی و حسن بيچ یم راسی و تحاچيني
 محبتِچ ثابتّه اببالي ابدلّالي ابوسط چبدي اببطن عيني
 خيالِچ ما يفارجني امرافجني و يلاعبني و يسليني
 أحبّچ اي و حگ ربّچ و أدري ابکثر ما حبّچ تحبّيني
 أحبّچ وختلط حبّچ ابدم شريان عُمری و مُهجة اسنيني
 عبير امحبّتِچ يسري سره ابروحي و سره ابدمي و شراييني

ألومه الفارگچ ساعه صعب فرگاچ ما ينحمل ياذيني
 يخلوه امعانگچ سلوه گبل ما شبگچ ابشوگچ تشبگيني
 عشت بر بوعج الخضره هواچ امريحني و مايچ امريني
 ابرادچ شرقدت و دري من أبرد بيد تحنانچ تغطيني
 شمالچ بالمسه اعذيبي يوتسني وينعسني و ينفيني
 أصابيعج تدغدغني ابطيفي و صوت عاطفتچ يناغيني
 و تحرکني الفجر نسمة صباچ ابمسچ ريحتها و توعيني
 يمر يحني الصبح لطفچ الشوگه ايجيبيني و للود يدني
 اترابي اتراچ الغالي و طينچ طين جدي او والدي و طيني
 امن أموت أتوسد اتراچ الغيرچ ما أود واحد يوديني
 يحبچ طبعي و ربعي تحب الزارني و بسمچ يغنيني
 أحبچ مؤش بس هساع أحبچ چي شبت و بيضت إحيتي
 أحبچ من چنت ياهل و تتطوطح على المتنين ترچيتي
 أحبج يا فلاحيتي أحبج يا فلاحيتي



﴿ قصيدة اجني يحشه ﴾

اجني يحشه الدوم تنهك بالفله
أحسن امن المره البس تملك حله



أحسن امن المره الما ملكت عكل
ولا تشيل أجدامها ابغفه و ثكل
الما تحس لا تنجني ولا تنكل
و طبعاً الينكل سفيها اتخجله



طبعاً الينكل سفيها من النسه
اثياب متلوّثه ابغيه اتلبسه
ما يحصل خير من عدها ايخسه
الخير عند التفثهم ومكمله



الخير عند النسه الحازن للكمال
زاجيات الأصل طيبات الخصال
الحسن شنهو ايفيد شيفيد الجمال
ابلابشاشه ومرحبه وبسمه وهله



ابلا بشاشه وحسن أخلاق و سلام
 يظل وزن الحسن ناكص مو تمام
 نها الناس المصطفى سيد الأنام
 عن الخضره الزهت برض المزبله
 ❀❀

عن خضار المزبله ينها الرسول
 بيه شبّه مره الحسنه ابلا أصول
 المن أصل زاچي التربيها الفحول
 اكحيله للصين اللكدها اتوصله
 ❀❀

اكحيله و كحيلان يسبگ كل كدیش
 و توگع ابخيالها فرس الخريش
 اشلون ويا امعذربه واحد يعيش
 تسبي حتماً عيشته و عيشت هله
 ❀❀

تسبي عيشت هله و لا يگدر يجيم
 ابدار بيها ايعيش شيطان الرجيم
 عن ألف شيطان وحده من الحريم
 العينها ابكل الخلاعه امكّله
 ❀❀

عينها صلفه و لا تعرف خجل
 ما يحفها الخوف و يمسها الوجل
 بيوت بيها البس سفاها و بس دجل
 حتماً اتربّي سفالاه و ميهله



حتماً اتربّي أشر و شهر بنات
 امهتّكات امفرّعات امكشّفات
 امزندّات امبزنگات امكرطفات
 املطّخات ابصبغ غشّ المهزله



املطّخات ابجم صبغ چنهن العاب
 ابهاالصّبغ غشّ الغافي من الشباب
 ما عليهن عذل وليامه و عتاب
 و لا عله البيهن تورّط وبتله



لا عله البيهن فكد كلّ الشعور
 عتب والمغرور من طبعه الغرور
 يشبهه ابطبعه طبعهن والطيور
 توگع اعله أمثالها اتگول المله



توگع اعله أمثالها و بسّ الحليم
 يخطب من أشراف بت مسمي وسليم
 والكريمه الزاچيه و بتّ الكريم
 اتعلّي هامت زوجها الهام العله
 ❀❀

اتعلّي هامت زوجها و بتّ اللّئيم
 كل وكت عويه و بد ما تستقيم
 الزوجها اتدوّر اطيّاح الحظ مديم
 و راسه هم لو چان عالي اتنزله
 ❀❀

راسه لو عالي تنزله اعله التراب
 اتشبعه امغمّه و أذه و ضيم وعذاب
 اطرده من بيته و علي تغلگ الباب
 اتطگّه من يبگه و تفلگه اتنچله
 ❀❀

اتطگّه و تفلگه و لا يگدر يحوس
 امّر ما بيده الأمر بيد العروس
 بيدها العتبار والعز والفلوس
 و هوه بيده اصخام فحم المنقله
 ❀❀

اهوه ما يملك فلس غير الفلاس
 اتشحتته من بيته ابطرح نصّ اللباس
 الما بنه بنيان بيته اعله الأساس
 يبتلي ابچم ألف بلوه و مشكله
 ❀❀

يبتلي ابچم مشكله و چم امتحان
 و سالفه ايصير الأهل هاذ الزمان
 من مره الما تستحي مامش أمان
 چيف يّمّن مره الدوم اترذّله
 ❀❀

چيف يرضه ابمره الدوم اتكسّفه
 الما حوت معرفه و عقه و لا وفه
 و چيف يجني الحاويه الهاي الصفه
 لو تصح عنده شهامه و مريله
 ❀❀

لو تصح عنده شجاعه و چان حار
 هيچ ما چان انوله و حمّال صار
 كاوليّة و بايهه و حصلت احمار
 خل تركبه و دوم خلها اتحمّله
 ❀❀❀

﴿ قصيدة تأيينية - چعب فگدت ﴾

چعب فگدت کل فخرها و زودها
اندک جبل عزها و تلايم طودها



اندک جبل عزها و هوه فوگ الثره
اهذاک أبو مجاهد الليث الگسوره
حيف تاليها يضرغام الشره
البين حط شخصک ابضيح الحودها



البين فرّق بيننا و بينک البين
يا ضوه النادي الجنة للمجد عين
يا شهم يا شيخ يمنتّب يزين
او يا فحلها الجنة کلها اتسودها



يا فحلها و شيخها و رئيس الكل
يا جبلها البیک ما ياخذ الگل
يا الجنة تسعه ابلوازمها و تحلها
کل مشاکلها و تفل اقيودها



كل مشاكلها و چنت سيف و سنان
 الكل چعبنا و شان مجدك أجل شان
 انتة سَكَّتِ العده ابأبشط السان
 او بس بگت تنبش عداك ابعودها



بس بگت تنبش يبو مجاهد عداك
 ابعودها و لاذت اشچم مرّه ابضراك
 كل شهاب الخر يضيغم من سماك
 اعله العده نيران شب بچبودها



اعله العده السانك يبو مجاهد شهاب
 اشلون شاطر بالحچي وردّ الجواب
 صيح يا ناعي البدر هليوم غاب
 و گول خر من چعب نجم اسعودها



گول يا ناعي انحجب عناّ البدر
 گول ونعه و دم دع ادموعك تخر
 گول راح الجان هييه النّا و نخر
 او راحت أيّام الفرّح شيعودها



راحت أیام الفرّح صارت ترح
والحشه انصاب او گلب گلبی انجرح
گبل یومک من نظر طود انطرح
ابنعش وششالك یحید احوودها



ابنعش و گعد شوف گومک والعمام
اشلون شالت للحن سود العلام
او صافه الجندرمری و تاخذ سلام
او ضایجه من الخلگ کل اعجودها



ضایجه الدیره و تون کلها و تنوح
اتنوح و عله خدودها المدمع سفوح
یا سوید اگلوبها اتگلک یروح
اتروح و من اتروح یبیض فودها



اتروح چیفاتروح گوم انتصب گوم
گوم عن اگلوبها زیح الهموم
جعب مَحْد لامها الظلّت اتلوم
حیث انتہ الأصبحت مفکودها



حيث يا شيخ الفجيد انتہ الرئيس
 الجنة راس ازماطها المسمي المسيس
 اتلغت النصار نعشك والدريس
 و چعب شالتك يعز اوجودها
 ❀❀
 چعب شالتك ابعر واللہ و شرف
 او حاطت ابنعشك الكل من كل طرف
 يوم فگدك موش بس عدنه انعرف
 لا درت حتہ البعيده احدودها
 ❀❀
 درت كل ابلادنا و حتہ لعراگ
 يوم عبّادانها امن الخلگ ضاگ
 ظل فشگها الحاگ إلك ينرمي الحاگ
 ابحزن والهوسات چل رادودها
 ❀❀
 ابحزن شالتك عجمها اويال العرب
 اتنوح کلها و لجلک الکون انگلب
 أدت الواجب گضت گومک چعب
 گضت بذلت جودها و مجهودها
 ❀❀

گضت بذلت جودها أمجدّم گضت
 بالنفس تفديك و تبدلك رضت
 اعله المنية اشبيدها من اتعرضت
 إلك و شتصنع لمرّ معبودها
 ❀❀

إلك من يگدر عمل يصنع إلك
 عن ويعة الموت وفعال الفلك
 ايرحمك الله و يجبر امصيبة هالك
 يا غضنفرها و يحامي احدودها
 ❀❀

يا غضنفرها اسمع الضد اشيگول
 ايگول محدّ بعد ينهض بلحمول
 گتله عاد اخسه الأسد خلف اشبول
 اشبول ورثت طبع مجد اجدودها
 ❀❀

اشبول كلها اتصيب ضدها و ما تهاب
 و حاضره ابوكت الحجي الرد الجواب
 والکمي اللّيث الأبّي عالي الجناب
 امجاهد ابنه الحاز غاية جودها
 ❀❀

امجاهد ابنه الما حجه غير الصواب
 بسمه نفخر و بهله و كلهم أطياب
 ما متت يا شيخنا اببيتك اذياب
 او ما تبوچ الچان شخصك عودها
 ❀❀❀

﴿ قصيدة تأيينيّه - يصعب أعلى الناس ﴾

يصعب أعلى الناس يصعب موت كل شاعر لبيب
 وصعب من الصعب موت العبقرى الواعى الأديب
 ❀❀

يصعب أعلى الناس فغد الشعر والينظم أشعار
 الشعر يرفع راس باس الشرف و يزيد الفخار
 الشعر چالنبراس يضوي الشعر نور الشعر نار
 الشعر سيفك من تسله و رمحك ابيوم العصيب
 ❀❀

الشعر غارات العوادي أعلى الأعادي ابيوم ضيچ
 الشعر شعر السل هنادي الشعر لشعور الصديچ
 الشعر سلوة مشي ابوادي الشعر اهوه اهوه الرفيچ
 لو مشيت ابدر ب و حدك اهوه لك أحسن صحيب
 ❀❀

الشعر راده بكل إرادته الحاز كل معنى الشعور
 الشعر رَوْحٌ من السعاده و عِطر للشّمّه و بُخور
 الشعر صاغ أجمل اگلاده الجيد غاده التشع نور
 الشعر نَسَمَت ثغر بسمه الجابت امن الورد طيب



الشعر لاح ابظهر غشمه و صاح وینه العلي صاح
 الشعر لتهلّل اتحشمه ايصونها ابيض الصفاح
 الشعر لا تحجيه غشمه الما تهز سُمر الرماح
 الشعر عندي الدوم تردي اطواب معناه و تصيب



الشعر وابل مطر و مسي و هطل بيّام الربيع
 الشعر إسمك يخّي و سمي الیظل ثابت ما يضيع
 الشعر حرّك عود جسمي ابحين رش طيب البديع
 اعلی الخميلة البیها غنّه و صدح صوت العندليب



الشعر ذوق أهلي و بلادي و رايه و حچايه و خبر
 الشعر سيل الجره ابوادي الما بطراد انعبر
 الشعر نادي و ضيف بادي ودله و مضيف و سَمَر
 الشعر لو بي حده الحادي اتگوم تتمايل النيب



الشعر صاغه الذكي الواعي اللمس لچمات الجروح
 الشعر عز شوفي و سماعي الشعر رُوح الشعر رُوح
 الشعر بي يغرم الراعي الضحى ابساعات السروح
 الهودر ابروض المراعي و مَعْتَنَه ابسطوت الذيب



الشعر بي نوّه الهادي و غال بي حكّمه و نفع
 الشعر برّد لظى افوادي ابماي راي اشمل ورع
 الشعر لتأييده الأيادي و تود بالعز يرتفع
 الشعر لثحف بيه أهله الما ابوادي الذل يسيب



الشعر أغلا الجنس جنسه الشعر ديباجة فخر
 الشعر لذّه الشعر ونسه الشعر بالنادي ازدهر
 الشعر بي جادت الخنسه الحجت بيه ابجگ صخر
 الشعر أصبح وضحى ومسى اتضئ شمسّه و ماتغيب



الشعر نجم اسهيل خدّه المن لمع جفل الخيل
 الشعر ليخز حيل ضدّه ابامض و گوه و أشد حيل
 الشعر سين مرهفه و جدّه و بي على الجادلك ميل
 و بعده عن فئ كُرب حدّه و لا يظل يمك جريب



الشعر أوزان وقوافي الشعر ميزان الكلام
الشعر ما هو ربح سافي الينگل امذمت ملام
الشعر ما يوعيه غافي النومت أهل الكهف نام
الشعر لو عافوه أهله وداعتك يصبح غريب



الشعر تحويه ايمشقه وفكر وقاد او وسيع
الشعر نظمه ايريد رقه ايحقه وعي المذيع
الشعر يهتز بيد رقه التهز كاروك الرضيع
خل تغذي الأم طفلها الشعر لتغذي حليب



الشعر تهتم بيه ربهه ويهم موت اليفتهم
والعلم محمود طبعه ويغت فكد أهل العلم
كلبي ما ينجر صدعه ابفكد كل صاحب شهم
مثل أبو ريسان أخونا الكامل الواعي النجيب



چان أبو ريسان زاجي وتقي او وفاي و شريف
و چعبه بالارشاد لاجي و شعره موزون و لطيف
لاگت ابطگه المحاجي و چان متواضع عفيف
ايعالج الناس ابحكمته و چان بالمنطق طبيب



چان أبو ريسان غرضه و غايته خدمت الناس
 و چان فرض الحگ يفرضه و يبني للمهضوم ساس
 چان و هوه ابذاك مرضه ايگوم و يقدم الكاس
 كاس معرفته و محبته و هاذ ما هو شي عجيب



الشاعر من ايموت خله اتصير بربوع الأشعار
 الماجد من ايفوت وجده ايلخلف اكل سلف نار
 العبقرى المنعوت فگده ايرش على الوادم شرار
 فگد أبو ريسان وج ابچيد سيد احمد لهيب



و بالختام أشكر الساده و أكل كل گومي الحضور
 الله يرحم خان زاده و يجعل ابمثواه نور
 اصبحت بيد ابنه القيادة النفل ريسان الغيور
 شاب واعى و اجتماعى او ولد محبوب و حبيب



﴿قصيدة تأيینیّه فی حق السید الجلیل المرحوم﴾

﴿الحاج سید هاشم أنزاری عطرالله مرقدہ﴾

﴿مدّه چنت أنخه ألقریحه﴾

مدّه چنت أنخه ألقریحه و دوم أكلها أرجوچ جیدی
حتّه أخط شعرچ ابدم روعي من ایشف دم وریدی
یألقریحه أرجوچ جیدی یألقریحه أرجوچ جیدی



﴿الدورُ الأول﴾

یألقریحه المن زمان انسد علی البسمات بابچ
یألقریحه الما لسان اشعور شعر الفهم عابچ
یألقریحه البگه مشبک بالأسه سُبک خِطابچ
یألقریحه السلتي دم من قید زَنزانة عذابچ
یألقریحه الهد جبل ثهلان هم شیدة مُصابچ
یألقریحه الجنة من تغزین جيش الشر یهابچ
یألقریحه الجزر مدّ امسامري ابدمة غیابچ
یألقریحه الما سمح وکتچ بصب وابل سحابچ
یألقریحه البیچ ود أهل المودّه التود شابچ

ياالقريحه الفرگچ چانون أهل ودَي و اذابچ
ياالقريحه الما سمع حادي الحده ضجّة عتابچ
ياالقريحه البين بات اطرش و لا يسمع جوابچ
ياالقريحه بعين شخص الزين سهم البين صابچ
ياالقريحه الصرتي محترجه بجمر فرگة احبابچ
ياالقريحه أرجوچ صيحي و صرّحي بصوت اکتتابچ
صيحي هليوم أربعينک سيّدي و فخري و عميدي
يا سَمه الديجور مُور بدهشتک يا أرض ميدي
ياالقريحه أرجوچ جيدي يالقريحه أرجوچ جيدي



«الدورُ الثاني»

اي و حگّك سيّدي و حگ الثّقى النّور جبينك
اي و حگ عَطفك المشروك بلطف رِجّة حنينك
اي يمن طبعك عَلاه ربعك نثر شوباش زينك
انته يالما مَس رِداك الباطل ابمُدّة سنينك
انته شانك دوم عالي و يخسه يخسه الود يهينك
انته چلمة شين لا لا ما گِلت معدوم شينك
انته يالزاچي النجيب بالكرامه نعين طينك
انته چان الشرف خِلك انته چان العزّ قرينك
انته مدّة بحر جُود انته السخى ابمُدّت يمينك

انته جنت الكسوره انته و چان بيت العز عرينك
 انته شمعة مجلس الدين العله بنیان دينك
 انته عالمنا التقي بالله تم ثابت يقينك
 انته چنت اتزين المجلس المجلس ما يزينك
 جنة طباعك حلتلي ابسمتك و بدمع عينك
 اي و حگ ليلة رحيلك اي و حگ يوم أربعينك
 ألم فگدك صدع گلي و أثر ابگومي و عجدي
 احتار ما انصفك و صفي و عيز عن مدحك حميدي
 يالقرحه أرجوچ جيدي يالقرحه أرجوچ جيدي



﴿الدور الثالث﴾

اي يمن عن علمك و فهمك تفاخرنه بحچينه
 و چنه نسل دوم عن صحتك و لمبشر يجينه
 ايگول صيحة السيد أشوه و حالته هليوم زينه
 إلك يا ما روس كشفنه و بإخلاص اندعينه
 اتموت ما رديناك هسه اتموت بس ما صح بدينه
 إنته يا الإسمك سيمه بمعروف و ممتاز ابيقينه
 و علمتنه خلاق طاها و درستنه حكام دينه
 انته ابنه و ابن دينه و عين عاطفته و يمينه
 الدين بيك انصاب هليوم و طفت شمعات عيته

يوم فگدك صعب يبن المرتضى حيدر عليه
 نـعشك الشلناه متبلل غده ابوابل بچينه
 و صوت ناичنه تعثر بالأسه و عرگل مشينه
 و هظل ضجتنه عله فوگ السمه الغيم عليه
 و صبحت تبچيك حته أم العله و باتت حزينه
 و صحت أنه بصوت وجدي الشعر ما يجدي و قصيدي
 و صرت أگل رُوحِي دِنوحي العُمُر كلّه و لا تهيدي
 يالقريحه أرجوچ جيدي يالقريحه أرجوچ جيدي



«الدورُ الرابع»

انعزي الساده ابأبوهم جينه و نكلهم يساده
 الخلف بيكم والصبر عـدكم و الكـم بيه عاده
 وفـد والإـدكم عله الرّحمان والرّحمان راده
 ما خذه زاد الطريقه التقوى والمعروف زاده
 زرع والدكم مَحَبّه و چان حَبّ الحُب حصاده
 امحبّة الناس الها قيمه و بيها كل مَعْنى إلفاده
 ابثمر حُبّ الناس يحظه الكع عن الباطل جواده
 يـبگه حي ذكره الزرع حُب والشتل شجرة وداده
 الزاچي الطيّب حاليـبه امبيّن بيوم الولاده
 سَعَد حظّه الرشد نفسه و هدّب الناس ابرشاده

ياالنزاريين بيكم بيتكم ثابت عماده
 البيت إنتم إنتم أهله وإلكم العز والقياده
 البيت بي سيد شعاع الحاز مفخرة السياه
 اهوه دره بجيد حُرّه الساطعه وعين الإكلاده
 وبالختام الكم يساده من الكريم أرجو السعاده
 ورجو اتقبلون تأبيني ونظم شعري ونشيدي
 ورجو يوم المحشر من تعثر اتلزمون ايدي
 يالقريحه أرجوچ جيدي يالقريحه أرجوچ جيدي



﴿ قصيدة تأيينيّه في حق المرحوم الزاير أحميد بن المرحوم ﴾

﴿ فرحان بن المرحوم سالم أحد زعماء الخنافره ﴾

﴿ يبو مقامس ﴾

يبو مقامس يليث الغاب المجنّه يحيد الكلوكت تدره الزلم منه



يحيد الكلوكت تدره الزلم يومه

يصلّ الصيف بالمسجي العده سمومه

إلك يوم الصدگ دگات معلومه

زحفهن چم غُضنفر عار لبسنّه



زحفهن چم غضنفر هبطن راسه
 كلف يخسه الغضنفر عن عظم باسه
 اهوه الدوم سئيس للإسم ساسه
 و سد جلعة مهابه و سُور سدّ النه
 ❀❀

سدّ جلعة مهابه و طود عز مناع
 يا جحجيج يالمنك تروط الكاع
 يا سبع المسنسل يالفرست اسباع
 يالما طب ثنيتك بطل و تدنه
 ❀❀

يالما طب ثنيتك بطل يا جيدوم
 يالشاعتك اكل البلاد اعلوم
 ياليندگ طبل لفعالک الهليوم
 فنه الفعل فعلك فن بطل فنه
 ❀❀

فنه الفعل فعلك هاذ يا محمود
 يا سردال عسكرنه و ذخّر عبود
 وسفه و حيف يا حيد أصبحت مفگود
 شال البين زملك و رحلت منه
 ❀❀

شال البين زملك آ يَيُورِ البين
مدري امنين اجاك البين مدري امنين
ما تگعد يبو امقامس ينور العين
چاسب هان ياك الكبرك اتعنه



چاسب هان ياك اشلون لاجن ياك
ياك ايسيل دمعته و يلطم و ينعاك
و كثر طر گلبنه افعليل من ناداك
يا بدر العشيره اشغيبك عنه



يا بدر العشيره و يا عجيد الصيد
يا ضنوة چعبنا و يا ذخري يا حيد
نايم بالبنيه اعليش يا صنديد
جت گومك تحشمك و سگمت رنه



جت گومك تحشمك تلطم اعلى الروس
حيث انتة علمها و أصبحت منكوس
خيل و زلم و طفال و غدت چردوس
عد نعشك يعزها و تجذب الونه



عِدْ نَعشَكَ يَعزُها وَ تَنْدِبِ الْعِزْ فَا ت
 حِي عَبَّودِ چَانِ الْيَوْمِ لَا چِنِ مَاتِ
 كَتَلَهُ الْكَالِ مَا ظَنَّنَ يَصْحَ هِيَهَاتِ
 يَحْصِلُ بِالسَّلَفِ مِثْلُ الرَّحْلِ ظَنَّهُ
 ❀❀

يَحْصِلُ بِالسَّلَفِ إِي نَعَمْ يَحْصِلُ عَادِ
 عَدْنَهُ أَشْخَاصُ طَيِّبِهِ وَ تَنْوُجِدُ أَمْجَادِ
 تَزْجَحُ بَغْتِ بِحُدُودِ السَّلَفِ آسَادِ
 مِنْهُوَ الْبَيْهَ لِلْحَدِّ بَعْدَ يَتَدَنَّهَ
 ❀❀

مِنْهُوَ الْبَيْهَ يَدْنَهُ وَ بَيْهَ أَبُو عَمَّارِ
 بِي مَرَجَلِهِ وَ غَيْرِهِ وَ بِي نَفْعَ لِلْجَارِ
 وَ شَوَيْعَ الْبَيْهَ أَضَحَتْ مَزْهَرَهُ الدَّارِ
 طَيِّبَ فَعْلٍ مَسْمِي أَشْأَرْدَ أَمْدَحْنَهُ
 ❀❀

طَيِّبَ فَعْلٍ وَالْكَلِّ لِلْفَعْلِ طَيِّبِينَ
 مَا بِيهِمْ رَدِي وَ كُلِّ شَخْصٍ مِنْهُمْ زَيْنِ
 بِيهِمْ شَخْصَ أَبُو حَاتِمٍ كَفُو نَعْمِينَ
 بَحْرُ الْكَرْمِ ذَاكَ الْيَنْحَدِرُ مِنْهُ
 ❀❀

بحر الكرم چفّه و لم سلف عُربان
قابل يزل عاقل نفل عذب السان
يرضي الطب مجلسه و گعد بالديوان
مِستر كلوكت وجهه و ضحك سنّه



مستر باليجي و يبذل عطايا اكبار
يفرح مثل عوده ابكثرة الخطار
محسن هيچ هم أصبح بحر تيار
بسمه و بسم أخو حادي الظعن غنّه



بسمه و بسم أخوته و بسم أخو چنعان
غنّت كل عربيها و تحمد ابطهران
متوهمّ الكلكم مات ابن فرحان
ما مات إلبزوره اشچم أسد ثنّه



﴿ قصيدة ركبانيّه في حق أَلمرحوم الشيخ حنش ﴾

﴿ ابن أَلمرحوم يابر أَلسلطان مقدم ﴾

﴿ يا طارشي امسراك ﴾

يا طارشي بامسراك عَجَل يسيّار
و بظهر مُهرِك لُوح گبل ان تَعَنّه
هِمّه بمسيره و سير ليك و لإنهار
بسرع گصدي يكون توصل البَنّه
الزم يمين الزور لا تلزم ايسار
بي خطر درب الزور لي لَتَدَنّه
نادي بدرها و صيح يا بدر القمار
يالمنّه قط ما خاب ظن التَعَنّه
گله اعله جار افلان طاغي البلد جار
بس يسمع بن الحيد يطرگ نزلنه
ذل گومه عنده مچيد ما يقبل العار
چم عايل بغارات من عزمه شَنّه
يالوصل صيته و شاع في كلّ المصار
يالبسمه حادي العيس بالعيس غَنّه
يالبي من الزينات كلشي حَسَن صار
رضّه البعد بالجود غير التدنّه

يا روض الممحطين يمعنّ الجار
 بالسلف فعل الجود فل جفّه سنّه
 ابراحه و أمان اننام حارسنه مغوار
 مُرّ السّهر والخوف ما مر جفّه
 لجل الصديق ايهيج لو فرّعه الثّار
 يلوي چفوف أعداه يدهي الدهنه
 نار الحرب بالسيف يشعلها لو غار
 مشتعلت من الغير مشتعله مِنْه
 بؤل سرب تلگاه جيدومه سيمسار
 بالمعركه من اتصير للفشگ رنّه
 لاح ابظهر وذنّان ما سُبگته امهار
 كردس خيول الشّوس ما كردسنّه
 رحّه الوغه من تدیر بچفوفه تندار
 و یگنطر الجيمات ما گنطرنّه
 يشبه السبع الزور يوم الّذي زار
 بالثّايه ينهم دوم و بحدّها ثنّه
 يدّه الأسد سلطان يوم العلي ثار
 ذاك الأسد خلّاه بالدم تحنّه
 خلفت أسود حيود و مخلف أحرار
 حدهم ازموور تفاگ عزهم جمّنه

چَفَّهَ الْجَوِي لِحَفُوفٍ عِدْوَانَهُ هَضَارَ
 مَا لُونِ چَفَّهَ چِفُوفٍ لَا مَا لُونَهُ
 مِنْ حَلْكَ بِجُوبَاسٍ وَصَفَّتْهُ شَنْقَارُ
 عَنْهُ بَتَعَدَّ كُلَّ طَيْرٍ وَ صَغَّرَ بِجَنَّهُ
 مِنْ عَزْمِهِ يَنْسِلُ سَيْفٌ كَلُوكَتِهِ بَتَّارُ
 بَرِگَابِ الْمُبْغِضِينَ دَائِمٌ يَسْنَهُ
 عِدْوَانَهُ مَشْتَعِلِينَ خَلَّاهُمْ بَنَارُ
 بِفِكَارِهِ مَمْتَحِنِينَ حَارٍ وَ بَفَنَّهُ
 لَوْ جَابِلُوهُ كِبَارٌ يَحْسِبُهُمْ زَغَارُ
 بِلِسَانِهِ يَغْلِبُ دَوْمٌ لَا بِالْأُسَيْنَةِ
 شَمَا طَالُو بِمَلْفُوظٍ يَنْظُرُهُمْ كَصَارُ
 فَنَ الْحِجِّي بِي فَازَ شَخْصَهُ التَّائِنَهُ
 فَازَ الْكَصْدَ مَغْنَاهُ وَلَّى إِلَهَ زَارُ
 رَدَ حَصَلُ شَمَا رَادٍ وَ شَمَا تَمَنَّهُ
 وَلَوْ جَا مَرِيضٌ نَغِيضٌ وَ بِفِكْرِهِ مُحْتَارُ
 دَاوَا حَنْشٌ بِالْجُودِ وَ يَدِيهِ شِفَنَّهُ
 يَنْظُرُ وَسْطَ وَ يَمِينٍ وَ يَعَايِنُ أَيْسَارُ
 بِالْيَمَّةِ حَسَّ شِيرِيدٍ وَ الْغَادِي عَنْهُ
 أَهْوَهُ الْإِخْوَةُ الْوَقَايِ وَ الْمَخْلَصُ الْبَارُ
 وَ هُوَهُ الرَّجَاهُ النَّرْجَاهُ وَلَّى نَظَنَّهُ

لو بحر مُشكل فاض بس اهو به بحر
 موجات اليكروهون ما غرگنه
 مُركب نجاته الراي سگانه لَفكار
 يندل محاري الحُول عارف بسنه
 بديره هالعربان لا تزرع شجار
 بسماته اهنه ورود و خلاقه جنه
 او لو رادت تشم طيب من طيب الأزهار
 من چفه تشتم طيب جُود المحنه
 ضحچاته الهاشجار و خلاقه لثمار
 يزهي الثمر بچفوف عربّه الجنّه
 من اسمه العله بالصّيت حصّله عتبار
 ينكرم كِلّ مچان بسمه التچنه
 أفعال الشرف والجاه علّنه شنيار
 ويدي المچارم دوم عز لبسنه
 صدعن حچي مغرضين وخبارالأشرار
 ميهز جبل ثهلان حچي المزنه
 يمشي بطريچ أشراف و بمسلك أخيار
 طبعه الخجل والجُود والعفه فنه
 جدمه الزچي حاشاه ما داس الأقذار
 تخسه المخازي بشين ماد نسنه

يا ربّنه خلّي الشيخ شمعّه الله بالدار
 و حفظ أسرتّه و زيح كل بلوه عنه
 نتهنّه بيه نريد و نزيح الكدار
 عونّه الغعد ويّاه والبي تهنّه
 ❀❀❀

﴿قصيدة الحِذّه﴾

خويه اشلون حدّتنه و چيف الفكر بيها اشلون
 بيض و سُمُر سُمُر و بيض بيها و حاويه الكل لون
 ❀❀
 بيض و سُمُر بيها اشكال حدّتنه و تشع بالنور
 بيها الليلو المنثور بيها الخلد بيها الحُور
 بيها الوگف ظل مقهور ظل داوي و بليّه اشعور
 و أنه ابسع لفاني جنون منهن و صبحت مجنون
 ❀❀

أنه بسع لفاني جنون و شعوري نسلب منّي
 يمهن طحت لاچن عاد بس يمهن طحت ينّي
 گلتلهن يمزونات بس للبيت ودّني
 ودّني و علي گامن يضحكن والأهل يبچون
 ❀❀

وَدَنِّي وَ يَصِيحُنْ هَاذْ مَتْسُودُنْ بَگَه شِيَالَه
 گلتلهن هواچن صاب دلاله و شده باله
 گالن و صُف الننه الشوگ گِلَت سیوف چتاله
 گالن و ششعل بحشاک گلتلهن شعل چانون



گالن و ششعل بحشاک گلتلهن شعل بی نار
 گالن بعد بیک شصار گلتلهن مرض سِل صار
 گالن و صبحت مختار گلتلهن نعم مختار
 بَسْتغَنّجَن الْجَبَّار وَ تَسْلَهُمْ هَدَبْ لَعِیون



بَسْتغَنّجَن الْجَبَّار وَ بَسُودُ الْمُقْلَ ذَنِّي
 مجبور صبحت مجبور و آنه الْمُقْلَ یاذَنِّي
 وَ چَفُوفِ الْمُحَنَّا یَاتِ مُحَنِي الظَّهَرِ خَلَّانِي
 و تهل صرت منچن عاد مثل المنچن ایتهلون



اتهل صرت منچن عاد عفت الشرب عفت الزاد
 منچن سال دمعي دموم منچن رگد حيلي و باد
 صرتن للخلايج دوم فتنه و لولِفُو عُبَاد
 یمچن چا غدو عشاگ و بوادي الهوی ایهیمون



یمچن لو وگف قسّیس چا ظل فاجد قیاسه
 چا ما گدر یمشی و طاح چان انگطعت أنفاسه
 الچن چا سجد و سنین ما یرفع بعد راسه
 یا فتنه التفتّن رُوح مسچین الفتی المفتون



یا فتنه التفتّن رُوح مسچین الفتی المجبور
 یخشوف المدن یاالصار الچن کل سبع میسور
 من عدچن صرت مقهور منچن یا سُمَر مقهور
 دمعی الچن یبیض ایفیض یا بیض الحلو المکنون



دمعی الچن یبیض ایفیض کت دم حَمَر ما هو مای
 اُرد شچی و ارید یصیر عد قاضي السُمَر شکوای
 بیچن مبتلی و اُیُوب بلوا بس مثل بلوای
 یمکن و ظن مثلی ایصیر یونسها النّبی ذالنون



یمکن مَحَد ابلوای یلحگنی و یجادینی
 سلنی وفت حشای الشوگ و هوهُ الَّذي مَخْلَیْنِی
 اتهل و دِگ و بچی و حای لیلی و زاید اونینی
 و مسجّه و سفن بلوای هَم بیها و غصص و شجون



و مسجّه و صحت يا بيض عندي و يالسّمُر چلمه
 گالن گول گِلت يلوي دلّالي و كِثَر ألمه
 گالن و شردت هسّاع گلتلهن ردت سلمه
 اتبخ بماي دلّالي بلكت بعض ألمه يهون



اتبخ بنچوفها فوادي بلكت يبرد فوادي
 منچن يا سُمُر بس هاذ قصدي و غاية مرادي
 چيف الها و بگت بحشاي ترتع ظبية الوادي
 چيف اسله الأودهم چيف و عجب للذي يسلون



چيف أسله و تملّك شوگ هالغيد اليجن بحشاي
 سوّن بالنخل يا خوي حرثه و غدن رايح جاي
 ابجدّتنه بشريعتنه ببگشتنه و يترسن ماي
 غزلان المثلهن هيچ ما ظن العرب يجنون



غزلان المثلهن عيب يجنون العجم والروم
 اهنه شמוש موش قمار و توهم الكال نجوم
 مبسم هالتصد كلّساع سلني و يكتل الزردوم
 ليلو الحلگ بي منظوم يا هو الهيچ عنده سنون



ليلو الحلك بي منظوم لو حبّ الطلع سينها
 لبراطم عقيق تگول گد سينّ البدر سينها
 هالمشيه التهيّج هاي بدعه تمايلج سنها
 يا سلمه العلي هالصار فرض محبتج مسنون



يا سلمه اليهّج صار و ياأذي اليحب ممشاچ
 فنّ مشيچ عجيب و عيب صحنّه المشن ويّاچ
 ما نهواچ بينه شلون بينه شلون ما نهواچ
 ونتي العگل ونتي الرّوح يا غاية هوى اليهودون



انتي العگل ونتي الرّوح يا غاية هوى العشّاگ
 طولي الخاطري النّفوف حتّه ايضم بريچ الساگ
 گل عينچ دليلي و صاح زميچ ما رما تفّاگ
 عينچ عين حور العين جلّ الخلک هيچ عيون



عينچ عين حور العين ونتي ابكل وکت ترمين
 بيها و مثل عينچ عيب ترمي عيون حور العين
 عينچ تکتل من الناس کل يوم الصبح سبعين
 والرمي التفگ والطوب لحظچ علّم اليرمون



والرمي التفك والطوب لحظج علم الرماي
وجهج صُبُح شعرج ليل طولج شبه نبعة ساي
خدج ورد نهديج دان ريجج غسل صدرج عاي
و بصدرج نقش و حروف بيهن حار واليگرون



و بصدرج طلاس حار فكري ابفهم معناها
ما چانت گبل تنشاف بس هالوكت شفناها
لو ما عگرب الصدغين شفتج چا رشفناها
و مصينه الرحيق البيه بس أهل الهوى ايسكرون



مصينه الرحيق انچان لاچن چيف امصنه
محمي بعگرب الصدغين ما يحصل ورد منه
و خدودچ المنهن راد يحوي الورد كتلنه
عيونچ ويسو اليردون من خدج ورد يحوون



عيونچ والحسن مجموع لطفه بفترة عيونچ
ونتي التاج للحلوات والكل بالحسن دُونچ
باللغات واليفلات محنتي اليوصفونچ
بيهن بالخشف و صفوچ حيرتي الذي ايوصفون



بيهن بالخشف و صفوح و نتي الماخذه من الريم
 عينه و رغبته و من نُور و جناتج نريد انهم
 نارچ علي حاطت ليش موش أنه النّبي ابراهيم
 عن معشار نارچ هاي كل نار الخليل تهون



عن نارچ حچيت و جيت عد دارچ و صيح دخيل
 بردي حشاي بشوي ماي و بگعه بتوالي الليل
 لو منّج يصحلي الموت لو منّج يصح تقبيل
 من لثنين وحده يكون لو حي أظل لو مدفون



من لثنين وحده يكون دسگي بريچچ العطشان
 يحيي الميّت الهلكان محسن زاچي العلوان
 أنه الخادم المسچين و نتي الحاكم السلطان
 والمسچين لسلطان خادم كل وكت ممنون



﴿ قصيدة المسنّايه « الشريعة » ﴾

ما تبليّن آيا هلمسنّايه نزّلتني عليه من الصبح ذايه



نزّلتني عليه شلون طرگاعه بس چيف الفكر ويّاچ هسّاعه
 أنه ويّاچ حتمي اليوم ندّاعه هسّسه و لو الچ تفزع البنّايه

هسته يكون بالمحكمه الشرعيه أنه وياچ نحضر ما اكو جيّه
تنحكمين لو بين الجره عليه لاچن هم اله هادي معذايه



لاچن هم اله عدّيت هالدوره لجل الخال عيسى و خاطر اليوره
گالت ما أظن سوّيت مكسوره بيتلي القضيّه و گوللي هايه



بيتلي القضيّه و گوللي هادي بس لا من السگّه الأعور المادي
لو غثك الثاني يشبه الشادي دحچيلي بصراحه و بين السايه



گلتها سبني هليترسن بيچ
لَعَنَ اللّٰه ابيّچ لا أبو البانيچ
هالسل اللّحکني و هالمرض من ذيچ
آ يا ذيچ يَم ايد المَحَنّايه



آ يا ذيچ يالبيناغها تومي
هلي تگل سلمه شعطلچ گومي
هم انلام أنه من أسرد هدومي
کلهن و طر زيچي و عبر فوايه



کلهن و طر زيچي بوجه بدريّه
بلچي تشوف حالي و تنقر عليه
والله بدور ربّت هالفلاحيه
شطها تگول يجري من الخلد مايه

شطها تگول يجري من الخلد چنه
 هالجسن الجننه من الهوه و منه
 شنهو الفكر يا هالناس كتلنه
 عمي يصير نشرد من هلولايه
 ❀❀

عمي يصير منچن نفر هساعه
 و درتن فكارى و راس نعناعه
 وحده تريك خدها و يجبر شعاعه
 يزهي و ذيچ بگصه اللحظ رمايه
 ❀❀

يزهي و ذيچ بالصّد رُمت دلّالي
 يا وسفه و لنّي و محدّ حذالي
 ما أنسه يصاحب فشگة التالي
 ثارت من لحظ بتّ المغشايه
 ❀❀

ثارت من لحظها و صوبت رليّه
 أرد أنهض يخوتي شلون ما بيّه
 آ يالبيض انتن جنن عليّه
 ولّه السمّر ملعونات للغايه
 ❀❀

وَلَّه السَّمُرُ وَحَدَّتْهُنَّ فَلَا عِدَّهَا
عَالِيْنَجْبُرُ رَحْمَهُ وَ يَنْدَفِنُ وَدَّهَا
بِس الْبَيْضُ مَخْصُوصُ الْيَشْعِ خَدَّهَا
لَتَكْتَلَهُ تَرْحَمُهُ تَجْلِبُّهُ أَهْوَايُهُ
❀❀

لَتَكْتَلَهُ تَكْلَهُ شَتَامَرُ شَمَحْتَايَ
مَنْ رِيْجِي أَنْكُطْلَاكَ تَحِبُّ لَوْ مَايَ
بِس السَّمُرُ عِدَّهَنْ مَا نَحْصَلْ هَايَ
ظَلَّ مَايُوسُ مِنْهَنْ يَا طَلْبُ حَايَهُ
❀❀❀

﴿ قَصِيدَةُ فِي ذَمِّ الْوَلَدِ الْمَجْرَمِ الَّذِي قَتَلَ أُمَّهُ ﴾
﴿ فِي سَبِيلِ مَرْضَاةِ زَوْجَتِهِ ﴾
﴿ قَصَّهْ أَرْوَيْلِكَ ﴾

قَصَّهْ أَرْوَيْلِكَ عَجِيْبُهُ إِيشِيْبُ رَاسِ الطِّفْلِ مِنْهَا
قَصَّةُ الْأُمِّ وَيَا ابْنَهَا الْمَا رَحِمَهَا وَ مَرَّتْ ابْنَهَا
❀❀

مَرَّتْ ابْنَهَا أَشْكَتْهُ جَسْرُهُ أَشْكَتْهُ مَلْعُونُهُ وَ جَرِيئُهُ
مُكْرَتٌ أَعْظَمُ مَكْرٍ وَ كَبِيرُ جُرْمٍ لِلْعَمَّةِ الْبَرِيئُهُ
أَتَكَلَّ رَجُلَهَا أَمَّاكَ سَبَبْتَنِي أَوْيَايَ أَشْوَ صَارَتْ مُسِيئُهُ
عَنِّي لَوْ تَبَعْدَهَا لَوْ لَا بِالْعَجْلِ بَعْدَنِي عَنْهَا

أُمّك أُمّك مِر سَگتني و عَذَبت حالي و سببتني
 اويّاك هالكَدَرَت عيشي بطول عُمرِي و مَرمرتني
 من عذاب أُمّك مَرِيضه أَصَبحت وُمّك مَرَضتني
 چاره سَوِيلِي ويا مُك رِيحني و خَلَصني منها
 ❀❀

گلها حسب أَمَرچ يروحي و زوجتي و بهجَة حياتي
 شنهو ما تردين أَعْمَل بس قَريره العين باتي
 الح أَفدي الأهل كلهم أُمّي وولادي و بناتي
 گالت المقصود أُمّك گلها بشري و ضحك سِنها
 ❀❀

گالت المقصود أُمّك أَنه دواي عدها
 ادواي بس اتگص گلبها و آكله و آكل چيدها
 گلها بِشري و طاع أُمّرها و صَوّل اعله امّه و گصدها
 اشلون بن ملعون جاسي ابخنجره دَرّع بطنها
 ❀❀

طر بطنها و گص گلبها و بعد بالغص ما تكفّه
 رجع متونّس المرتّه و للگلب لازم ابچفّه
 و من عِشَر طاح اعله وجهه و صاح بيده الغلب و سفّه
 الغلب ظل ايصبح آه بصوت أُمّه الكِثَر ونها
 ❀❀

الكلب ظل ايصيح شنهو ايصح دوك اسمع كلامه
ايصيح سالم كون يبني و كون تلفيك السلامه
هاي قصه الأم و بنها الما چسب غير الندامه
اشلون جازاها برباها و چيف عاوضها ابلبنها



﴿ بيت أبوزيه عن لسان أمّه البريئه ﴾

أحنّ اعله الولد و عطف و لبني أشيد بيت بضلوعي و لبني
ابرباي الولد جازاني و لبني لجل مرته چتلني و فتك بيّه



﴿ حبة البرّ - للشاعر القروي ﴾

مِنْ حَبَّةِ الْبُرِّ أَتَّخِذُ مَثَلَ النَّدَى يَا مَنْ قَبَضْتَ عَنِ النَّدَى يُمْنَاكَ
هِيَ حَبَّةٌ أَعْطَتْكَ سَبْعَ سَنَابِلٍ لِتَجُودَ أَنْتَ بِحَبِّهِ لِسَوَاكَ
حَلَمْتُ بِأَنْ سَتَكُونُ فِي حُبْرِ الْقِرَى فَتَرَاقَصْتَ لِلْمَوْتِ تَحْتَ رَحَاكَ
وَ كَأَنَّمَا الشَّقُّ الَّذِي فِي وَسْطِهَا لَكَ قَائِلٌ نِصْفِي يَخْصُ أَخَاكَ



حبة الحنطة الكريمة الألد و حسن مأكلك
ياالبخيل الكرم منها اتعلمه و علم هلك



حبّه من تزرعها وحده سبعة اسنابل تصير
 لجل تاكل منه انتّه و بي تجود اعلى الفقير
 حبه للموت ايتراگص تحت رحاك التددير
 خبز جود ايصير وده الضيفك الطب منزلك



او رمز شگ لبوسط كل حبّه تعجبك حكّمته
 حكّمته حكّمَتِ الباري و سر قدرته او رادته
 معنّى هالشگ چن يگلّك دير بالك يا فته
 نصّي يختص اباخيک نص لخوك و نص إلك



﴿ قصيدة في مكر النساء و أنّه لا خبث داء و أشرّ بلاء ﴾

﴿ الحرمة لتغشّك ﴾

الحرمة لتغشّك ابصوت انياحها
 ابكل وكت دمة جذبها اسلاحها



الدمعة لتصبها المره أكبر اسلاح
 عنها تخسه الجنه و كل بيض الصفاح
 ابمكر دمعتها ابدجل صوت النياح
 اتغش رجلها و جذب كلّ انياحها

ابجذب صوت انياحها و صب الدموع
كتلت آلاف و فنت كثرة اجموع
ابفن خداع انحيبها اتهشم اضلوع
امن العشيره الهؤست برماحها



امن العشيره و سبب كل نار التهيج
امن الدموع الحته ما بلت الزيج
ارعيد مكر المره المشعول اببريج
شَرَر شَرّه التكره الشر لاحها



لاحها و كلفات نحبات الحريم
الما ابعشرتهن هنه و لذّه و نعيم
الكتب ذكرت عن مرت موسى الكليم
ابيوم زهكت صعب چان اصلاحها



اصلاح مرت الما تحس كلش صعب
والعوي تقويمه ما يمحّن تعب
التصبح ابزبرات والتمسي ابجذب
تعب ممساها و نحس مصباحها



تعس ممساها و هضيمه اعلى الرجال
 الخضعت النسوانها اكل الحوال
 افلان مرته اتقدسه ابضربة انعال
 اتصيبه حته اتعيد عيد أفرأحها



اتصيبه و تصگعه و توگعه اكل صباح
 لجل تحظه ابطيب كاس الارتياح
 اتحل مغازة سوكها ابشوم افتتاح
 اتبيع لغوه و تستفيد اربأحها



اتبيع لغوه و تشتري ابضاعة اكماش
 لا ابضاعة زل و لبضاعة اكماش
 شرد أناقش زوجها اشفاد النقاش
 القصه خافها و يغص بيضأحها



القصه قصه خوف واليصبح ضعيف
 ما يواجه خطر شر مُرعب مُخيف
 من تصدله اتصير بي حالة رجيف
 يشبه السعفه التهزها اربأحها



شبه سعه التخفج ابعاصف الريح
ايهوم قصده ايگوم و يگوم و يطيح
او لحظه لو عزم على الذل يستريح
اتصبح ريح المره و زيح اتراحها



اتصبح ساعدني و لبح دكنس البيت
ما تشوف اكسافته اشمالك عميت
اتكله مثلك رجل داثر ما لگيت
الرجل ذاك الكل مشاكل زاحها



الرجل يتوزم الكل غرض العيال
ابشغله يتحزم اييوز امن الكسال
ايواسي مرته ايكون و ياساسي لطفال
و ما هو عيب الخدم مرته و راحها



ما هو عيب الطحن چم گفة اطحين
و ما هو عيب العين چم يفنة عيين
الرجل يعمل كون بيديه الثنين
و يعرف الاشغال كلها و صاحبها



كلها طوع أمرچ و غبشه و على الريچ
 فوزته ايحط للهوايش عليچ
 اتفززه ابصرخات و بصيحه و بغيچ
 و سمع لبراس الطريچ اصياحها



سمع و أنه اسمعت ودري و دوم أصيچ
 فعل هاي المره الما تخجل قبيچ
 اليكره الذل حَب حچي الساني الصريچ
 البين أسرار الرذيله و باحها



و بالختام أسئل وريد أسمع جواب
 امن النشامه و بالخصوص امن الشباب
 هم اله ويّاي لو يعتب عتاب
 الما نزع چبنة الذله و تاحها



الفصل الثاني

الأبوزيه العتاب

الموَال الميمر

الدارمي الهوسه

والمهدلوي

﴿باب أهل البيت عليهما السلام﴾

يروحي ابطلب حگ شرعي دعيني
 او عن حب غير أهل طاهها دعيني
 دوفي بدمج اليسري دعيني
 حُب المصطفى و حيدر وصيه



الشيعة التفخر بحيدر عليها عليها اتقلده ابفعله عليها
 ثوب الفخر ما يحله عليها اذا متطرزه بغيره و حميه



علي حيدر ينجي اللهج بسما علي بدر الاله السطع بسما
 علي اتعنه او دفن سلمان بسما دفن نجله الغضه بالغازيه



انتمته و فايده ما به منلمه يصح و نعاب دلالي منلمه
 أون للمنعو أطفاله منلمه او غضه عطشان برض الغاضريه



المجد بالعز عله من ظهر بسمه نجم سعد التجله العرش بسمه
 الفخر ثغره بلطافه ابتسم بسمه ابمولود النبي و حيدر وصيه



لَوْ كُنْتُ فَظًّا غَلِيظَ الْقَلْبِ مَا خَضَعْتُ
لَكَ الرَّقَابُ وَلَا ذَلَّتْ لَكَ الْأُمَمُ



يطاها بالمكارم بحر فضلاك
و بالخلق انوصف و نعرف فضلاك
لون گلبك غليظ و چنت فضلاك
لما خضعت ارگاب امن البريه



بجهلته اعيونته انصمّن و لاذان طرش ميسمعن النخوه و لاذان
الشييم بالشر غزيناهن و لاذان بكهف مجد النبي و حيدر وصيه



المكارم لليودهن دوم ودين
تحف عز يابن النه و شرف ودين
المكارم خضرن بالدين ودين
ابسمه أخلاق المكارم سطع ضيه



تَهَتْ يَا الْمَجْعَلِ حَيْدَرِ عِلْمَلَاكِ
العلي بعالي المجد چوچب علملاك
علي علاه معبوده علملاك
السيمه و فضله السيمه چالشمس ضيه



حيدر ضربته وحده مثته بيها و ما يكررها مثته
ابعلي يشجي الضعف والله مثته نمثله بليث يهدر بالثنيه



« لسان حال الحسين يرثي ابن والده العباس عليه السلام »

رايي و رايتي و عزمي وجودك
عضيدي و أفخر ابباسك و جودك
انفضخت هامتك لجلي وجودك
عله زنودك جره من غصب ميه



« باب الغزل »

اشكتر صنف كتب للشوگ ولف دليلي و مال للفل جعد ولف
هام بحب خشف من يهل ولف على اليفلن ابشاطي العذب ميه



البدر شبهك يناهي و نتشبهها و سره حبك ابروحي و نتشبهها
بگيت أصفج ابايدي و نتشبهها الضحه ابيوم شلت و گطعت فيّه



الدهر و هلي و هلج مثلي ولومن ولوني و بس بگيت أنخه ولومن
علّي من كل كتر ثارو ولومن كتر بس چان هان أمري عليه



إلك يفلة خشف ناهي ولكلف تته و لتفل عثاجيلك و لكلف
عَلَيَّ شوگك كلف واللّه و لكلف وداعك والبچه و فرگاك ليّه



ابسمحة خد كحيلة طرف ولمه مبلي و زاد ويد الغلب ولمه
ظامي وفات چبدي العطش ولمه عد سلمه او وِرد ما يصح ليّه



تشب ناري و چوه ياري لهبها من ويد المهه الفكري لهبها
ريمة بر وجه صافي لهبها و نشع من ضوه البدرين ضيّه



حبيبي اعله الأنامل جار و جنه

اسبب بيهن حوه من الورد و جنه

ورد يحوي الحوه چالورد و جنه

لطيفه الطف من الورده الزهيّه



حبيبي خيل هجرانك تركباي

غدت و جفاك ألف علّه تركباي

الي لو ما تجي من أمشي تركباي

عله وجهي و يصير اجنون بيّه



عليك ايـصيح دلالـي تـعلـه

ابوصل موش ابعلل فرگه تـعلـه

يـلـسـمـر روي اسه ابـگـلـبي تـعلـه

الضحـه ابـحـين العفتـني و خنت بيـه



نـعـم عوـد لسانـك ليش لابس الـهـدم العذر دوـم دوـم لابس

أعـذـرك يا شـريـح العـگل لابس و لو يـثـر هـواك اجـنـون بيـه



و حـگ طاها الـإـلـه طـعـنه و لاله اخلـست لا إي گـدرت أـحـجي و لاله

الـيـزهي ابـمـبـسـمـه ليلو و لاله ابـجـيـنه اشلون يترك عزم بيـه



هاكت ماي جفني اعليك هادم و ها هـجـرك الركن الصبر هادم

عـله المـنـك يلوي اسألت هادم بـگـه شـبه البـگـه مـلـدوـغ حـيـه



يشادي امن الونين أرجوك بطل الحزين الظل يون للصبح بطل

الو يطلع جوه البـحـشـاي بطل رواسي و تـاـحـهن فوگ الوطيـه



يـنـاهي المـا تـغـيب و تشـع شـمـسـاك

و لايفرق اشيومك هاذ شمسـاك

أريد أمسك عضو من أعضاك شمسـاك

الكل سمحات و يعزّن عليـه

يَـغْلُولِي يَمْغَرَم عَـگْل تَهْلَاك
 اَبْـبَحْر حُب زَاد رَوِيَه وَ لَزَم تَهْلَاك
 حَرْـگ رَوْض الزَّهْه اَمِنْ اَبْـجَاك تَهْلَاك
 وَ لِـتُودْهَمْ سَرَوْ وَ كَطْعَوْ فَيَّه



يَتَغَيَّر بَعْد شَكْلِي وَ لَوْنِي مِنْ وَيد السَّبُو حَالِي وَ لَوْنِي
 عَيَّو مَا يَرْحَمُونِي وَ لَوْنِي كَافِر وَاجِب اِيَرْجَّوْنَ لَيَّه



شَفْتَك كَوْن أَمَص مِنْهَا عَسَلَهَا وَ بَشَم وَرْد وَجَنَاتِكَ عَسَلَهَا
 اَظْعَوْنَ الشَّالَتِكَ نَاهِي عَسَلَهَا كِلْ بِصَدُورِهَا وَ لَـكَطَعْتَ فَيَّه



عَلَى الْفَات اِدْرَمْتَ شَيْفِيد دَرْمَاي
 الْحَظْ مَا حَاش لِي مِنْ الصَّدْفِ دَرْمَاي
 يَـغْلُولِي اِـگْرَبْتَ لِلْحَصِيدِ دَرْمَاي
 خَطِيئَتِهِ وَ كَعْدُو اِيَلُومُونَ بَيَّه



مَدَّه اَمِنْ الْاَوْدَّهْ اَخْبَار مَايِنْ
 عَجَبْ چَيْفِ اصْبَرْتَ وَ اَشْلُونِ مَايِنْ
 لَيْلِ اجْفَاهِ الْاَظْلَمْ اَبَدِ مَايِنْ
 جَلِي الْاَبْصَحْ شَمْسَه الْمَضِيَّه



و حگ البيت و ستاره يساره تركتي الصدو الطولج يساره
يمن للنفس قيثاره يساره محزمچ يعم زناره عليه



ترف ريجك دوه العلتی منعتل أخوي و دوم يصحيني منعتل
عَلَيَّ عِدْ مَا وصل موتي منعتل وصل شنهو الدعاك اگطعت بيّه



عبيط اجروح دلالي تردّين على الي ابثوب عز حسنه تردّين
دخيله لا يدن حيله تردّين ترك بحشاي علّه و عمل بيّه



اعجبت عجة غرامك عيب تحتال

اهجرتني و علي بالتعذيب تحتال
اتركتني فوگ شوگ الشوگ تحتال

مواضي السلهن افراگك عليه



صبتني بفالة افراگك فجرها

النوه اشچم عين من عيني فجرها

ليالي اجفاك هم ينظر فجرها

ابوصل وتزورني و نگعد سويّه



انرمه اينشّاب گلبّي منجماله
 من صد ظبي امضمّر منجماله
 من مشيه و دلّاله منجماله
 ردتّه و راد موتي و گطع بيّه
 ❀❀

يناهي إن چان مقصودك تَمُرْمُر
 اعليش ابوعدك الغلبّي تمرمر
 يحالي اتريد من تالي تَمُرْمُر
 جفاك أرجوك مُرمرّه عليّه
 ❀❀

لنسل يطلب الطيبه من السيل
 و يريده اينشف ادموعه من السيل
 سَلّي و سيل دم دمعي من السيل
 صوارم فترّه النزلن عليّه
 ❀❀

الكلب بس مر ظعن ناهي لفتّه العلل و نفت دوه انعت لي لفتّه
 أود اتبسّمه و هوّه لفتّه و حب شم ورد وجناته الزهيه
 ❀❀

و لا يوم الدهر غارات ماشين
 سگاني عوض ريح الترف ماشين

من مر هودجه و من غال ماشين

و مشه سل انتشه اكل عظم بيّه



يصاح أرجوك عطل الترف ليشيل

يشل حالي تره ابفرگاه ليشيل

يبغه الما أريده اعليش ليشيل

أريده ايريد يمشي و يخل بيّه



وفيت و في بعض الوفاء مذلة لفاتنة في الحي شيمتها الغدر



ابوفه أحبال الوصل يا ترف شدها

و مباني الهدمتها ابغدر شدها

علي شصعب يناهي اشأمر شدها

من اجفاك اشلفاك و خنت بيّه



على ذب لحظك البي سحر بابل حجر سجيل أجل من طير بابل

لا تغلگ يساهي العين بابل رجه و رج و عطف بوصلك عليه



عَنِّي اشعطّلك يا ترف شلهاك
الكلبي المن جفاك انفزر شلهاك
غرگت اببحر شوگك وين شلهاك
او وين انجاك و محنتك عليّه
❀❀

هويت أَسمر كمل بالعگل ودراك
و من گد ما إله الدّلال ودراك
گتله اهواك و اتریاك ودراك
يگول إهالك قهر لا تمر بيّه
❀❀

يدعج گصّرت گصّرت شعراك
اشملذك من چنت مستور شعراك
شوفي بحين وجهك علي شعراك
انطفه بيوم خطف جدمك عليّه
❀❀

من الغيد ابتليت ابغنج و اشهل
الما يدري بجفني اشهل و اشهل
أصيح اشهالفراگ الطال و اشهل
جفا المُرْمُز يبعد أهلي عليّه
❀❀

ترف من يهل عاشرتك و لفتك اشكع امعاينك صوبي و لفتك

ما تفتك گلت منّي و لفتك منك بس ليش خنت الوعد بيّه



لظه البركان من تهلي و لعصار النوه چوّه و لوه گلبي و لعصار
يناھي و راسك براسي و لعصار اشتياگك و الجفه يصعب عليّه



حبيبي بگعدته بحچيه بسمره ابلفته ابفترة اعيونه بسمره
جبرني و عفت كل أمري بسمره أطيعه و طاعته واجب عليّه



قصدك بالسفر گلبي تسله و تگلي اخلافي ابرسمي تسله
أود سيف المن الحاظك تسله علي بس لا تسير و تخل بيّه



بسك بس يهالنمّام بسروح اتركني و يالهله ظلموه بسروح
بگه بس روح و آنه بگيت بسروح او جريب الشوگ يكتلنه سويّه



نسيم الشوگ إلك فرّات فرقّد عدل و ضوه بجبينك نجم فرقّد
إلك يدعج فرشت الجفن فرقّد دنام ابناظري نومه هنيّه



من صوب النزل شع نور يمطور سينه البي شمسكم زهت يمطور
عله سلمه الدمع دم دوم يمطور جره امن اطرور گلبي و عمل بيّه



يناهي بوصلك الحظ نكص وفره
 رمح هجرك فزر للكلب وفره
 حلت لك من لطيف الشعر وفره
 و زهت لك بالدجه صوره بهيه
 ❀❀

سهر يفني و لعند الوصل ينطار
 او جريب اعله الحبيب الكلب ينطار
 بعد ظعنه و علي لو بعد ينطار
 ايسبگ باز ما ينلحج عيه
 ❀❀

و حگ صوت الهوه و عوده و لحنه
 جفاكم هشم الضلعي و لحنه
 لـنتوا بمشرق الدنيه و لحنه
 ابغربها اشمنع طلتكم عليه
 ❀❀

من دمنه الصيغ چفين وحنه
 فارگنه و چوه اشچم ضلع وحنه
 بات اهوه ابفرح و سرور وحنه
 بتنه انيور و أصبحنه بأذيه
 ❀❀

من فوگ الجبل لو آخر و هوه
 ابظه الغير الولف عيب أود و هوه
 ناهي اشلون أتركه اشلون و هوه
 عگلي و روح روي السرت بيّه



بهواك اتوهنت و هواك وهنه و لا بعدك يلذلي شرب و هنه
 اهنّا بحشاي إلك طبرات وهنه ابدليلي نار هجرانك شريه



يناهي من أون و عيوني منتهل عليك و لا عله غيرك منتهل
 من افراگك متت و حيه منتهل يهل يهلل رد يا ورد ليّه



يبو ريچ المزج باريه بي من
 رحيقه عله الغضه امن الهجر بي من
 تدري اعليش أفكر بيش بيمن
 ايموتي و وصلك الما حصل ليّه



اتلول اردوف عندك موش تلبس
 سبني و صرت اتل النفس تلبس
 الشمس لو ما يساهي العين تلبس
 رداك إن چان ما تمّت مضيّه



اتلول اردوف عندك موش بس تل
 سبني و صرت اتل النفس بس تل
 تيفل شو صرت و سگمت بس تل
 تفت و تفت حشاي و خنت بيّه
 ❀❀
 الغيرك يبو اعيون الشهل مذهب
 و سوه مذهبك عيب اتخذ مذهب
 المسه عادت ابجسمي النفس مذهب
 النسيم الياب من عندك تحيه
 ❀❀
 مُهر الشوگ الك طر بيد يمفاي
 المسه ودته التصور فاك يمفاي
 يحصل لي من افت بحشاي يمفاي
 خباك الحاط بي حتف المنيه
 ❀❀
 يناهي الشابهيت البان بلميد
 عليك أضحہ الدمع ينوصف بلميد
 الي لتمدقنه فرگاڪ بلميد
 معصمك ونثني و عطف عليه

اشلون اشلون ما فكَر ولفها وَاَرَه نفسي انوخذ منها ولفها
فت روجي الهوه و فلها و لفا و مزجها ابروح ناهي الكطع فيّه



ما نصفوك لك ساموك مَلّاك يبو شامه الصرت للنفس مَلّاك
تظن چي عذبتني الغلب ملاك لا واللّه و عذابك عذب ليّه



اهلال ابغير برج الوصل هَلّاك يبو شامه الصرت للنفس هلاك
يماشي اوياك ماشي العكل هَلّاك ترد و ترد بعض عكلي عليه



كلم الكَلَمك يا ترف كلما مهو حچيك النار احشاي كلما
حُبّك سِگم مغناطيس كلما أتركك ليك جرنني و عمل بيّه



أسجي الأرض من دمعي وبلها للساتر بهل ودها و بلها
عسكر وم وخت وخوه و بلها چيف أوصل خباها و تصح ليه



أسچب دمة اعيوني وهاها للهزها الهوه و گلبي و هاها
گِل سلمه الدهر و هلي وهاها الضحه صنjq حرب شالو عليه



من اعيوني يبن ماجود كَتَل دمه و علتني علت و صبحت كَتَل
ما توعظ رشا البالعين كتل زلم ويضه رماني و فتك بيّه



و حگ رب البشر يا ترف ولین یحگ له البیک عگله اشترك ولین
علي گلبك یرج خلّیه و لین دِعِف دِعطف دِحْن دِمْتَحْن بیّه



یناهي ابشّم وجنتک علي من من لجل تنزاح علتي الغدت من من
مَنّي من أهّلك من الناس من من تخطر يا ترف و گطعت بیّه



الوشه نخّلة سمر شوگی یمرها و چبدتي ابعملته عمل یمرها
جریب اینازتي یاري یمرها عله الطعت أنه أمرها وزرت بیّه



ما فاده الحچي الواشي و بلّه یوشي و حلف بالكعبه و بلّه
آنه و ناگتي و ناهي و بلّه نبجي و للموادع غدت لیّه



ودّعني و بچه ناهي و لبّله تبجي و لا بگه لب لي و لبّله
بلوه امفارگه بلوه و لبّله موتي و فرحة الشّمات بیّه



اشطوط الشوگ بزیاره یسرها و لو هي زیارتک عسره یسرها
یرمز محبّتي و شوگی یسرها أحبك حتّه لو ما تمر بیّه



مانع صار بیني و بین خلفاي

خطر و مفارگ المحبوب خلفاي

سرت له وگوم أمامي ولوم خلفاي
الگوم أهون املاگاهم عليه



ابدقيقه ما سمح دهري و لحظه ابوصال البيه گلت أحظه و لحظه
اببنانه و بغصن بانه و لحظه سباني و ما وفاني و قطع بيّه



يَا ظَبْيَةَ الْبَانِ تَرَعَى فِي خَمَائِلِهِ
ليهنك اليوم أن القلب مرعاك



ابچم ضيغم ابضيغم فتك ورده
ظبي البان الرعه من العشب ورده
غده يرعه ابدليلي و صبح ورده
دمه دمعي الجره من الغلب ميه



سَهْمٌ أَصَابَ وَرَامِيهِ بِذِي سَلَمٍ
مَنْ بِالْعِرَاقِ لَقَدْ أَبْعَدَتْ مَرَمَاكَ^٢



سهم لحظك يناهي وصالته المنة والصبت گلبيه وصالته
ابشرك شوگك الصدته وصالته ابجدر فرگاك گلبي و خنت بيّه

الغرام اعترف بي مهلك و قبله فرض بيت الولف كعبه و قبله
بگيت اشتتم ثره صحنه و قبله بعد الشال مننه و غدر بيته



العهود اتگول سلمه مرّداها ابعدت والروح گربت مرّداها
چبدتي الخال والخل مرّداها ابعدل و آنه العذل يصعب عليه



ابزغرنه من زمن يهلي و يهلاک عشگتک والعشج يسبي و يهلاک
دگلي ابچارتي شنهي و يهلاک المنعو شوفتک غصباً عليه



گلبي ابباب اسه الفرگه یردّم بگه و من کل اکاتيره یردّم
أگل من علي محبوبي یردّم يظل لمن يخون البصر بيته



يمته أحظه ابعطف ناھي و لطفه رکست اببحر تعذيبه و لطفه
اشتعلت ابناز هجرانه و لطفه اشلون أطفه و تهب کل وکت بيته



ترف غير الجفه منك شجاني

و غير الشوک من شوگک شجاني

صوت اتطوّح الحادي شجاني

الضحه بظعونکم من گطع فيه



لو مثلي النوه چوأك و صلاك
أبد ماچان عني اگطعت و صلاك
يزاچي الفاح فرعك مجد و صلاك
عله أرجو تزورني گبل المنیه



يناهي إِيّاك ثمَّ إِيّاك وِيّاك من اليمشي ابطريچ الغدر وِيّاك
أنه ذاك الشجي البهواك وياك ايترجّه تعيد له البسمه الزهيه



اهلك اهلك اهلك آه يهلك الرادو كل شجي اليهواك يهلك
هويتك من چنت بيّام يهلك و ردتني ابيوم نتمريح سويه



أخفج خوف أظل و نخلس ويباس
من اتصد و ثبت ابيا عزم ويباس
يدعج لا تظن الچبد ويباس
احرگت كل الحشه امن گطعت بيّه



يمن لالات إلك بالوجه لالين
ارحمني و لتصعب علي لالين
مرني إشما أگول اتگول لالين
أمر طول العمر لا دمر بيّه



يسناهي لجل الموادع تجدّم
 ابوداعك يهل من عيني تجدّم
 الظعينه ابسيرها غبشه تجدّم
 تشيع اجنازتي و تمشي اضحويه
 ❀❀

أمس بالمعركه اعله الشوس فتنه
 او نكع هاليوم من صد لحظ فتنه
 كال الله الولد والمال فتنه
 ونه فتنه افتتنتني و زرت بيّه
 ❀❀

أحبابي ابسيف فرگاهم شجوني
 جفوني و بالجفه كثرو شجوني
 إجو بعديش اجو جوني شجوني
 اجوني ابيوم حاط الحتف بيّه
 ❀❀

رشه الما زار أبد غيري و ليزار
 بده وياني برده قاني و ليزار
 الرغبتي ابشوگ فل زيجه و ليزار
 و يود انشگ عبيره العمل بيّه
 ❀❀

بالأمس كانوا معي واليوم قد رحلوا
و خَلَّفُوا في سويدا القلب نيرانا



ما وَجَد ضباب انعجد و معاي
اظعون الخذولَ إحشاي و معاي
أحبابي وياي چانو أمس و معاي
و هاليوم ارحلو و كطعو فيّه



ابوصل ولفي سُوه يَأْسِي و مالي
ابمنامي المحت چف ناهي و مالي
ابحالي اببالي ابخالي و مالي
و هلي و روعي فديته و غدر بيّه



عيني الفرگتك زايد بكلها ينهي الجنة عن آهي بكلها
لابس اببعض روعي بكلها فديتك ليش خنت العهد بيّه



مَرْمَتَصِل بيّنه مرهمنه لطفك يمن عطفك مرهمنه
أقداح أفرّاح و صلك مرهمنه حتّه ابراحها نسكر سويّه



العليه أصبح جنّه الواشين يرگيد
او تچوّه ابفرگتك لا تظن يرگيد

أَسِيرُ أَجْفَاكَ وَاتْرَجَّكَ يَرْغِيدُ
أُسْرِي وَلا تَشْمَتِ الْوَشُو بِيَّهْ



لَا هَالِيَوْمَ يَا نَاهِي وَلا مَسْ تَمَائِلُ طَوْلِكَ بَغْرِبِهِ وَلا مَسْ
إِذَا مَتَجَسَّ نَبْضُ شَوْكِي وَلا مَسْ غَرَامُكَ رُوحَ مَا تَنْتَعَشُ بِيَّهْ



أَبْجَرُ هَجْرِهِ الرِّشْهَ غَثْنِي وَلَبْرَادُ
بَعْدَ وَنَشْكَ دَرْعِ صَبْرِي وَلَبْرَادُ
تَوَدُّ أُمِّهَ ائْتِغَرَّبْ لِي وَلَبْرَادُ
بُعْدَهُ وَبَعْدَهُ غَضَباً عَلَيْهِ



أَعْرِفُكَ بَرَعَ خَلِّ غَلِي وَرَعْبَاكَ
أُدْرِي مَنِينَ إِجْهَ خَوْفِكَ وَرَعْبَاكَ
كَلَّتْ لَهُ مِنَ الرِّشْهَ الْكُتْلَهْ وَرَعْبَاكَ
السَّبْنُ سَلْبِنُ شَعُورِي وَزَرْنُ بِيَّهْ



التَّبَعُكُمْ طَيْرُ شَوْكِي مِنْ شَلِيْتُو دَرِيْتُو أَشْجَرُ حَبْدِي مِنْ شَلِيْتُو
أَبْنَبِلُ عَيِّ الظُّعَايْنِ مِنْ شَلِيْتُو حَشَايْ أُمْسَه الرَّدَه نَاصِبُ عَلَيْهِ



لَوْ لَوِ انْرَمِي وَبَحْشَايْ مَيِّتْ سَهْمُ وَوَكْعُ شَبِيهِ الْوَكْعِ مَيِّتْ
أَنْطُ بَسْ أَسْمَعُ أَيُّغُولُونُ مَيِّتْ أَبْشَمُ خَدْمِي تَرْدُ النَّفْسِ بِيَّهْ

عسه العل بالنوه غلبي لعلّه
 و عسه الحادي الحده بصوته لعلّه
 من يمي الظعن مرّه لعلّه
 قصده ايشب ضرام القهر بيّه



يرن خلخال إلك بالرجل و يدين
 ابصوارم فترك طبرت و يدين
 الجبدي المن ضرام اجفاك و يدين
 معينك يالجبينك سطم ضيّه



افراگك يالرشه لچلاي ورام
 اسلبت عگل العرب والعجم ورام
 يرش رشاش لحظك نبل ورام
 وصالك شاف بس حتف المنّيّه



افراگك للچبد يالولف فتحين
 شلت يلچنت أگلّك رجن فتحين
 الي افتح باب صعب الوصل فتحين
 مبین و لين و تعطف عليه



لا تعبس ابوجه الضيف بلحاي ابضيفك يافريضة عبس بلحاي

لحظه وداعتك ما نمت بلحاي أظل ابشوگ عبله العمل بيّه



وهو ازغير سير شوگه بحالي

الرشه و شو غدر من تالي بحالي

يَبْدُل ريت مُر هجره بحالي

عسل كاس اتصاله و يمر بيّه



ابجيتك مرحبه و مية ألف ياهيل

يورد الرازقي الضوّعت يا هيل

أودّك و ود كل وكت يا هيل

حبيب اتجيب طيب الوصل ليّه



شوفي الصبح ميشوفك و ليراك

ضعف وشلون ما يضعف و ليراك

الغده يسحگ عله احساسي و ليراك

عله أنفاسي عذولي الشمت بيّه



أود دوم أنظر الجيده وريده و ود شم و جنته و شمّة وريده

آلهي اشگد أود ناهي وريده يدخله ايزورني و يعطف عليه



إلي ناهي انتوه جعوده يفلها و ظن ظلمه الضحه يغدي يفلها

ما وردت فرس شوگي يفلها بريج اسهيل خده اللمع ضيه



يگلبي المحتمس چنت أمس يمرض

او كل گلب اليفارج شمس يمرض

ظعن ولفي ايمدگة افراگ يمرض

اضلوعي توجرت نيران بيّه



بات ألم النوه ابچيدي و ذاهب دليلي و للولف ماشي و ذاهب

ابلطافه رقت اعطافه و ذاهب هوه ياثر ابوجناته الزهيه



يحادي البالظعاين علي مزيت الريجي الجان أمس معسول مزيت

حن حته الصخر لبچاي مزيت يحن گلبك يحادي و يرج ليّه



مظن بعد المشه يالگلب تلهب

رشه و بگصه الحشه نيران تلهب

جذب روعي الحبيب الراح تلهب

زعل و جعل مرض تهلات بيّه



يلتثربين بچفوفچ لهانه قوامچ هز غصن بانه لهانه

أشمچ مقصدي و أمچ لهانه گلت يانه العريضي العمل بيّه



من ويدك يلسمر نبت سَلَب جبدتي و للصبر فرگاک سَلَب
عن سر حبك البحشاي سَلَب حشاك و عيد عيد الوصل ليّه



رجاي ابلحد هجرانك و ريته يمن مارج لظه بگلي و ريته
طبعك غدر راواني و ريته الصبر ويضه الوفه المنطبع بيّه



او صفت طول البشوگه انعجد بلواي
ابرمحي العالي المياد بلواي
ابگلي المشتعل بچلاي بلواي
ابحشاي اعجدت حبه و غدر بيّه



يلتمن علي بكتابك عليمين اباياك واليود يغفه عليمين
وده و هاي إلك مدّه عليمين عفتني و ما شفتني و خنت بيّه



ما يحصل مُحِب بالسلف ينهل
رشه المن شط حچي العذال ينهل
ابحرگه الدمع يوم شال ينهل
دمه و فرگاه يثر مرض بيّه



اويه ظعن الشال أمس مني و لفراح
او خذه و ياكل مسرّاتي و لفراح

لَوْن مَيَّةْ گَلْبِ عَندي و لفراح
و خذوهن هله إِن چَان أَهون عليَّه



يَناهِي اموادِڪ لِعِضاي ضِعْضاع
اِحْمِسْتَنِي اَنشُد لِساني الفِڪر ضِعْضاع
بِهَداي اعله گَلْبِي الواي ضِعْضاع
يَدِڪ وَرْجوك بُخ ناره السريه



حَبِيبِي الما رَضِه اَبوِصله يَسْرَنِي
جَفِه و بَقِيود چَتَفَنِي يَسْرَنِي
عَلِه چَفْتين شَط شوگه يَسْرَنِي
و گَلت يَرْجِع لَچِن ما رَجِع لِيَّه



اَنحَصْد زَرع الرَجِه اَمْن اِهواي وَنحاش
الوَعْد يَبْدِي الضَحَه هَلِيوم وَنحاش
عَلِيَه اَشْمَا اَلَح بِالوَصْل وَنحاش
يَگُول الغَدْر طَبْعِي وَ غَدْر بِيَّه



اَنوَجِيت اَبْلَظَه وَدَرِي وَجِيمَن
رَشَه الخاف اِچْمَن اَبْدارَه وَ جِيمَن

أمر مَنْ وين أروح المن وجيمن
من ايسد باب داره و يخل بيّه



ما يوم الإله حبّيت حبلي عجدت حبل المودّه و گطع حبلي
ما مر ما نثر من يعت حبلي و لا بخ نار عطشي بسُعن ميّه



شجسها اشلون المسها شمسها
التشع أنوارها و تحرگ شمسها
شمسها اشيومها هاذه شمسها
اشرگت وكت الضحه وكت المسيه



ها يذبل يذل الغلب هاذل ابصدودك ياليلي تميت هاذل
يمته اتمر و صيحن هاذ هاذل هذل شوگي و نساني و غدر بيّه



المنصاب ابلحظ ناهي و لا صاب
النوه چبده و يبس دمعه و لا صاب
أبد ما ينحسب عاشج و لا صاب
الصب لِنصاب بمشقه و أذيه



يناهي اسيوف غدرک لا تسلاها
و چبدتي ابگطع و صلك لا تسلاها

الخلگ عن سبب مرضي لا تسلها

انتہ انتہ الشتلت المرض بيّه



يگلبي بات بسقامك و لامك

احمسك خل مامسك عذله و لامك

لا طرّفك وصل و لفك و لامك

تحل طرّفك بمل بس همل ميّه



چنت مشبوگ بسري و حصل خلفاك

اقيودي و هرولت يا ترف خلفاك

خل اتجسني ابعطف يمناك خلفاك

يساگيني اللمه الببي سكر ليّه



من هجرچ يسلمه الغلب هلاي

و عليچ من المحاجر دمع هلاي

مغيچ بطه و طول ليش هلاي

دشرگي بعجل يا شمسي المضيّه



بوجهي الكال أزيح الغسق ويلي سباني و بالحشه چانون ويلي

يصير من الغزال انهزم ويلي ونه الينلاذ يوم الرعب بيّه



يناهي ابعگك الراهي و نبلاك ارحمني و دكع نشابك و نبلاك
هلك عزمو عله الشيله و نبلاك اشلون اشلون يهنه الوكت ليّه



شرك شوگ الهوه العذري يذبّه و مرامه اببير تعذيبه يذبّه
يصلينه الهوه ابيمره يذبّه و يَمَوْع اچبودنه ابناره السريّه



عله راسي العشري اشنفع شبچاي
و عله الراح اشيفيد الدمع شبچاي
ما صاد اليوده الغلب شبچاي
انثرت حَب حُب وفاي و غدر بيّه



حرگتني انتّه بلظه فرگاك و نتل
نقلت انياط گلبي ابزعل و نتل
أبگه اعليك أون يالولف و نتل
حزينه الفگدت العشره ضحويّه



جروحي حار دكتوري بشدها
شديده و مبتلي گلبي بشدها
عد شدهه الدوه و فكري بشدها
انشده و تلوم خلّاني عليّه



و حگ طاها العله جاها بلاها كلام اللامني ابناهي بلاها
روحي ابحب ظبي شوگي بلاها اصطبي الزي هالظبي ياللمت بيّه



العازل ظن مثل ليلاه ليلاي عذلني وحب يحط بالگلب ليلاي
ابليل جعود ليله و سهر ليلاي احلفت ما عوفها اليوم المنيه



طَرَقْتُ الْبَابَ حَتَّى كَلَّمْتَنِي وَلَمَّا كَلَّمْتَنِي كَلَّمْتَنِي
فَقَالَتْ لِي أَيَا اسْمَاعِيلُ صَبْرًا فَقُلْتُ لَهَا أَيَا اسْمَاعِيلُ صَبْرِي^١



طرغت الباب حتّه كلمتني و بعد ما عيز متني كلمتني
ابموس الحجي اليجرح كلمتني اسمه الما مهت بالوصل ليّه



اسمه الجاوبتني اتگول يسمه عيل ابجو صبرنا العشج يسمه
گلت الها ابودادچ خلص يسمه صبري و بس بگه النگاد بيّه



كُلَّ السَّيُوفِ قَوَاطِعُ إِنْ جُرِّدَتْ
وَحُسَامُ لِحْظِكَ قَاطِعُ فِي غِمْدِهِ^٢



تترف بمواصلك ليكون تنسل

دریت ابچبدته من جفاك تنسل

السيوف ابضرب تگطع حين تنسل

و شَبَهَ لحظك ابغمده و فتك بيته



يروض الشوگ أودنك و حبك و ود مايك الينعشني و حبك

امعرس بيك الي مبني و حبك يحب امواصل و يستسير بيته



مثل گلبي مظنن گلب ليلاك و لا مثلي اسهرت يا قيس ليلاك

لا لتظن مثل ليلاي ليلاك و لا شوگك كشوگي العمل بيته



ابلوم أهلي بلاني اهواك وبلاك ابهلك يا ريت لا أم إلك وبلاك

إلك ما ترهم بليائي وبلاك حياتي وداعتك تصعب عليه



﴿ باب الحكم والمواعظ ﴾

العارف يلبس المعروف للشال و عن اليارالسفيه الفضل للشال

اليفتگ لا تحمده الحمد للشال الفتگ والشال هم خله و خويته



لخوته البني يعين اعليش ميعين
و عليه اشلون أخوه البعد ميعين
انكشف غدره الجفه و هالنشف ميعين
الوفه و أمر النّفه يصعب عليه



ابعطف خل نفسك الصعبه ترجّل
سواها و عن فرس غيها ترجّل
ما تزغر تره تكبر ترجّل
ابنفس متواضعه و سمحه و أبيه



لسان انسان الأحمق دوم عثار ابتليت بثور چيف اعتمد عثار
ابتكل ينصح لسان العگل عثار ابطفه و حلك بسبگ جهل غيه



أجمده البالعگل ينشار وشار اشكره و أكره الشرير وشار
أود كل من الحش الخير وشار منايل سوء يتدهده ابهييه



قبيحه أفعال بعض الناس عفنه اللّمسها بيوم مسها الجهل عفنه
يخل عن صحبة الما يحس عفنه أود خلنه انصاحب البيهم حميه



الغزال الغازل ابشوگه مغزله و غير غزل الجذب دوني مغزله
الجهل كسّرت بگماطي مغزله و هرب بسفاهته و ما گرب ليه

جسر عمرك و لو هو كصير عبره
 بعغل وأسجب عله أهل الجهل عبره
 من أفعال الدهر يتخذ عبره
 غدر بالشرعبت بيهم حميه
 ❀❀

حبُّ اليزرعه المجد ونوا دصير و صير غيم الكرم ونوا
 صير إن سار لجلك ظعن ونوا عله الفرغه اتغدي بكل سلف ليّه
 ❀❀

لتخص بالعطه و بالبذل عمّه الكريم انود أبو و انكرم عمّه
 يجيب ابن النجيب الشهم عمّه انسأل و يجود بجفوفه السخيه
 ❀❀

كلت للظل وره و ما جدم جدمه
 ابعل جدمك بساحة مجد جدمه
 الشهم دوم ابسواني الشرف جدمه
 ونه و ما راغ عن درب الحميه
 ❀❀

الدنيه خلّت أخطلها بطلها
 و عله الحگ دوم متجدم بطلها
 اهيه الي علي بخلت بطلها
 اشلون بغيثها تهطل عاليه
 ❀❀

يمبطل غث رجال السلف بطلاك

ارتضاك الخان عرضه و سكر بطلاك

عسه خنجر عدالة بطل بطلاك

بطن كبرت ابأكل البطل هيّه



ابچف حُب دوم خل ينتثر حبك او خلي بكل گلب ينزرع حبك

بالگطعو دخل يتصل حبك و لو مسوك من سابج بذيه



الأديب ايگول أنه شعري و سامي

او علم فضل العلم عالي و سامي

الناس ابلقب ما تعله و سامي

تعله ابفهم و بتقوه و حميه



يخو خلي الهلك سموك دلي

على الخير أشرا بمعروف دلي

نخل خيرك الغيرك دوم دلي

اعثوگه ابچف سخه و بسمه و تحيه



عابوك الأخله و غدت خلّب

جنابك ياسحابك صبح خلّب

ابصحن جذب الترسته اگشور خلّب
اليچذب رذل مكروه السجّيه



يشيخ الحيّ أود اتگول حيّي وعيّته وحييته و صبح حيّي
بي لو بيه حيّا المجد حيّي يخيّي و صبحه أبأجمل تحيّه



التراده ابمرض علّاته وفاته
انتها و كلشي خلص منّه وفاته
اشيعمل بيه لو غربت وفاته
وحده ابظعنه الضحي حادي المنيه



ما ظن الجرح مهضوم مسلاك صبع يلّي اتّخذت الجهل مسلاك
أسلك لا تظن وياك مسلاك السلوك اويالغبي يصعب عليه



لذلّ أبدا لا تخضع بلسمه ابإبائه و جرحك العزّه بلسمه
ما مات الأبّي واللّه بلسمه حي و بخير تطريه البريّه



دوم أمكم يهاالأولاد وبكم ابعللكم باتو ايفكرون وبكم
ينشفون الدمع بالتهل و بكم أسّه و بكل مسه ليّو سويّه



الأسّه اظعون المصايب مرهمته ارياگ أهلي المرّت مرهمته

بعد هيهات يرهم مرهمته إذا ما كل أخو ساعد خويته



يلتصّر بالفلس و شنفع هصار البيك الجنة أظنه يصير هصار
الچفك چف غدر دنياك هصار او تفل چف بؤلك چفوف المنيه



يلتصّر بالفلس و تعبت بصار
الصر ضر مانفع للأسف بصار
الفكد شوفك الصر ميصير بصار
المرض ينزاح بچفوف سخيه



صحت يوم شلت شلي بخلي
بحنانه و بسمه احسانه بخلي
البخل ماريد المسنه بخلي
و صديجي و صاحبي و ياري و خويته



الحي البي يحيي المجد خطبه و رفض حيك البس خبث خطبه
شجر ذل الجهل بالعجل خطبه نجس حمل اليمله و نحس فيته



يخل جل مشكك كل وكت بدراك
و دخل يكبر بسنبل فهم بدراك

الذلّ تجنّبه و خل يشع بدراك
باء بائئة نفس و بعزّه و حميه



عله هل الشرف دوم تصير شدّه
انتخي و لتگول شوف الجرح شدّه
زند عزمك بطود الصبر شدّه
و ترده الحلم و تحدّه الأذيه



اهنا دسچب يها المغرور عبره و من هاي الغيور تّخذ عبره
أنصحك روي بحر العمر عبره ابعگل و خلاق و مروّه و حميه



يلّي تزور گبري تّخذ عبره منّي و دسچب بكل حزن عبره
بحر جهلك بمركب عگل عبره و عمل زين لا تعمل رديه



ابخل مرض الجهل داويه فصحه
و من الطيش العماك انتبه فصحه
يشين السينة كل الناس فصحه
ابشتم كل غير مذموم السجيه



اصطبر يالدهرك بجيشه درعلاك
و حشه بنيان أسه و محنه درعلاك

أبعزم درع الحزم لبسه در علاك
و دتم حُرْ شهم محمود السجيه
❀❀

الكلامك لو ردت تحقيه فوزين اليلفظ دوم درّ اللفظ فوزين
تفوز بمنطقٍ معقول فوزين عظيم و بيك تتباها البريه
❀❀❀

﴿باب الأجماتيات﴾

چلچل غيم ضيم الغلب ميروح
او چبدي ايموس أسه الما وفو ميروح
عله يمر الجرح صبّيت ميروح
صبري و شب ضرام القهر بيّه
❀❀

ويه خصمك ابصارم عزم ويهه
و لظه نار القره ابچف كرم ويهه
انحمدت كل جياذ المجد ويهه
اركبت صيتك يشع بالفخر ضيّه
❀❀

ماشت لك ظعن يا للمت شتلي او تگلّي اتلي كتاب الصبر شتلي
الخييث أصبح يعيث بثمر شتلي حلالی و حرّمه الباطل عليّه
❀❀

يملّه اكشف اكتاب الشيم فقره
 او عسه الظهر المجد ملتوت فقره
 اعتقد ما هو الفقير الكثر فقره
 الفقير الما ملك نخوه و حميه
 ❀❀

علي جور الزمان ابغنف يملاي
 الجربتي من جليبه العفن يملاي
 ابو حل دمع المحاجر برك يملاي
 و نهضته بغير أخو تصعب عليه
 ❀❀

سيف إلسان الأحمق فتك و بطيش
 ابنفسه و چي مشه بغرور و بطيش
 انعرف بسفاهته و بالجهل و بطيش
 جربته اعله السراب و فگد ميه
 ❀❀

كيف انتّه أصبحت بعدي كفانه من ابتعدت عن الاخره كفانه
 يصاحب منك اليانه كفانه يكفي المن جنابك حصل ليه
 ❀❀

حچي الحگ شو غده ايبز شبه سلّه
 و حچي الباطل رطب و ببطن سلّه

الي فهم ليش سيف الجذب سلّه

و مله كاس المذلّه و شرب ميّه



و حگّ الجعل بعد الضيغ فرجه

الشريف الصان عرضه و حفظ فرجه

لّون ترجمه و تريد الرحم فرجه

الكريم الفاض كرمه و شطر ميّه



و حگ الصمت إله طاعه و صليّ

الضحه امن نخيت ما صاحب و صليّ

يظل معجود بالغطعو و صليّ

ابسبب طبعي الوفه و منطبع بيّه



انحصد زرع الوفه من الربع يلتام

العن شرهم بعد ما بعد يلتام

جرح خُلف الأهل هيهات يلتام

اجرحوني و ما يصير علاج ليّه



الفقير المفلس الما ملك شيبب يمنتّه اشيشتري و للأهل شيبب

گلت للگال أبو العشرين شيبب الطفل هاليوم شيببته الرزيّه



سهر ليل الشته المسچين حيّه
و يون چالگرصته من الرگط حيّه
يا هو الساعده و من بيه حيّه
و إله مینهو الدنه غير المنیه
❀❀

الشهم لوح اببيرق عگل وشر
عله الجابع ابليل الجهل وشر
ابسلف گومه النشر شر فعل وشر
بغض خلّؤه يتدهده ابهيّه
❀❀

عن عذلچ يلتعذلين بطلاي
اصبرت حتّه اتسع بالچبد بطلاي
السفكت دم هلي عزّمت بطلاي
ترز خنجر غدرها و تحز بيّه
❀❀

لا مرعه ابصبح حظّي و لابل الظماي الدهر ما روّه و لا بل
بلاماي الشجر يخوه و لا بل ربع نخوه و تسهل الصعب ليّه
❀❀

بس الله بعظم بلواي داري من حل الثقيل بكسر داري
يگلّولي الجار السوء داري اشکثر داريت جاري و غدر بيّه
❀❀

العشيره اتميل للشدها و مدها بعطه و تم زودها الطامي و مدها
ابفهم لين مصاعبها و مدها جسر فوگ الخليج الطفح ميّه



العشيره الدوم بس تگضي و طرها
بسفاهه الجهل طشرها و طرها
عماد اوجود عزّتها و طرها
العگل ليشيلها الهام الثريّه



الرعيه يسودها الداوه و لمها البخيت الدوم جمّعها و لمها
الما تتوالم بعگلّه و لمها و هده جهّالها الدرب الحميّه



النظيف الما وكت تلگه و ليفه الكسيف الما نزع كربه و ليفه
اللطيف الزين أمدحنّه و ليفه موّدّه و دوم وّدّه انطبع بيّه



اشملحالات تتغيّر و لوضاع اميين زلمة العالي و لوضاع
نزرع طيب عادتنه و لوضاع عند ارجال ما عدهم حميّه



أزيل اشلون أذه حالي و خلّي
بالي و گل عطف خالي و خلّي
الهضم صاحب وفي يزيحه و خلّي
يسل غدارته الخلّه و خويّه

طبرة سيف هجر السر و بلهام
 غدت والليل أحيّه بحزن بلهام
 على الحادي صحت و صرخت بلهام
 ابيا وادي سرت و غطعت فيّه
 ❀❀

چيف اسئم مجالسكم و ملكم و چفي بلطف ترحيبه و ملكم
 بأمركم عد حسن ظنكم و ملكم أنه و حبكم فرض واجب عليه
 ❀❀

مضيف امحبة أهل الحسد حبه انچفه و بيدر چذبهم خفگ حبه
 الفاهم كل فتى اليفتهم حبه او يبغضه الجاهل اليبغض خويه
 ❀❀

ينبت بس براضي الشرف منبيت
 تقى و بيت التقى اشمحلاه منبيت
 المولود الشهم ينولد منبيت
 كرام أشراف أهل نخوه و حميه
 ❀❀

بالعز يخل خل تعله درنه
 او يدخل ينغسل بالغيره درنه
 الضيفك هاون امضيفك درنه
 ابسخه و چلمة هله و بسمه و تحيه
 ❀❀

چالگرتاس گلبی او وگع بلمای السرو مستخبرو ما درو بلمای
علی ادوانیجهم مالک بلمای شله من دون الدوانیج بیه



یخوتی انهارت أعصابی شفیها وگل یا عارفه اجرّوحی شفیها
شطر زورة مَحَن دهری شفیها امن أطرها اطرور اسه تتسع بیه



ذبل سدر السعاده و یبس نبگه
ابیحر مشکل الیرکس صعب نبگه

المته ابذل هالزمان الشرس نبگه

ننوح امن الأسه و ننصب عزیه



ترسنه ابعمل باطلنه وعانه
و سكرنه ابطيشنه و محد وعانه
ابمجنّته الوگع من یاله و عانه
ابمَحَنَّتَه و زاح مشكلته ابحمیه



خَلَقَ اللّٰهُ لِلْحُرُوبِ رَجَالاً وَ رَجَالاً لِّقَصْعَةٍ مِنْ ثَرِيدٍ



أَبَاتِ النَّفْسِ مَا لَبَسَتْ خَلْقَهَا وَ لَا بِالْمُوزَمِ ضَاكَتْ خَلْقَهَا
أَرْجَالٍ لِلْحَرْبِ رَبَكَ خَلْقَهَا وَ رَجَالٍ الْقَصْعَةِ الْمَثْرُودِ هِيَه



حمد يا خوي وصّانه ولدنه نود ويد الوغه و بيضه ولدنه
على الضد صول بين أمي ولدنه ابعزم كسوره اليه بالثنيه



شبا الفتنة ابرده الفتني و سنّه و بدع شر مشكله ابفعله و سنّه
ابمواضي نبش عالماضي و سنّه و شعل نيرانها و باتت سرّيّه



أود أعجد حبل وصلي و ربعه ابفتي البي فاحظ الغيره و ربعه
حي حيّ المجد يبكه و ربعه يفوح كرم و مروّه و حميه



ابرفس دهري التعس لعضاي عيّب
و عليّ النام ليله ابرغد عيّب
مغبره اكل وكت دنياي عيّب
سماها و شح وفاها و زرت بيّه



المحن صبّحن و بشرهن لفني ابملّف مُشكلة بلواهن لفني
لا وغيي و كُثر سعيي لفني انفعني و لتّصعب سيهل ليّه



عسه لا يصبح الأحقق يرته لجوجي او بالصخر راسه يرته
نراله المصلحه و هوه يرته الضرر و انكره بخلاقه الرديّه



عله أخشن حسج ذلّه يرهمته الوكت والخلگ يارت يرهمته

الجرحنه اشتظن مرهم يرهمنه اذا منعالجه بغيره و حميه



ما ذميت للأشمل و لهجيت

و دوم أحجي بسخه النشمي و لهجيت

البخيل المن تعنيته و لهجيت

غلگ بابيه و سنه منفتح ليّه



يصعب عليّ يوم البيه ما راک

يخلي الطود صبرك صعب ما راک

الواجب أرتوي من جدح ماراک

ابشري شريك عسل ينمزج ليّه



يعليک اعتقد ربک علملاک السمه يالالتقى يخفج علملاک

ابعلم الدين لو يكمل علملاک اتغدي ابمعناک تتباها البريه



يصاحب شد عله غويک و عنه او نوي صوب خلانک و عنه

الظل يتنظر الغيره و عنه سأل خل نوصله گبل العشيه



السلف منظور بي قاده و ساده ابفرسانه ارتفع شانہ و ساده

خله الغز حدر راسه و ساده او فرش زل مفخره فوگ الوطيه



اجتمعوا من زلم هالوكت شله و لا بالزاي خيطو فتگ شله
الما شل شگ محنة السلف شله ابدعوته و يدعي شيخ الرعيه



و حگ أهل العبه الخمسه و ربهم
اسفها البرحامهم غدرو و ربهم
رأو مني الوفه الصافي و ربهم
تجافي و غدر و مشقه و أذيه



عن هالدار أشيلن غصب و براح
مثلما خل مشه و عم رحل و براح
أعض صبع الندم تميت و براح
أدگ الراح و رجب للـمنيه



غرس إخلاص و دنا الثمر منما بعكس زرع البكه منحرم منما
من ما ساعه أصد لك أجن منما أشوفك نار أحس تشتعل بيّه



الما فل چف سخه و بالضيف حيّه
عسه تلدغه الضحه من الرُكُط حيّه
يصاح أذن اببسمه و صيح حيّه
عله أهل الكرم والعدهم حميه



أخوي المرتبط ظهره و لنشد الظهري عليه ما أعتب و لنشد
بمَحَنِّه ما أمدَحَنِّه و لنشد شِعْر لليغدر بخَلِّه و خويِّه



ما هَمَّتْني قيودي و لسراي
أشْم طيب المجد غبِشْه و لسراي
بلا خمره و رشا و گمره و لسراي
ازدهی النادي السطع بالمجد ضيِّه



خَفِّي من المسير نَگَطع شسعه
و من اتَجَوَّه الجدم و نصدم شسعه
رحل ظعن المجد لديار شسعه
اشأَلْهْگه و وين أحصله و يصح ليَّه



نود للموت الأغبر ما يمرنه هرب ما شرب بالعز ما يمرنه
ضميره بعين غيره ما يمرنه الفقيره و يوم ما ساعد خويِّه



وين الزين حتَّه ننوح عزَّين و عله الشين الشيم والقيم عزَّين
المكارم للسُخي المفكود عزَّين و بچن للوگع بمعاره حميَّه



جَرَح لحشاي سيف القهر و لَام و نَزَف هَم والأهم العِذَل و لَام
اكتلني السين يا ياسين و لَام بشراييني جرن و وجرن بيه

الي من كتابك التهلات وصلين
و دمعاتك چون للقلب وصلين
عسه وصل التريده يصير وصلين
بفرح و مسامر و گعده هنيّه



الشرس چالثور من يعتمد عثار و لسان المايحس كل وكت عثار
لومي و لوم كل البشر عثار بغروره و ظل يغير بجهل غيّه



ابعزف منزاح همّي و بنيانه قهر بحشاي أسيّس و بنيانه
بونتي المن محنتي و بنيانه و هلي و ياري ابتليت اشلون بيّه



البخيل بچف بخل روعي مردها
و هديته يكون أرجعها مردها
هدية الشهم مقبوله مردها
بسبب بيها الفخر والشرف ليّه



و لو دهري الجفه طوبه عليداي
و بگيت بحال أسه و هايچ عليداي
أجيك ياالصديج احبي عليداي
إذا چلن اجدامي و زرن بيّه



بحضن عز يا وليد المجد دربه
 اليبغضك غير درب الشرف دربه
 بحر جود أهلك الموجود دربه
 شطر فوگ الرواسي العلن ميه



ما جبّه و أسبّه و كون ينساب
 اليكرص صاحبه و چالرگط ينساب
 ابّر اقفر بسبب ريت ينساب
 و تفرسه ذياب بنياب المنيه



اللّياي العظّم شخص الزين خوآن
 الدهر مخصوص ويا الشهم خوآن
 لا تحسب أخوان الطمع خوآن
 الأخو البي تنوجد غيره و حميه



السخي من العرج عود البخل يمه
 و منظر بالبر سحابه و شطر يمه
 يودّ تحط جميع العرب يمه
 و يمد سماط كرمه على الوطيه



مُديم يسيل شط همّي و جاري
و الوي من أخوتي و خلّي و جاري
أداري اليا وكت جاري و جاري
حجي ضدّي الضهدني و عمل بيّه



ضغطتي علي يا دنيا و جرتي
اشچم چانون أسه بگلي و جرتي
ارجعت عطشان من شطّج و جرتي
انملت آهات و مشقه و أذيه



يدنيا مشيتي بضدّي و سرتي
بعكس قصدي و قصد گومي و سرتي
سلبتي الكره من عيوني و سرتي
ارتياحي و گرّبيتي الحتف ليّه



ابجذبه الرضرض ضلوعي دهني
بگرگته و دخت من حچيه دهني
دواهي مصاييه غبشه دهني
بطلايب باطله و عركه و أذيه



الياري الما وصل داري شولي
 العليه الجهل متولي شولي
 ابأذه لابس شوه چبدي شولي
 جره بشريان گلي و عمل بيه



حظي بجهل جيرانني و هني
 العنهم شال أبارچله و هني
 صحت يالمنكم فوادي و هني
 جرعت سم كاسكم غصبن عليه



عدنه الفاض بس الغدر والفاض
 الوفه و خاض الكهل بالجهل والفاض
 الزغل للخلگ كالوكت والفاض
 النزه ساحتہ و خطاء خويه



چيف تشم عطر للمجد ينفاي و سلبني الجهل للايجاب ينفاي
 ابساعد و بمساعد ورع ينفاي البحر بالمشاكل طفح ميه



الجاهل دوم مرمرني و ذاتني الفرق معلوم بين اذنه و ذاتني
 لوحني چا سمع صوتي و ذاتني و لاكن بيه حل داي المنيه



الذي بقلبه وحشا نيران ويّن عجب لو راح منه العغل ويّن
نفتك من فرد هم وكنت ويّن اهوم البيهن حتوف المنية



اتخسه وجوه العسم ما يوم بشّين
اششفت غير الطباع الغبر بشّين

اللئيم يريد يسكي الزرع بشّين
الزرع يعله بسحاب الهطل مية



الدهر ما يوم فرّحنه و سرنه
وعله أرض الجسج مشّانه و سرنه

ابسلاسل يور كيتنه و سرنه
و مرامه يگودنه الحتف المنية



شرب شخص العله الذل كعد علگام
المجد أشّر بيوم ابتشر علگام

اليريد العز يصول بغزم علگام
و يعرّب زلم بجفوفه السخيه



يهدأ چيف دلّالي و ليلاي
و چيف بگه اسلف فتنه و ليلاي



الصديق ايگول لي علتك شفيها
ابصبر گلت الصبر مُر شرب ميه



ابمشاهيم المآسي الدهر شبنني
او هدم بيتي البنيتيه ابمجد شبنني
شبن عمي اشأخوي البعد شبنني
اشصديجي الكل جفو ما وفوليّه



بتت يتعثر بشجوي كلاماي او بس آلام المطبر كلاماي
النادي غرگ والوادي كلاماي غده من سيل دمعي السفح ميه



شهدن لا رمح بيدي ولا سيف او تهلس ريش جنحاني ولا سيف
على العدوان مالومن ولا سيف ألوم على الصديق الغدر بيّه



احترگ روضي و تمرّض ورگ ورداي
و مديم أكلي المآسي وقهر ورداي
عجب چي ما پوي ارداي ورداي
لبسته على اللظه التستعر بيّه



ابيمر آهي الغلب والچبد ماعين
او بگيت اشمرد اعين الربع ما عين

شف مَي شوف عيني و نشف ماعين
مَعيني و لا مُعين انتقر ليّه



اليشبه سيل دمعي السال يا سيل
او مثل سَلّي النشب بحشاي يا سيل
احترگ صبري و حرگ كل ورگ ياسيل
رجه من أحباب گلبي الزرو بيّه



اصفنت من گالو أهل الطرب دفنه
اندفن صوته و صحت مو وکت دفنه
اصرخت يالْعمر مُر تَمّيت دفنه
الحياة الما تونسك عدم هيّه



شسله اخلاف مجدي الرحل شلهه
و گلمن فكري الغرگان شلهه
أخوي الما اجرّوح اچلاي شلهه
لچمها و شك سِهام الغدر بيّه



بالدم سم عسر دنياي يسراي
ابعلل شل يمنتني و ذل عزم يسراي

من زغري انطحن ونسحن يسراي
ابرحة ضيم عسري العمل بيته



يدهري الما وكت ضيجي فريته إلي وچبدي ابشبه المحنه فريته
ابعكس ماريد دولابك فريته إلي و شتريد تعمل بعد بيته



يعيد بعيد أريد أغدي و هيمن
الأسه اتسيطر عله أعصابي و هيمن

اسرتك لنتمي الها و هيمن
هلي ما ساعدتني او وفتم ليته



شجرة دوح مأساتي ورگها ينوح اشما هوه حرّك ورگها
جعل مرض القذه بعيني ورگها مراري الهدم عز داري عليته



الدهر بچلاي نيرانه شجرها او رشن فالتة ابچبدي شجرها
ابعدد ورگ الزهه ابعالي شجرها عدد نبل الأسه المشتبج بيته



جهلك ياأخو تدري شعلّي عل چبدي و لظه ابگلبی شعلّي
شرفع سور عز عزمي شعلّي مدام إتوگّع المرتفع ليته



أخوي المنتخه و لا حمل شلي و لاضمد اجر وحي و جرح شلي

شَلِّي ابصحبته و ممشاه شَلِّي بخو الما يوم عَصَب جرح ليّه



يدهري الما اخوتي اسعدت لو لاي

اشيهمّك گلبي المحتمس لو لاي

هَز مهد النغل و عليه لو لاي

حتّه ايصير عالوادم أذيه



رسم خَل بالسلف يبگه و سملك

او دخل مدح الخلگ يغدي و سملك

ابكرم لو و ابل الوسمي و سملك

ينشگه المجد و تشبگه الحميه



الچانون الأسه الشبني شيبني

الدهر و آنه بحسچ مهدي شيبني

ابفاسه الينهدم باسه شيبني

اهدّمو باسي اخوتي الما وفو ليّه



شيسوّي اليغص والشرگ بلمه

او ركس بمواج بحر القهر بلمه

وشيعمل الظل يحترج بلمه

او علي شح صاحبه و گصّر خويه

إنعجدت مشكلة روجي شحلها او حرام اتلجّم جروجي شحلها
الفرحه الغدت مفغوده شحلها او شحلها بدار حزني النشب بيّه



چن ما چانت بگلبي فراها او بعد ماظن تجي صوبي فراها
چبدتي ابحين أسه دهري فراها ابرمح هم لم جميع المرض بيّه



أبات الليل بس ام طوگ يا ريت ونيني و ريتها لا تون يا ريت
ما هو دمع تيري العين يا ريت دمه و ضيم السمه يمطر عليه



مريض ابجب حضيض اليأس ورقاي

صعب و تنوح مثلي بحزن ورقاي

اكتبت بعض امتحاني و خلص ورقاي

الحبر دم ناظري و شف بحر ميه



تهلّس سبگي شرتفع وسمه

و ظهر شيبني اشأصبغه بصيغ وسمه

شبابي انسيت رسمه الفات وسمه

شبه نسمة الأمس مرّت عليه



عليّه اسهام يا دنياي تحتاي

اجروح اچلاي بلسم صبر تحتاي

حسچ و صريم فوگي و يمر تحتاي
وَلَصْعَب لَوْم اليلومون بيّه
❀❀

حرج گلبي ابلظه جوره و ذابه الدهر و ببحر ذل تاحه و ذابه
اجيت أستنجد بخلي و ذابه كحالي مجتف بمحنه و أذيه
❀❀

شصفج يمنتى بيسراي شفراك
او شگل چبدي الفراه الوكت شفراك
من گد ما أصب الدمع شفراك
مني و حار مسره الجدم بيّه
❀❀

عليه و حگ علي ما مر و كتمه ألوي و دوم أضم سري و كتمه
ما صب دم جفن عيني و كتمه يموع انسانها و ينهمل ميه
❀❀

اليتمه أطحن اطحين القهر برحاي
و يهب اسموم سم الهضم برحاي
ابصبخ حظي اشتلت من غصب برحاي
و سگيته ادموم جرحي العمل بيّه
❀❀

يهمي الما تهيد أمواج بحراك
احرگت نگاد گلبي الضعف بحراك

عله الخَوَّانُ كَدَ ما صحت بحراك
صوتي و لا أخوتي انتخوليّه



غث روعي و لجم جرحي ولمني
العذلني بكثرت هلاتي و لمني
نهار الفكر طشّرني و لمني
المسه ليل الأسه المجتمع بيّه



الجبدي الخل شطر سيفه و لخطر
ابحجي الما مرّ عله بالي و لخطر
خطر نبل الجذب واللّه و لخطر
رُمح فتنة الفتني الفتك بيّه



غيري اتجدّم ابجذبه مهانه و اياويد السلف باتت مُهانه
يخي عالمجد لا تنشد مهانه امن أمس حمّل اظعونه و كطم فيّه



الفتنه المضت ماهي كلّفته إلّفتنه أعظم اخساره كلّفته
اختلف هالسلف و صبح كلّفته و جفتنه أيّامنا الجانت زهيّه



صرح الهم عله صدري بناداي و انود و عالجت مرضي بناداي
عُفّت ما فرّزت الديره بناداي و لا عزم العشيره انتقر ليّه

يصاح ايتيمة الحيره دربها و عله أم تحلب لبن غيره دربها
الفقيه العمت بالديره دربها بس ربها و گضت بالقهر هيّه



علايم جزن خلّاني بوادي
القهر بيّه ابخشه اسوادي بوادي
البجي اشيجدي و ظعن مجدي بوادي
وَنه ابوادي و بلادي اغدرت بيّه



الچبد وچلاي ظل چامن بهنداي و جس انشطر دلّالي بهنداي
الديره الزمطت ابغيره بهنداي عله و مَحَد وصلني و فزع ليّه



ابچف لومچ يلتلومين شمري
الجفن عيني الخطبها الهضم شمري
عظيم أمري الاسم احسين شمري
غده و سل سيف غدره و فتك بيّه



الدنيا الذل بعد مجده بهازل مجد ما تنوجد عزّه بهازل
صبحنه انعالج الدنيا بهازل عذاب البيه بس محنه و أذيه



دار الدجل چيف أبگه بهايم بشر بالشكل لاچنهم بهايم
غداً بطحه الجهل يجري بها يم دمه و مواج أسه و بلوه و منيه

ارتعش عيب انتعش گلبی برجلای
و لا غیم ابمطر غیره برجلای
شهرول سلسله مِحنه برجلای
الحبی و حتّہ الدبی یصعب علیّه



یدهری دوم تلفینی بسنتّه و یریت الیغث دلّالی بسنتّه
الکره العنّی ابتعد حتّه بسنتّه بخل من دخل شر ضیمک علیّه



ابروحي اشلون ما دوفه معینه الروانی ابمنهل اچفوفه معینه
ابمحنّته اشلون اترکنه معینه أعینه ابنخوة الساعد خویّه



اشلون الذم بخیل الطبع منعید الیظن بوش العرب یرویه منعید
بَسْمَة عید ود ما تصح منعید الیصم اید البخل کل وکت لیّه



علیّه انشنت الغارات منخیل
هلی و سهم الجرحنی انطالک منخیل
ابوخل لو برکت عشمای منخیل
ردی و نخوای للیببهم حمیه



ینخلة همّی اشما بیچ وسری
و یظعنی امشی بسوانی الحزن وسری

ابسلب عزّة هلي الطيبين و سري

عمل چف شر زمانى و غدر بيّه



لومك ياللمت تدري عليروح روي و يوز لا تمغث عليروح

عذلك لا تذر ملحه عليروح گلبى و روح مالك شغل بيّه



ما يطره على خاطر و ليعين الما شد جرح للصاحب و ليعين

الغده تجايتى ابضيحي و ليعين ابطريحي اهذاك فخري و نخر ليّه



عيني الجان أمس يضوي شفلها الهضم هاليوم جرّحها شفلها

أموت بعلّتي المامش شفلها و گضي ابقهرها العلّه الخفيّه



العجدة مشكلي من يفل و يحيل و مته ينزل بداري الفرج و يحيل

الترح منهو اليبيله بفرح و يحيل عسر و كتي التصعب يسر ليّه



الزمان بكل لياليّه و يامه ظلم فقره و سبه أيتامه و يامه

يا ما چلچل بضيّمه و يامه رعد غيمه و مطر بس قهر ليّه



رعد غيم المشاكل علي و برج و الي ما حن أخو بمعروف و برج

أرض صبري بزلازل قهر و برج تمور و عن قريب تغور بيّه



البعض عجدات عسري الدهر ما حال
و محال يرج عليه بيسر ما حال
يحل ردت الفرع بحشاي ما حال
الترح حل بدليلي و چمن بيّه



و حگ المصطفى طه و لاهه
الأسه تسيطر عله روعي و لاهه
الگلب ما يخلص تهيله و لاهه
لمه ينصاب بسهام المنيه



گلبی المن لظه العيلات و يذاب
و صحت وينه اليحامي و يصد و يذاب
علي ذب شرك چف دنياي و يذاب
بجيه الروح و دنه الحتف ليّه



اشينفع عذشي النفسي و لامی
اشتويت بنار تعذبي و لامی
لا ماي حلو صحتي و لامی
جرعت كاس الشري غصباً عليه



ابعجل للچانو ابگربي و دوني و جفوني و خيبو ظني و دوني

وسفه المن زغر سنهم و دوني انكرو ودي و نسوني و زرو بيّه



ابنجد شعرالمجد من سرت و صليت

المرامي و للحسود حرگت و صليت

أگل شعري بعزم شك رمح و صليت

شبا و طر راس باس البغض ليّه



منهل دمع اليحبّون منهل عذب بل أعذب من العذب منهل

بمستشفى الشفه تشافيت منهل اجو وجرو دموع الفرح ليّه



بعد ما عيد موالى و لنشد شعر و يّست ما أسأل و لنشد

مصوّب بين خواني و لنشد جرح لصواب گلبى العمل بيّه



يگلبى الما وجدتك وكت تلهب فرح بس بيبك نار الحزن تلهب

شرايينك غدر دنياي تلهب زعل و شعل ضرام الحتف بيّه



اشتد ضغطك يدهري و كثر حرّك

بعذاب البى عزم كل شهم حرّك

نسيمك للأسف ما يوم حرّك

غصن شجرة سعادته و فرح ليّه



گطرة ماي أود لظماي منحب

وفه ولب حُب ردت ما ردت منحب

چيف اعله الوفه المفگود منحب

و لا ذم خل جفاني و غدر بيّه



نعم فرّ العگل منّي و طاري

بسبب غثني العلي جاري و طاري

يچگ لو تاهت أفکاري و طاري

حل حيله حتصاري العمل بيّه



عله فراش الالم نومي و سلهم و لا مرّ الكره بجفني و سلهم

بعد أيتست ما أنشد و سلهم تعود ظعون خلّاني عليّه



روحي الغدت تشدي و نشداها الگب محموس باهه و نشداها

دوك اسأل تهيله و نشداها يگضن لو يظّلن هاي هيّه



ويعات السفر حاير بعدها ولادها السفر والفرگه بعدها

تهل عيني التركتوها بعدها تهل و من التهل سيل صُبح بيه



تراکم ما نصفتوني تراکم جفيتو و لا بعد عيني تراکم

و حگکم يوم مسراکم تراکم عله گلبي الأسه و سل سگم بيّه

هايم بالدويو أصبح ويالي الأريده يبرّد غليبي ويالي
او حدي مَحْد وصل يَمّي ويالي بطرج ويعات دهري الغدر بيّه



غضيت بنوح كل عمري ولا من الزمان بهالأذه مثلي ولا من
لا من خلّتي واحد ولا من هلي ياني بوكتها ونقر ليّه



يعيني العين دمّ الدمع فجري
و يدمعي اعله المجرّه ارتفع فجري
شِرْگ من مغرب النجبات فجري
بمشاهيب اللّظه التسّعر بيه



بعد ذاك الفرّح حل ترح بالبال و مشاكل خلّفت بالبال بالبال
المقلّ قلّ شوفهن والدمع بالبال رداي و داي بي حتف المنّيّه



عَسّه لجيوش جورّه الدهر لا لام و عَسّه لصبح عليّ يلوم لا لام
دوه ميصير لوم اللام لا لام جروحي الخزّن و عملن بيّه



انعدم صبري انصدم بالقهر حيلاي
والي ناظر بصب الدمع حيلاي
أبد ما ظل عضو من عضاي حيلاي
الكل بيهن سره داي المنّيّه

ابسمه أهل المعرفة والرأي شعراي
 الفهم يا أسرة أهل الفهم شعراي
 انطلق من فن بديع الشعر شعراي
 ابرغم ضدي الحسدني و بغض ليه
 ❀❀❀

﴿ باب الحماسة ﴾

يصاح اشبعد نأمل و نترجّه أنه اشعل سمه الغيره و نترجّه
 الهلي امن أغدي محنّه و نترجّه الهلك بربوعنه تحيه الحميه
 ❀❀
 يخل من شط فهم خل يتم شرباك
 ابجهل ليكون ينبض عرج شرباك
 ابچف عز هزلوه او خل يرف شرباك
 ابحومة شرف و بساحة حميه
 ❀❀
 ابهرگ دم جرح دلالي و لعداي
 المسه الفرحة اتغدي الضدي و لعداي
 أسف ما غير بالشزب و لعداي
 بعد وعداي حصلت ضعف بيّه
 ❀❀

إِذَا لَمْ تَكُنْ ذَنْباً عَلَى الْأَرْضِ أَجْزَداً
كَثِيرَ الْأَذَى بِأَلْتِ عَلَيْكَ الثَّغَالِبُ



يُخِي لَوْ هَدَّ عَلَيْكَ النَّذْلُ وَيُرِدُ مَذَلَّتْكَ شَدَّ عَلَيْهِ ابْعِزْمُ وَيُرِدُ
الَّذِي مَا صَارَ ذَيْبُ هَرُودٍ وَيُرِدُ عَلَيَّ بِأَلْتِ ثَعَالِبُهَا الرَّدِيَّةُ



رُوحِي ابْظَلْ مَجْدَ عِزِّهَا وَفِيَّهَ نَمْتُ وَتَبَاتَ لِلصَّاحِبِ وَفِيَّهَ
أَطْرَ زُورَ الرَّدَةِ الْجَارِي وَفِيَّهَ ابْعِزْمُ مَتَحَزَّمُ ابْنُخُوهِ وَحَمِيَّهَ



الْحَلَّةُ بِحُلُوكِهَا كَوَثَرَ شَرْبُهَا الْيَرْفُ مِنْ رَفِّ لَوْهِ الْغَيْرِ شَرْبُهَا
الْبَاعُ ابْعِزْ دَمَهُ رُوحَهُ شَرْبُهَا فَخَرَّ شَعْ أَبْسَمَهُ أَهْلُ الْمَجْدِ ضِيَّهَ



عَلَهُ جَدَمُ الْإِبَائَةِ ابْعِزْمُ وَچَبِيتُ
وَچَفِيتُ الْكَاسَ ذُلَّ النَّفْسِ وَچَبِيتُ
ابْمُهُرْ عِزٍّ مِنْ غَرَّتْ مَعَثَرَتُ وَچَبِيتُ
وَ مَدِيمُ اخْيَالَتِي بَوَّلَ سَرِيَّهَ



الْعِنْدَهُ اخْوَانُ فَرَزَعُولَهُ وَيُولَهُ
و غَدَتْ عِنْدَهُ الضَّحَّةُ حَمْسَهُ وَيُولَهُ
بَبِيوتُ الْيَكْرَهُونَهُ وَيُولَهُ
لَظْهَ وَ بِچَبُودِهِمْ بَاتَتْ سَرِيَّهَ

أشاجي چنت من زغري و لاجي
و عله الحگ يكثر اعنادي و لاجي
دوم أبعد عن الباطل و لاجي
ابمجان البيه ذلّه و مهضميه



﴿باب ألرثاء﴾

الكلب كل ارتعاش الصار بيمين
سبب فگدك و زامط بعد بيمين
امن اخوتي انتة الجنة صمصام بيمين
نخوتي و سيل جودك شطر ليّه



الثكله اتنوخ ساعه و تمل وئي
أون اعلی الأخو و ما خلص وئي
يحادي ابظعن أخوي الشهم وئي
أودعه اوداع المفارج خويّه



نحت بلسان شجوي و صحت راحل
عميد السيّد الصنديد راحل
أود أشرب بعد فرگاه راحل
أسه الممزوج بي حتف المنيه

سَمَا الهم ظل يمور اشلون ميمور
 ابجمر فكد العميد السلف ميمور
 مَر ظعن الأسه الظنيت ميمور
 ونعه الناعي انفكد راعي الحميه



علي صب المصايب غدت تنصاب
 و چواين بالدليل أصبحت تنصاب
 يبني بيك ما ظنيت تنصاب
 ابسهم بين الزمان الغدر بيّه



عندي ما بگت ونسه و نعشه
 او يحگ لي لو ضعف شوفي و نعشه
 خلّي رد علي ميّت و نعشه
 سره اليّنّاز بيه و گطع فيّه



ابوسام امن الحزن دهري و سمني
 او بنواع العلل علني و سمني
 فجعني بموت خلّاني و سمني
 بلدغ سم الفراگ العمل بيّه



ابسهاها نفسك انعرفت وباها ابتقاك المتقي يفخر و باها

المكارم انتہ ابن عزها و باها يزاجي الما لفظ شخصك رديہ



الأمل صوّح ابفگدك راحمنہ و بعد ما بگت راحه راحمنہ
ابحنانك چنت واللہ راحمنہ و عطوف و چانت اچفوفك سخيہ



عطري انتہ ابحياتي و نترية و چنت منهل العطشي و نترية
نظن چنه تجينه و نترية زواجك حيف بس ما حصل ليہ



ما يسله دليلي ابطرب و بني انهدم بيتي اشأسييس بعد و بني
أعيّد چيف يوم العيد و بني العزيز اتوسد ابلحد المنيہ



وَن ثكله أون ما أون و نصاب و چواين چمت بالدلال و نصاب
ببني ما دريت أنفجع و نصاب انصبت ببني او و گع بيتي عليہ



اتركنا يالردئ الجاسي و خلنا افجعتنا ابفگد صاحبنا و خلنا
رُكن عز چان أبو يوسف و خلنا و كريم و تشطر اچفوفه السخيہ



أسف حال الردئ ببني و بينك و صعب فرگاك يا سيد و بينك
ما يحتاج أعرفنك و بينك يزاجي الأمك الزهرا الزچيہ



امقيّدنا الأسى الجاسي محلنا و صحيفة مفخره و عزّه محلنا

يزهي چان بالسيد محلنا و صبح مظلّم ابفگده و فگد ضيه



اگل روي دنوحي ابزن علي رحل ظعنه و چبد فرگاه علي
يناعي ابصوتك المحزون علي انعه البي تقى و نخوه و حميه



العيني چيف اظهرتك و بينك الگبر حاجز غده بيني و بينك
افراگك هالگطع ظهري و بينك سلب كل راكتي و حط مرض بيه



الفنه ايسر و لا نفتك منسره ايتخير وين ما زاچي منسره
البين ابظعن خلاني منسره هذ اركان عزمي و عمل بيه



چنت عز السلفنه و لنهيبه الامر بلسان شورك و لنهيبه
اشعظم هاي الخساره و لنهيبه اننهبنه ابفگد ابوبيه الحميه



اصيح على الاخوالبلنّش ماريد جوابي و للچبد فرگاه ماريد
اود وياه اطب لحد ماريد حياتي و ريت يدنه الحتف ليه



مدرار الدمه من الجفن يرحين

سره نعهشه و دليلي انجرح يرحين

خل ابجي و خل عيوني عليه يرحين

او خل اصبي ناظري ينفگد ضيه

يوم مفارگ الخلان یلّام او عیب الی علیهم جزع یلّام
شملنه الشّتته النمام یلّام تظن بعدان سرو و گطعو فیّه



ترك لي افراگكم بالگلب و یعین
او نچرکم بالحشه أثر صدع و یعین
فکر ماکو الیساعد بعد و یعین
او صبر ماکو الیرکد النفس بیّه



البین أحباب أخذ کثره و خلّه صدع بنیان أمل عزمي و خلّه
بیده الخل دفن خلّه و خلّه خدّه امعقر ابرمس الوطیه



شماله الدهر حاربني شماله سطرني ابیمنتته و فزّع شماله
هجم بیتي العله ابعالي شماله و شمعتي الضوت طفاها علیّه



راس المجد بشبّان ینشال و جرح الهضم بالخوّان ینشال
ساعدهم الما چنت أظن ینشال انشل بسهام دهري الغدر بیّه



ابحناني چنت أودیکم و ردکم و حبّنکم مثل روعي و ردکم
سیف الفاجعه گطّع و ردکم و خلّاکم ضحایه اعله الوطیه



روحي تروح فدوه الکم مردها عصرها مصاب فجعتکم مردها

أبدأ ما شفت دهري مردها و امر من يوم فرگا کم عليه



ظعن حباب گلبي الأمس شتهل يرد و شتنفع التهلات شتهل
يدمعي البس تهل لا تهل شتهل ابهلك ما ترجع الولد ليه



الابو من راح منه راحلنه عطوف و چان مشفج راحلنه
لچن منگول طبعاً راحلنه الأمل موجود بهله أهل الحميه



شرگنه بكاس سمّ البين غصنه و غصب بمواج بحرالمحن غصنه
مثل ابني الترعرع أمس غصنه ذبل ورده و يبس بالغصن ميّه



اليزهي چان بالمجلس و ناره

غضه و منشوف أبد شخصه و ناره

اتنهّل جرگه فراگه و ناره

ظلت گابه بچبده خويه



دوم عملت للمعروف و ديت

حقوقه و لخوتك كلوكت و ديت

علي گوّه و غصب للكبر و ديت

جنازة شخصك الغالي عليه



انفجعه بموت والدنه وبينه
أسا حلّ ابنوادينه وبينه
أخونه وخالنه وعمنه وبينه
و زعيم رجاله البيه الحميه



يخويه بغيبتك بس عليّ خلّيت
ابدلي المنجوي چم جرح خلّيت
انته الجنة الي كلوكت خلّيت
تجي و تشوف حالي شصار بيّه



يبنني الما عملت الشين حاشاك
اشفعل سهم القدر بالكلب حاشاك
حشاي يروح فدوه الذاك حاشاك
حشاك توذر بسيف المنيه



﴿ باب العتاب ﴾

يَهْل اليمن لا شَلّت يمنكم اعشكت ريح الصبه الغبشه يمنكم
أود أشتّم شذه كهوة يمنكم الحله فنجانها بيد الأطياب



أحبابي الشالو بحالي يخلّون بجيت و مدمع اعيني يخلّون

مرض من عظم فرگاهم يخلّون ابچبدتي و نار مستعره و عذاب



انعصر حنظل ابريجي اچان حالي

او غدت يمي المآسي وياي حالي

مثل البيه سم الرگط حالي

بستت أتگلب ابمحنه و عذاب



دليلي ما يهاب الخطر مندل

ابدجه او ما شوف خدر الولف مندل

هداني اعله لمعرّس طيب مندل

و لو مالطيب ظلّيت بعذاب



أجود بهاي نفسي و چيف ماجود

اللبات بحسبها الشرف ماجود

امرضت و دواي يا خلّان ماجود

ابدويّه الرّوت الجربه الضحى



﴿ باب الماويل ﴾

لا تصحب انذال مذمومه الفعل بيهلك
صاحب نفل ومشى بالكبك مشو بيهلك
سير ايسواني عگل ومشى بتگل بيهلك

عز والچذب عيب و صدگ للگلت له نعم
و نعم عله الما نعم و نعم عله آلي نعم
و حذر غدر كل ضديج البس لسانه نعم
مثل اليلدها نعم و بفاهها سم بيهلك



الروحي ابهوه البان إلفه و عاطفه و لهبه
ربرب ترف رب عليها و هالغدت ولهبه
الرب او هبه أخلاق جذآبه و حسن و لهبه

تسبي و سباني بغنج ما ينوجد شبها
شنشع ششع من محاسن صورته شبها
سرني بوفه و من جفه امعاي بجمر شبها
حتّه الدليل أضرمه ابشعلة لظه و لهبه



ابروض الفرخ چان مونسني ابمرح بطلي
و حين الغدرني و مشه انبط بالحشه بطلي

گتله الطله ابچذبہ ملفوظه الردي بطلّي

لا تنشر اكتاب مملي من الجذب ورگه

و تعلّه بقصور صيدگ أهل الصددگ ورگه

هم چانت اتنوح مثلك عالغصن ورگه

و گلتلها يم طوگ من نوح الجذب بطلّي



ما شوف إله امكان سامي و كل علو مرجله

الما فار گمگم گهوته و لا طبخ مرجله

ابشمة سخته المنتخه و لا بالرخه مرجله

هم خله خله يعيش ابذل بخل خله

و خل گرصته ابطگه تبگه ابصف جدح خله

الزاجي الكريم الوفي العنز ربع خله

ابوابل وفه و سيل جود و سل غضب مرجله



ما شوف بكتاب تجربتي الکتبته و فل

ربعي و خفه اهلال راحتي ابغذابي و فل

من ناسي مجروح بحساسسي المآسي و فل

خاطر مواسي و نبل جاسي و مواضي و سل

بحشاي قرحه من ابن ودي الجفاني و سل

عآسل علي سيف ما أنشد و ذکره و سل

أسئل علی الحلّي عجدات امتحاني و فل

الكلبي الذي افراگ معسول اللّمه كلمه
 مامش دوه ايڤيد جرحه الكلمه كلمه
 ياخو الرشّه انصاب و لفك بالحشه كلمه
 كَلَم فتى الهدّه الحادي الحده برده
 برّد غليله و دليله الشّب لظه برده
 امن ادموع وجده البعض دمهّن علگ برده
 دم سال بالنادي والوادي انمله كلمه



ريح القهر نار مشكلتي ابزعل ويهلي
 و كوخ الحفظ ستري طير كوسره و يهلي
 دهري الغدر بيّه من سابج غدر و يهلي
 ما يصحه ويّاي و يدور علي حيّه
 امچتفني ماهدني هددني ابلدغ حيّه
 غاضب علي دوم و بضدي النذل حيّه
 جر عني بالسم و لا يوم ابتسم و يهلي



اتطرگع تفرگع دليلي و بالأسه منجلي
 و مگدر أفر ويضه لو فر ما يصح منجلي
 من مرّ علي من وصلني من الربع منجلي
 اختار الدليل ابخيل الما دره و دره
 ما شوف غيره و محبّه و لا بعد و دره

من هو انتخه و هم دليلي ابغز سخه و دره
و من هو الجعل ليل نچباتي ابوفه منجلي



ابظعن المجد وين حاديكم سره يا هله
يلّي الشخصكم عله بنين المله يا هله
يا دائرة نور بدر المفخره يا هله

تبرج غديت ابفهم طال ابعلم برجاك
من دون البروج مر مابي نحس برجاك
عيني الرجعتك غدت تربّي و بگت برجاك
رد حتّه أگلّك هله بجيتك ولف يا هله



﴿مواويل بمدح ألامام علي عليه السلام﴾

مالك تلج يالبغيض ابحگ علي مالك
لجهنّم ايتعتك يوم الحشر مالك
مالك محل بالخلد موضع جدم مالك

حب الوصي و صير بولاية علي مامن
يوم العطش بالحشر يسكي العطش ما من
حوضه و سوى المرتضى رجوه و أمل مامن
حيدر علي الينفعك ما ينفعك مالك



بفضلك يحيدر ضد شهد منكر
ونته التطب كل كبر ويا الملك منكر
فاز الورد من بحر موش الورد منكر

كرمك بحري علي و باقي الجماعه انهار
بنيان حقك عله و ساس النفاق انهار
غربت شمسها و لك عادت و صار انهار
و انته التكر بالوغة غيرك علي منكر



ما نام ليله سهر ضد حيدر حيدر
خاف من أسد غاب ما مثله اب حرب حيدر
اهوه البنه الدين والدين الصبح حيدر

اتشيد ببو احسين هالدين و علي شيد
لو ما يأيده ابضرب مهند شيد
حيدر من المال ما حرصت على شيد
بالضيغ لو بالرخه طبعه السخه حيدر



يمن تبغض علي الكرار مالاك
اتخسه اب يوم العطش ما يصح مالاك
يجرك ليسقر بالغبر مالاك
او تظل نيرانها ابجبدك سريته



ابحبنا الربطنه ابعلي والمتصل منعلي
داوينه لجروح بالحب و بسوا منعلي
بالشدّه اهوه عتمادي و حب على منعلي

جملي الذي مال تجّاله و عدل مايلى
گلبى الذي لاي شد جرحه و بعد ما يلى
الساقى على الحوض أبو حسين و يصب مايلى
يا ربى بشفاعته بيوم الحشر منعلي



انترجه الخير والعز منعلينا رمز ذكره عن الشر منعلينا
ابولايه علي الباري منعلينا رجاي بيوم حشري و ذخرايه



﴿مواويل بمدح الرسول الأعظم ﷺ﴾

اگلوب المشاعر ابدین المصطفى حيّه
اتلبتي المودن الكال اعلى الصله حيّه
الأبدّه التحیه اباسم سيد الرّسل حيّه

يا صاحبي و لوم ضدّه المهتده و نبّه
و حچي ابعروجه و خبر عز مولده و نبّه
گله اعتنق دين طاهها المصطفى و نبّه
گله انتمنالك الموت ابلدغ حيّه



صَلِّيْ اَعْلَهْ اَبُو الْقَاسِمِ النَّالَتْ فخر بي هله
 اَهْلًا و سَهْلًا وَّلَفْ يا مَرَحْبَه بي هله
 هَاللَّيْلَه شَعْ بَدْرَه عَالِدْنِيَا و زَهْتْ بي هله
 هَاللَّيْلَه مَوْلُودَه سَرْنَه و اللَّبْغُضْ عْلَه
 يا صَاحِبِي و صَوْتِكْ اَبْذَكَرَه الْعَلَه عْلَه
 عْلَه الْغَفَه اَبْغَضَه يَصْحَه و يَنْتَبَه عْلَه
 او يَحْظَه اَبْمَحَبَّة نَبِي الرَّحْمَه و نَفْعْ بِيَهَالَه



يَا لَتَمْرَحْ اَبْسَاحَه اَنْشَادِ الْمَشَاعِرْ مِيل
 و خَلْ دَوْمِ اِلْكَ يَمْخَرْ اَبْجَرِ الْمَدَايِحْ مِيل
 لَتَمَلْ و لَوْ كَلَّاكْ اَلْيَبْغُضْ نَبِيَّكَ مِيل
 كَلَه الرِّسُولِ الْكَرِيمِ الْمَصْطَفَى بي هَلِي
 عَزَّهْ و رَجَهْ و كَبْلِي دَوْمِ اَتَمَسَّكَتْ بي هَلِي
 يَا صَاحِبِي الْحَبْ نَبِيْنَا و حَبْ عَلِي بي هَلِي
 و بِجَمْرِكَ الْوَايِ لِّلْيَبْغُضْ نَبِيَّكَ مِيل



عَنْ حَبْ شَخْصْ طَاهَا مَا مَالِ الْكَلْبْ بِلَهْوَه
 شَخْصَهْ و مَثَلْ شَخْصَهْ مَا مُرْسَلْ سَمَهْ بِلَهْوَه
 مَا ظَلْ عَرْشْ ضَدَّهْ عَالِي و مَا هَوَهْ بِلَهْوَه
 الطَّاهَا اِلَّلهْ دَوْمِ بَرْكَابِ الْخَلْكَ مَنَّهْ
 اَبْسَلُوهْ مَحَبَّتَهْ تَغْذِيَتْ و لَطْفْ مَنَّهْ

ما يوز من حبّه لحظه و أبتعد منه
و لو أحترج لجله و تذرّه الضحى بلهوه



﴿مواويل﴾

يوم مشو خلّتي ما نام جفني ورگ
و من الورگ صار أخف گلبي عليهم ورگ
تتكسر أقلام تسود القضيتي ورگ

لو سجلوها و خلص صبري و غضه وني
گاضي و يحادي صرخت ريض الزمل وني
ما ناح نوحى بشر محد يون وني
مثلي الثواكل فلا ناحن و لاحن ورگ



گتله المشه بليل بظعونه و سره يسره
خذ گلبي وياك شبگه بهودجك يسره
درب التجافي عسير بالود علي يسره

ظل سبعة أيام و رجع لا تظل مده
يوم سمع چقه هزه بشوگ الي مده
گال البحر لو جزر بعد الجزر مده
شط شوگك الهاج بالواح الصبر يسره



﴿مؤال عتاب﴾

اي واليحاسبني باچر بالكبر منكره
ما يوم طيبك نكرته و للأبد منكره
يا ابو الوفه اشهالجفه اشهاز الزعل منكره

يا سيّد أرجوك باب مواصلك حلّه
طبعك حلّه و يا هله بطبع الإلك حلّه
يا لابس من الفهم و من الجلم حلّه
من بعدك العين ما شبعث تره منكره



يحيالي الدوم عزّ الشرف حلّه إلك و من المعالي البست حلّه
دفتح باب بيت العطف حلّه إلي و عيد ابتسامه لطف ليّه



حل بيّه أسه جفاك و نحل للجسد يمحال
والروض وصلك فلا چنت أعتقد يمحال
چي طال الفراگ لو چي بر منع يمحال

ما بيننا انسيت خوتي و لا تراسلني
سلني الهجر سلني يا صاحب تراسلني
لو ما حچاياك چنت أهلك تراسلني
من من من أجلك و شوفك يا وكت يمحال

أسه هجرك الدلالي تراسل و من عيوني الدمه لجلك تراسل
 انتہ الجنة إلي دایم تراسل اشسده شنهو الدعاك اگطعت بيته



﴿مواويل﴾

يا صاح صاحب شهم صاحب إباءه و خل
 خل دوني مدموم بطباعه و لسانه و خل
 خاوي من الأحباب خل زاچي العقيده و خل
 مبسوطه ايده الكسب طبع السخه منهلہ
 و رشف رحيق الوفه و شرب عذب منهلہ
 الدوني الردي الشين ييگه بمحنته منهلہ
 ليصير إلك يوم صاحب يا عزيزي و خل



هاذ الوكت بات متمرض شبابه و سل
 و بچبدته سهام مسمومه و خناجر و سل
 شرع المشاكل شرع رمحه بشراسه و سل
 باسه و صفه بكاس جَو وكته الصفه راحله
 ارخل بلا زاد من جوره و بلا راحله
 ليلوي يا خوي گلبي الما تصح راحله
 دنشد عله صواب شريانه الضهدني و سل



يا عربي لرياف يالطبعك سخه ودله
و عليك عتگ الزهه بليلو الرطب دلّه
الغصن المدلل الهزه من الطرب دلّه

بريافكم هاذ والروض النشر طيبه
عذبي النسيم اليمركم للمرض طيبه
هم گاعكم طيبه ويضه طباعكم طيبه
عدكم فراها و نباها و معرفه ودله



مؤال شعري محا جور الدهر ونسه
و ما هو عجب للدهر أحسن إلي ونسه
لا يفرح ابونسته العاقل و لو ونسه

بچاني مرّات ما بيه ضحكت مرّه
دوم عله بالي شبح شرّه الشرس مرّه
من يوم چنت أبجي بمهدي جرعت مرّه
چبدي بائسه حر مسه و بكل مسه ونسه



﴿الميمر﴾

ديرة الشالشها الغبر ودوني شيلوني عنها الغيرها ودوني
للغليبي ايودهم و هم ودوني ودوني لنّي ابغيرهم ما أثمر



ضرع الكسف لبن الخبث در منّه او ضرع المفاخر ينحلب در منّه
يسهام غيرتنه الجلف در منّه و نبتن ابكلب الما وعه و ما فكر



ابعيد اليوحد رايكم عيدوني و بفرح لمّتكم فرح عيدوني
هالرفض خوّتكم عوي عيدوني مقصوده عز هذا الجمع يتطشّر



الما أدبه جد يفتهم و بخلّه يعيش ابنيصة معرفه و بخلّه
لا خير بالما يفتهم و بخلّه الخلّ الغبي الما يفتهم خلّ أغبر



ضرع الحنان لينحلب و دمنّه
يا خوي حلبه و للربع و دمنّه
اللچمن جرح غليبي الضحه و دمنّه
اچلم النكر طيب الأهل و تنكر



ما يسله گلبي بكل لهو مايلها
يفكر بلحمول الوگع مايلها
عطشانه روي او ما تود مايلها
اتود من جدح عز تنسكي و بي تفخر



گتله الرشا الخلخال الي مدّنه دتدنه و يمين الوصل مدّنه
جاوبني لا لا ، لا أبد مدّنه وشلون يتدنه الخشف من هزبر



كنز الوفه الخله الجفه منسلمه و للبات ظامي و ينتظر منسلمه
يالتحمد ايسلمه اششفت منسلمه ليل الشعر لو در ثغر و مسطرّ



و آنه ابزغر سنّي الصدگ ودّيته
جبتّه الصديجي و للعدو ودّيته
واصلت زيني الكل هلي ودّيته
و ما شفت من عدهم وفي اليتشكرّ



ما يوم المحرمه العگل حلّيته
او گيد أخوتي بچف نخوتي حلّيته
مُرهم ابطيب مواصلي حلّيته
و ما أبتعد عنهم و لا اتکترّ



«الدارمي»

نص ساعه و تهفتين يا نار الجذوع
و ما تطفه هاي سنين ناري البلضوع



لمس ايدك اعلاه چلاي بلسم للجروح
جعديك نشط للروح چي عنبر يفوح



تشچي البرد يهواي طب بين الضلوع
غال من أطب اچلاي تتچوّه و تموع



مشبوچه بس ليفوگ يا عيني اشبيچ
گالت يطل اهواي من هالشبابيچ



گالولي بحر هواك هزّه الهوه وهاج
گلت أصدع بمشحوف شوگي اعلاه لمواج



تنّور أود يبنون بموسّط احشاي
بلكت بحية العيش يخبز يجي اهواي



من گتله ظلمه تصير لتفلّ الجعود

ظل يعلگ تريكات من نور الخدود



لديرکم اتعنيت و سأل يعشّاگ

هم مثلي تبتاگون عگلي الضحه ابتاگ



گالولي تمدح دوم بمحنة اهواک

شو من شلت ما شال ناهي و مشه وياک



بيک الکلب محتار و امتحنت الروح

ما ودي تبگه اويائي ما أقبل اتروح



تمرك تطيحه اعليش يا نخل الهشوش

مجروجه ايد اهواي ما يگدر ايطوش



بعله العتگ چا ليش صاير يهنبوش

محترجه ايد اهواي ما يگدر اينوش



ليگول أنه ابن افلان و هلي من الأطياب

يضحك ابوجه الضيف ما يغلگ الباب



تغلگ ابوجهي الباب يابن العرب ليش
أرضه ابكرص من طين لو مايصح عيش



كل شي غله ابدنياك حته البهيمه
شو بس بگه الانسان ما عنده قيمه



الما من ثدي الغيرات متغذي لحليب
عابد بلؤل چان تالي انگلب ذيب



﴿الهوسه﴾

يبو عزيسنا الولدك ندگ طبل الفرخ جينه
نود اتدوم فرحتكم ابجاه المصطفى و دينه
جلت حنة زواج ابنك الجنة اتلوگ بيمينه
(بالفرحه اچفوفه انحنيا)



الجنة الشوگ طرزها و نقشها الفرخ بچفوفه
والشمعات بالبسمات معلوگات بالحوفه
نسبگه ابرکض فرحتنه و نشبگه و أبد منعوفه
(ونوصله ابهوسات الداره)



يبو عرّيسنا المعروف والموصوف بالعفّه
 ابجودك نفتخر كلنا ابجودك دوم نتكفّه
 الابنك موش بس ايدك اتلزمه ابشوگ و تزفّه
 (كل احنا الابنك زفّافه)



أبو عريسنا الغالي لفظ درّ الحچي السانه
 تشكّر من جمع ربه و خوته و هله و جيرانه
 كلتله الشكّر ما قبله يعمّي و بالخصوص أنّه
 (ممنون الياري و خوّانه)



اسماط اوليمه العرّيس زاده الفرّح و غموسه
 المودّه اجناحها ايرف شوگ وبهاجمع محسوسه
 انريد انلم مودّتنا و نطشها ابساحه الهوسه
 (والفرّحه ابهوسه انحليها)



شع بيتك يهاالعرّيس يزهي ابفرّح هالليله
 تدغدغ نسمة ابخوره و تونس كهوته و هيله
 زهه بوجوه المحبّين و عتلت قناديله
 (بعطوره ايفوّح و زهوره)



اتحيّ اترحّب الأولاد بالعريس و عروسه
 تشبكه ابشوگ ونستها و تشمه ابفرح و تبوسه
 شجرة رازقي امحبته ابدليل السلف مغروسه
 (مزروعه ابگلي و مغروسه)



حفل عرسك ابأقداحه اللطيفه و عطر قدّاحه
 حله و هرّه ابمسره الشوگ و تجمل ابأفراحه
 الحفل بي شع تره مصباح والعريس مصباحه
 (قنديله اليزهي و مصباحه)



الحفل طبعاً غده حالي القدح حالي الفرّح حالي
 تفتح ورد قدّاحه و زهه العريسنا الغالي
 اشبكه ابنظم هوساتي و أزقه ابشعر موالى
 (زقّيت الغالي ابمّوالى)



كلام أهل الشيم واجب نسمعه و بالحشه انطبعه
 الكالو صاحب المعروف كل أهل السلف ربه
 مثل عريسنا المعروف والمعروف من طبعه
 (معروف ابكرمه و بخلاقه)



﴿بيوت من شعر المهداوي﴾

أحلفك بحيدر علي يا سعد جيتك موش إلي منتالي
 چنت بزمانك خل إلي شخلاك تخرب و خربت منتالي
 ماخفت من زيد الغبي الماصلّه كل عمره و خفت منتالي
 للمصحف بمسجد قبا و للقصّه صبح چاوي



تمر الجذب حامض غده و يحمض بعد منحالي
 مئقال مَر من الصيدگ أحسن و لا منحالي
 جاراتي عذلتني بصيدگ وعدي و لا منحالي
 گلت الصيدگ عرشه اعتله و عرش اليجذب هاوي



سيف الكُبر ينزر بعد ميفيده لمسن يا سعد ونسنّه
 بفراش مرضه من نطرح عافته غزلان المرح ونسنّه
 گالن گبل چان ابثمر ليل السمر ونسنّه
 و هسه التوه عزمه و خوه و شيفيد الاصبح خاوي



اي والنبي موسى الخذه ألواح العلم منطوره
 الونّ بحزن طوره انخرج طوره و خرج منطوره
 ثاية مجدنا چانت ابعين العگل منطوره
 ليل الجهل مسها باسه و ظلم مجدها الضاوي

كل زين منهم ما حصل بس الحجي الشين الوصل وليالي
 غضيت ويّاهم عُمر ويّام ما تنعد مضت وليالي
 شوك المشاكل بس الي و لعبادي وسوادي الرطب وليالي
 حشف الدگل خلّوه إلي و ودّو الضدّي و ضد هلي الخستاي



يحاب غلبي و يا هلي چنه الزمان الجاهلي عادله
 ظلينه بس نسمع جذب والچذب صاير للأسف عادله
 حتّه الصديج بهالوكت جي نحجي بالحگ والصدگ عادله
 و صاحب الچذاب الردي البس للردايل حاوي



ريّض يحادي سويعه لي بظعنك المسرع خل الي وخواني
 هل دم دمع عيني و همّل مرّضني فراگ الأهل وخواني
 بفوادي لمجرّح سيرت يالحادي من سيرت بهلي وخواني
 لا وين قصدك معتني بهالظعن ولمن ناوي



يا صاح صبح العز مشه و خبر العشيره الما درت ونبيها
 دار الرحل عنها المجد للأسف بس ظل ينسمع ونبيها
 گوم الكثر بيها الجهل ما تگدر اتنول الشرف ونبيها
 يحوي الشرف بس المشه ابغيره و صبح غيراوي



بسم الله

المحتويات

الرقم	القصائد	النوع	الموضوع	صفحة
١	المقدمة			٥
٢	الإهداء			٧
٣	حكمة الديوان			٨
٤	العلم والجهل	كلايد	مديح	١٠
٥	أحبك يا ظبي الوادي	تفعيلته	مديح	١٤
٦	احسين سل سيفه	مربع	رثاء	١٨
٧	يوم الطف لوى التوحيد	مربع	رثاء	٢١
٨	صدت للأفق زينب	مربع	رثاء	٢٥
٩	شرد أكلك يا أخي محمدرضا	مربع	اجتماعي	٢٩
١٠	يعبيس دأيس	مربع	اجتماعي	٣٥
١١	يا حمامه	كلايد	اجتماعي	٤٣
١٢	ما جان الجفه شغلك	مربع	عتاب	٤٥
١٣	أحبّج يا فلاحيتي	كلايد	مديح	٤٩
١٤	اجني يحشه	مربع	انتقاد	٥٢
١٥	چعب فكدت	مربع	رثاء	٥٧
١٦	يصعب اعلى الناس	مربع	رثاء	٦٢

الرقم	القصائد	النوع	الموضوع	صفحة
١٧	مدّه جنت أنخه القريحه	غلايد	رثاء	٦٧
١٨	ييو مقامس	مربّع	رثاء	٧١
١٩	يا طارشى ابمسراك	ركبانيّه	مديح	٧٦
٢٠	الحده	مربّع	غزل	٨٠
٢١	المستايه	مربّع	غزل	٨٦
٢٢	قصّه أرويك	مربّع	موعظه	٨٩
٢٣	حبّه الحنطه الكريمه	مربّع	موعظه	٩١
٢٤	الحرمة لتغشك	مربّع	موعظه	٩٢

الرقم	الأبوذيه	صفحة	الرقم	العنوان	صفحة
١	باب أهل البيت	٩٨	٨	العتاب	١٨٥
٢	باب الغزل	١٠٠	٩	المواويل	١٨٧
٣	باب الحكم والمواعظ	١٢٩	١٠	الميمر	١٩٨
٤	باب الاجتماعيات	١٣٦	١١	الدارمي	٢٠٠
٥	باب الوجدانيات	١٦٢	١٢	الهوسه	٢٠٢
٦	باب الحماسه	١٧٧	١٣	المهداوي	٢٠٥
٧	باب الرثاء	١٧٩	١٤	المحتويات	٢٠٧